


DE
LIGNO
SANCTO.
FERRUS

1542



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2243/A/1





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2243/A/1



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2243/A/1





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2243/A/1

F. ix. b

16

2243 ¹¹¹
A







Libro de
flos de

La M^a tu non sei finis

Florence
29/8/10.

13 A 15 24461.



 ALFONSI FERRI

NEAPOLITANI MEDICI

EMINENTISSIMI, PAULI III.

Pont. Maximi chirurgi pri-

marii, de ligni sancti mul-

tiplici medicina, &

vini exhibitione,

libri quatuor.

quibus nunc primum additus est Hic-
onymi Fracastorii Syphilis, siue mor-
bus Gallicus.

Indice rerum præcipue obseruandarum adiecto.

Omnia multo emendatiora quam antea.


~~PARISIIS~~ PARISIIS.

Apud Ioannem Foucherium sub scuto
Florentiæ, via ad D. Iacobum.

Cum priuilegio.

1542





Alfonsi ferri

ARTIVM ET MEDICINAE
Doct. de ligni sancti multiplici medicina,
& vini exhibitione, liber
primus.

Præfatio.



LIGNVM illud quod vulgo sanctum, alias Indicum appellatur, ab insulis affertur in interiori oceano ætate nostra repertis, unde etiam morbus ille qui Gallicus dicitur, ad nos manavit, antea nostris terris incognitus. In illis autem regionibus is morbus natus est, ac præter contagionem per se nascitur frequentissime, cū apud nos ex sola videatur fieri contagione. In eo morbo gentes illæ præsentissimo remedio vtuntur huius ligni, omnesq; curantur hac vnica medicina. Eam rem nostri qui illic versantur, animaduertentes, & ipsi eo

Lignū sanctum sine Indicum

Morbus gallicus vnde manavit

A II remedio

4 DE LIGNO SANCTO

Vsus ligni
sancti mul-
tiplex.

remedio vti sunt, quicunque in morbum gallicum inciderunt, & inde in patriam reuertentes, afferre ad nos cœperunt lignum ipsum, eaque medicina oppressos gallico morbo curare. Quod vbi bene atque cum salute successit, breui ac facile id remedium per omnes nostras regiones receptum est, habitumque pro optimo & prælentissimo in morbi gallici curatione. Quoniam vero in insulis vnde lignum affertur, non in hoc solo morbo adhibent ipsius ligni medicinam, sed in aliis quamplurimis morbis ac fere in vniuersis: illarum gentium exemplo nostri homines edocti, ad multos alios morbos curandos eiusdem ligni remedio vti cœperunt. Itaque hæc eandem medicina ligni sancti tam in morbo gallico, quam in plerisque similibus morbis, atque etiam diuersis, præbatissima iam apud nos est, & in frequentissimo vsu. Nos vero pro communi hominum salute, ac pro nostro officio, ad hanc tam nobilem salutaremque medicinam adhibentes omne studium nostrum omnemque diligentiam, animaduertimus & ex considerata rei ratione, & ex frequenti ac varia exercitatione & vsu curationis

tionis atque successu, medicinam ipsam in variis morbis præparari & vulgo exhiberi sine nulla medendi ratione, nulla habita vel morborum vel agrotantium consideratione, sed promiscue ac sine vlllo discrimine cuius morbo & cuicunque agroto medicinam ipsam eodem modo confici & administrari. Quæ res in perniciem cedas sæpius necesse est miserorum agrotantium, dum id quod alicui saluti fuit, cæteris qui vel diuerso morbo vel diuersa dispositione affecti sunt, causa fit non auferendi morbi, sed augēdi. Itaque nos curauimus vt ab hoc prauo vsu medicina tam utilis & necessaria ad medendi artem & rectam curationem reuocaretur. De hoc enim ligno sancto tractauimus, & cognoscendo, & eligendo, & præparando, & exhibendo, & quemadmodum, quibusque morbis administretur, quibusque complexionibus, ætatibus, temporibus, regionibus, inueteratis, aut recentibus morbis, ac de multiplici variaque confectione & administratione huius medicinae, Atque vt res tota esset promptior & manifestior, materiam omnem digessimus in partes distinctas, eaque partes titu-

A iii li

lis adnotauimus singulis atque per capita exposuimus.

*De præparatione & administratione ligni sancti, quod non eadem semper, sed diuersa debet fieri diuersis morbis & diuersis dispositionibus.

CAP. I.

QUod nos maxime mouit ad huius operis confectionem, id fuit quod vidimus hanc medicinam ab omnibus eodem modo præparari, & administrari, tam diuersis morbis, quam diuersis dispositionibus: quod valde mirati sumus obseruari medicis vniuersis. Cum ea res tota sit maxime contraria rationi, vt ligni sancti medicina eodem modo confecta & exhibita, quæ est eadem causa & idem agens, putetur posse curare diuersos morbos, & contrarios qualitatibus, item diuersas & contrarias complexionibus, vel dispositiones corporum ab intrinseco & extrinseco: vt ætatis, noui vel veteris morbi, regionum & temporum anni, & similium. quæ curationes
cor-

LIB. PRIMVS.

Corporum in diuersis & contrariis qualita-
bus & dispositionibus, sunt diuersi & con-
trarii effectus ab ipsa medicina ligni sancti.
Et quomodo hæc fieri ab omnibus credita
sunt, quæ fieri non possunt vlla ratione. Nā
vt Aristoteles præcipit lib. 2. de genera-
tione & corrupt. idem, & similiter habens
se, semper idem innatum est facere. Et tibi
Auerroes: Idem nō facit contraria. Autho-
re etiam Aristotele qui ait: contrariorum
contrariæ sunt causæ. Intentiones enim &
operationes eiusdem agentis necesse est vt
sint cōformes potentiis & virtutibus ipsius
agentis, nec possunt esse propterea diuersæ
intentiones in medicina ligni sancti, si illi
non accedent diuersæ virtutes per diuer-
sas illius præparationes & administratio-
nes. Quod ex Auerroe accepimus, qui ait
tertio de anima: Quum duæ intentiones
sunt diuersæ, necesse est vt virtutes sint
diuersæ. Quamobrem non potest me-
dicina ipsa eodem modo disposita produce-
re diuersos curationis effectus. Nam vt A-
uerroes testatur secundo metheororū, diuer-
si effectus fiunt propter diuersitatem sub-
iecti in dispositione. Ac propterea omni-

Aijj no

no necesse est ad diuersos curandi effectus producendos diuersam fieri dispositionem ipsius ligni sancti per præparationes diuersas. Ex Aristotelis etiam doctrina secundo Physicorum, qui ait, eadem causa per se est duorum contrariorum, sed duabus dispositionibus diuersis. Et octauo Physicorum, nullum agens, inquit, in eadem dispositione producere potest effectus contrarios. Et ibi Auerroes insuper dicit, quod cum proportio illius quod habet potentiam agendi duo contraria, fuerit eadem ad contraria, neutrum efficiet illorum. Falso igitur ligni sancti medicina eodem modo præparata valere credita est, ad sanandos diuersos morbos, vel eundem etiam morbum in corporibus diuerso modo affectis & dispositis. Et ne a medicis discedere videar, non solum logici, inquit Galenus, sed etiam methodici euidenter intelligunt, vnā omnibus naturis medicinam necessario non conuenire. Et quia non curamus hominem in communi & indifferenter, sed vt varia ac diuersa dispositione affectus est homo vel intrinseca, vt diximus,

De sanita-
te tuenda.

mus, vel extrinseca. Quapropter ut hæc maxime salutaris medicina, quæ in potentia est ad curandas diuersas dispositiones & morbos diuersos, ad actum vere deducatur: & ut diuersi effectus curationis & diuersæ operationes ex eadem medicina producantur, ut necesse est a causis diuersis: oportet ut eidem ipsi medicinæ tribuamus diuersas differentias, per diuersas illius præparationes. Quare vnum pharmacum omnibus nequaquam conuenire potest, sed oportet medium esse, inquit Galenus de compositione medicamentorum, ceu ad mediam temperaturam aptatum, ducere vero ad vtramque eius medii extremitatem, dum quotidiano vsu & experientia probatur. Si ut res postulat confectum fit, in eo manere consilium est: si paulum deficiet augere ipsius vires, quemadmodum etiam adimere cum præter modum efficax sit.

Libro.2.
Cap.1.

*Quod sit lignum sanctum.

C A P. I I.

- Bseruatum est ab excellentibus medicis ut in ratione simplicis cuius-

In ratione cuiusque quinque requirantur : Quid sit, simplicis quale sit eligendum, cuius nature sit, quot requirantur quæ illius proprietas & operationes, quæ permutatio in medicina. Hunc non morem sequemur in explicanda ligni sancti ratione. Ac primum ostendemus, quid illud sit, id est, quod lignum sit hoc, quod dicimus sanctum. Et nonnulli quidem putant non fuisse ignotum antiquis medicis hoc lignum. Ipsum enim alij dicunt esse, id quod ab Auic. karon appellatur, alii vero idem quod hestedeen : plerique opinantur non aliud esse, quam Ebenum. Hi autem, qui Ebenum credunt, argumento utuntur probabiliiori multo quàm ceteri, ac insuper Aristotelis autoritate qui tradit quarto metheor. omne lignum natum in aqua, nec siccum, præter Ebenum. Hoc autem lignum sanctum non aliter quam Ebenus siccum ac minime natum, quapropter creditum est idem esse quod Ebenus, aut certe Ebeni species hactenus incognita, præsertim cum eandem opem videatur afferre lignum sanctum quam Ebenus in membris excrementorum. Nam & calculos frangit

Ebenus nō
supernat at

git & ventris inflationem dissoluit. Qui
lignum sanctum esse karon putant, il-
lud afferunt, quod hoc lignum medetur
morbis iuncturarum, quod ait Auicenna
karon efficere, Eodemque fere argumen-
to vtuntur de ligno hestedeen. Sed aliud
omnino est hoc lignum sanctum, quam
vel karon vel hestedeen. Nam karon, vt
Auicenna precipit, confert morbis iunctu-
rarum factis a causa primitiua, vt fracturis,
distortionibus, ac luxationibus, quibus cō-
ferre par est extra appositum. At lignum Lignū san-
sanctum constat medicinam esse antidota-
riam contagiosis morbis, intus exhibitam dorus est
nec non quam plurimis variisque morbis morbis cō-
multiplici remedio subuenire, ac propter tagiosis.
ea longe aliud est lignum sanctum, quam
karon. Sed ab his lignis, & a ceteris om-
nibus que in aqua non sident, palam est li-
gnum sanctum natura maxime differre,
cum illa narent, hoc fidat. Ab Ebenove-
ro lignum sanctum longe etiam differre
affirmamus, quamuis illi granitate si-
mile sit. Nam Ebenus qui non fluitat ni-
ger est, vt manifestum est sensu. Sed ligni
sancti color nequaquam est niger. Duri-
tie

Lignū san-
ctum non
esse Ebenū

Ebenus ignem statim contrahit.


tie quoque differt ab Ebena lignum sanctum: non enim ita maceratur lignum sanctum in aqua cæteris paribus, quemadmodum Ebenus. Cum tradat Auic. ex Ebena collyrium fieri. Præter hæc Ebenus si iuxta ponatur, ignem statim corripit, quod minime contingit in ligno sancto. Demum nec tantum odorem nec talem omnino reddit lignum sanctum, si comburatur, quantum & qualis redditur ab Ebena. Quamobrem prorsus aliud est, quam niger Ebenus lignum sanctum. Aut fortasse species quædam est Ebena non ante cognita nostris regionibus. Atque ab omnibus lignis longæ differt, quæ hætenus medici cognouerunt: nam a nouo orbe noua hæc ad nos venit eximia medicina. Nec est mentitus Aristote. qui solum Ebum e lignis tradiderit, in aqua non natæ, id enim de lignis verissimum est, quæ nosse potuit Aristoteles: hoc autem lignum vsque ad nostram ætatem fuit incognitum.

Quale sit eligendum lignum sanctum.

C A P.

III.

Ex



X nouis insulis plures ferre cognouimus lignū sanctum, atque propterea videndum est vbi optimum producat. Nam & ex insula affertur, cui nomē inditum est sancti Ioannis, & ex insula sancti Dominici, & ex insula sanctę Crucis. Hę autem insulę ad meridiem omnes positę sunt, alia tamen alia australior est, distantque non parū inter se singularum parallelivt a geographię peritis illuc nauigantibus cognitum ac traditum est. Itaque insula sancti Ioannis habet Borealis poli altitudinem, distatque illius parallelus a circulo equinoctiali gradibus viginti cum dimidio. Insula sanctę Crucis gradibus fere decem & octo. Insula sancti Dominici gradibus tredecim. Ab hac insula sancti Dominici primum allatum ad nos lignum sanctum est, eoque aliquādiu medici vti sunt. Postea ab insula sanctę Crucis & sancti Ioannis afferri cępit. Animaduersumque est optimum esse quod insula mittit sancti Ioannis, idque multo vtilius esse, quam id quod nascitur in insula sancti dominici, hoc enim aridius

Martino
Densio au-
thore.

aridius est, magisque sumentium corpora exiccat, illud vero sancti Ioannis humectat corpora in calidis morbis, humidumque radicale conseruat, quod experimento patet in asthmaticis in phthificis, & hecticis. Id vero a ratione alienum non est, ut temperatius sit lignum ex insula sancti Ioannis, siccus vero & aridius est in insula sancti Dominici. Nam quæ orbis regiones subiacent æquinoctiali, aut non longe distant, nimio solis calore inflammantur.

Quoniam cum præcipua caloris causa sit in terra reflexus radiorum solis calefaciens infimam aeris regionem, ubi solis radii ex meridiano circulo vel recti vel parum obliqui terram feriunt, necesse est vehementem fieri reflexum aeremque infimum maxime feruere. At in æquinoctiali circulo recti a meridiano terram feriunt radii solis. Quamobrem insula diui Dominici vehementiore solis ardore peruritur, quam insula Diui Ioannis, quæ octo fere gradibus plus minus quam illa distat ab æquinoctiali.

Itaque in insula sancti DOMINICI excoquitur, euaporatque in ligno sancto
ex ni-

ex nimio æstu succus ille salutaris, fit-
que lignum aridum nimis & torcidum
contra insula sancti IOANNIS cum mi-
nori afficitur vi caloris, tum vero refri-
geratur scatentibus vndique aquis: nam
fontes habet quamplurimos, fluminibus-
que rigatur vberissimis: quo fit vt sit re-
gio illa temperatissima stirpesque ferat &
ex moderatio aeris calore, & ex terræ hu-
miditate omnis generis præstantissima in
propria natura. Quare manifestum est
lignum sanctum optimum & saluberri-
mum ex insula sancti IOANNIS com- Ligni san-
portari. Dicendum est deinceps quale sit cti electio.
per se lignum sanctum eligendum. Ac
primum ex arboris ætate media vim ha-
bet firmiorem. Tenera: enim ætas cuius-
que vegetabilis tenuem suscipit leuem-
que vegetationem, senectus vero prope
corruptionem est, vt Auerroes ait secun-
do de generatione, & secundo metheo-
rorum: virtusque propterea in senectur-
te minuitur. Quapropter media æta-
te arboris optimum est lignum sanctum.
Et ex arboris autem partibus nec tenues
furculi eligendi sunt, nec rursus rami ad-
mo-

modum crassi & robusti, aut etiam truncus, sed rami optimi sunt media crassitudine. Quamvis putent aliqui meliores esse radices, alii trunco qui sint radicibus proximiores. Sed nos id verum esse putamus, præsertim de radice, in regionibus ubi lignum nascitur, quod ibi recens exciso succus maior est radici quam ramis. Vbi vero iam aruit, citius radices quam rami exiccantur. Quamvis vero lignum hoc sit materia quam densissima, ac diu absit a corruptione, tamen eo melius omnino est, quo est recentius, maioremque habet succum atque vigorem. Nam semper amittit necessario lignum ipsum aliquid ex suo humore, qui cum exiguus illi sit propter siccam ipsius complexionem, breui arefcit, demptoque succo, in quo est virtus ipsius naturalis, amittit propriam naturam, atque evanescit, remanetque pars terrea tanquam exanima, quamobrem recentissimum est optimum, præsertim in calidis morbis & siccis, nondum exhalato humore ac succo illo vnde operatur. Eligatur igitur lignum sanctum ex insula sancti Iohannis,

annis, ex arbore mediæ ætatis, ramo mediocri : tum sit quam recentissimum, ac si fieri potest, annum non excedat, graui pondere, cortice herenti, colore fuscū & flauum.

*Cuius naturæ & complexionis sit lignum sanctum.

CAP. IIII.

Temperatissimum quidem esse natura lignum sanctum, apparet ex maxima ipsius virtute atque operationibus, dum ea medicina ingentes & quamplurimi morbi curantur sine læsione vexationeue languentium. quin magnum fumentibus præstat alimentum præter cetera simplicia, quorum vsus est medendis corporibus humanis. Quamobrem licet tantos & tam varios effectus producat magis ex virtute intrinseca & ex forma substantiali, quam ex qualitatibus, tamen ex primis etiam qualitatibus ipsum operari necesse est. Quibus constat, vt diximus, esse maxime temperatum, atque ex omnibus quatuor qualitatibus operari, quoniam & ægrotos sanat & morbos curat calidos, frigidos, humidos & siccos. Nec obstat, quod

B i

quod Aristoteles præcipit. 2. de generatione, contrariorum contrarias esse causas. Et Auerroes primo de generatione, contrarium non accipere suum contrarium. Neque enim simpliciter & absolute diuersos & contrarios qualitatibus morbos & ægrotos curat lignum, vt imperite hætenus creditum est. Sed varie ac diuerse preparatum & alterarum: intensum maiori portione ligni infusi: remissum maiori aquæ infusione. Quo pacto contraria possunt contingere in eodem subiecto, alterum videlicet in intenso, alterum in remisso, autore Auerroe 4. meteor. Temperatissime autem naturæ hoc lignum esse licet cognoscere ex Auerrois doctrina quinta colliget, aliorumque autorum simplicium qualitates indagantium per primas operationes, secundas & tertias. Prime vero operationes sunt calefacere, frigefacere, siccare, humectare. Secundæ sunt quæ ex primis proneniunt: vt calido & humido molle reddi, a frigido & sicco durum fieri. Tertias virtutes dicimus, quæ sunt in proprio ac determinato subiecto, vt prouocare vrinam, educere

Cap. 3.

Ligni fan-
ta mira
temperies.

cere choleram. Ex primis autem operationibus liquet temperatam esse naturam ligni sancti, quoniam sumpta hæc medicina, nequaquam plus iusto aut calefacit aut refrigerat, aut exiccat, aut humectat, nec vnquam temperiem excedit: non enim conuertitur in calidiores chylum, sed intemperatum. Temperata vero medicina est, ut ait Auerrois, quæ cum sumitur exigui portione, comparata materię, per illam e corpore eductæ, non inducit affectionem extraneam in corpore, quod potissimum in hoc ligno reperitur. Nunquam enim ægrotis etiam diu ipsum sumentibus extraneam inducit affectionem. Ex secundis item operationibus & tertiis temperatum apparet lignum ipsum: nam & stringit & laxat, & illa omnia moderate operatur. Et si vel pulmonem purgat, vel hepar, vel si urinam prouocat, vel sudorem educit, vel ad quodcunque remedium adhibetur, omnia efficit temperate sine læsione corporum vel molestia. Quapropter manifestum est ex operationibus temperatissimum esse natura lignum sanctum.

B ii

Licet

Qualis sit
comple-
xio ligni.

Licet difficile credat esse Auerrois, medicinam inueniri in cunctis operationibus temperatam. Sed id nos ita se habere & experimentis intelleximus, atque ita nos iure affirmamus atque præcipimus. Aristote. enim tradit. 2. posteriorum ex sensu memoriam fieri, ex memoria experientiam, ex experientia artem constare. Quanquam vero temperata natura est, & complexio ligni sancti, tamen esse prædominium ei necesse est, quemadmodum simplicibus cunctis vnius qualitatis & complexionis. Itaque constat apud omnes calidum & siccum esse hoc lignum: sed non admodum liquet cunctis, quo gradu caliditatis: nam putant plerique ob maximas illius operationes ad tertium caliditatis gradum pertingere. Nos vero affirmamus ad secundum tantum gradum ascendere caliditatis, nec hanc metam caloris excedere illius naturam: idque probamus ex medicinæ ratione in hunc modum. Quidquid manifeste operatur, neque inde nocumentum aliquod contingit in corpore, est in secundo gradu propriæ complexionis, lignum

lignum sanctum manifeste operatur, nec tamen inde nocumentum aliquod corpori contingit: ergo lignum sanctum est in secundo gradu propriæ complexionis. Maior assumptio confirmatur Gal. autoritate quinto de simplici medicina, qui ait: *Que* Cap. vlti.
sunt in secundo gradu complexionis, hæc fieri potest vt calefaciant vel refrigerent, aut humectent, aut exiccent sine corporis læsione aut molestia. quod idem testatur Auicenna, fen. 2. 1. canonis doctrina. 2. Gradus, inquit, secundus est, vt sit inde operatio fortior quam primi, non tamen vt operationes corporis impediat, aut mutet earum curium naturalem, nisi id fiat per accidens, vt si sæpius agat aut multum sit quod agit. Notandum autem est id quod dicit multum, quoniam in ligni sancti medicina, si magna sit portio ligni, & aquæ parua, necesse est vigorem intendi propriæ caliditatis, contra autem, remitti. Minor vero assumptio frequenti ac manifesta confirmatur experientia, dum tantas videmus ac tam varias illius operationes in corporibus medendis sine vlllo nocumento aut vlla perturbatione


B iii

batione . Nam sit tertium caliditatis gradum hoc lignum attingeret , ægrotis tamdiu ipsum sumentibus febres omnino induceret, aut inflammationes, aliasque affectiones noxias ex vi caloris. Quin apud eas gentes vnde hoc lignum affertur, infantes (vt vulgo accepimus) corpore nascuntur plurimis pustulis corrupto paucosque post dies abortu, corpus omne inficitur a vertice ad pedes: quam primum vero decoctione sumpta radicem ligni sancti, mundari corpuscula, atque absolute sanari paucis diebus . Et radices tamen vehementiores sunt reliqua arbore , Infantium vero tenera corpora sunt & læsioni magis obnoxia . In terris quoque nostris , vt diximus, & operationes magis videmus manifestissimas ligni sancti, & nulla nocumenta. Ex quibus omnibus plane constat lignum sanctum calidum & siccum esse in secundo gradu, non ultra, & esse in vniuersum complexionis, & naturæ temperatissimæ.

*De proprietate ligni sancti, & operationibus.

CAP. V.

Pro-



Propriam esse naturam ligni sancti, atque cōplexionē diximus calidā & siccā: verū preclare huius medicinę ingens est, ac multiplex virtus & operatio, nec vni tantū complexionis egrotis ac morbis medetur, sed in omni operatur complexione, modo rite preparetur, morbosque atque egrotos curat diuersos qualitatibus & dispositionibus. Nam preter vim intrinsecā suę nature, ac formę substantialis, ex qualitatibus etiam operatur, non tantum calida & sicca, sed humida quoque, atq; vbi op^{us} est, etiam frigida, Itaq; & calefacit, & exiccat, & humectat, & refrigerat. Neq; id est a ratione alienū, vt idem operetur diuersa & cōtraria, si modo diuerse dispositum operetur, ex Aristotelis, Auerroisque doctrina, vt superius demonstrauimus. Galenusque ostendit primo de simplici medicina, virtutes esse diuersas in aliquo simplici coniunctas. Atque in vna eademque medicina vim inueniri quę calefaciat, vim quę exiccet, vim quę humectet, & vim quę refrigeret. Quod idem con-

Ligni sancti
variis
& multi-
plex vsus
in medici-
nis.

tingit in ligno sancto. Ipsum enim omnia hæc aptum natum est operari, si recte præparetur, & exhibeatur pro ea qualitate, secundum quam est operaturum, ex portione videlicet ligni, & aque infusionis, ex quantitate medicinae & ex numero portionum. Itaque ligni sancti operationes magnæ sunt atque salutares, variæ item atque multiplices, & ex intrinseca virtute substantiali, & ex omnibus quatuor primis qualitatibus: quâplurimosque atque diuersos curat morbos, ægrotosque dispositionibus diuersis, si rite præparetur & exhibeatur, ut ordine inferius explicabitur.

*Que permutatio sit medicinae ligni sancti.

C A P. VI.

Permutatio medicinae ligni sancti fit precipue in morbo gallico, ut curetur vnguento argenti viui. Quod tamen fieri debet in veteri morbo, atque in corpore male affecto & disposito. Neque tamen adunctiones veniendum est priusquam ex medicina ligni sancti bis tertius sumpta cognitum fuerit ægrotum non conuale-

conualescere. Nā hęc ligni medicina propria est ad morbum gallicum curandum, ac præter ceteras maxime salutaris, nullęque remanent ex ea corporum offensiones.

Quod minime fit ex argenti viui aut cinapri medicina, ex qua offensiones corpori remanent læsionesque perpetuę, ut nos ex longa experientia cognouimus, & propria disputatione demonstrabimus, de cinapro & argento viuo. Minime vero quispiam proficeret si his non intellectis diu noctuque in horum correctione ac præparatione laboraret.

Nam argentum viuum omnino inficit ac lædit principalia membra, atque etiam cætera, ossaque & nervos corrumpit, nodosque inducit ossibus & iuncturis. Et nos quidem diu laborauimus in argenti viui correctione vsque ad ingeniosam illius distillationem, & tamen nullam illius inuenimus correctionem, vnde corrigi omnino non posse censemus. Quamobrem ligni sancti medicina in morbo gallico non aliter cum argenti viuiunguento permutanda est, quam vbi ea bis terue sumpta, non conualuit

Argenti viui nocu-
menta.

æger

æger & ex morbo vetusto . At tunc de-
mum veniat ad vñctionis medicinam.
De qua enim nihil attinet nos hoc ope-
re tractare , quod de ligno sancto iusti-
tutum est , præsertim cum abunde alii
scripserint de ipsa vñctione . Atque ha-
tenus de medicina ligni sancti commu-
nia quædam , vt plerique veterum consue-
uere , tradidimus . Post hæc de varia , di-
uersaque ipsius præparatione & exhibi-
tione in variis diuersisque & dispositio-
nibus & morbis , propria præcepta vt su-
mus polliciti , trademus sigillatim , Ac
prius communia quædam & vniuersa-
lia præponemus in curatione obseruan-
da . Nam ex Aristotelis præcepto primo
physic. ab vniuersalibus ad particularia
procedere oportet , vt eodem loco testa-
tur Auerr. & secundo de anima . Quoni-
am commune atque vniuersale magis no-
tum est , quàm particulare ac propriū , atq;
propterea considerata cuiusvis rei ra-
tione , propriis debent communia præ-
poni , vt eodem loco Auerroes præcipit.
Nam quæ magis nota sunt nobis , ea sunt
communia , quæ minus nota , sunt propria
vt in

vt in eodem loco tradit Aristoteles atque in aliis plurimis. ordo vero intelligendi est, a magis notis ad minus nota intellectui. Quod Auerroes ostendit secundo de generatione, primo phisicorum, ac multoties aliis locis, Iure igitur nos in ratione multiplicis medicinæ ligni sancti cōmunia prius exponemus, deinceps propria seorsum singula demonstrabimus.

*Cur medicinæ ligni sancti tanta vis est in morbis curandis

C A P. VII.

Quo magis medicina quælibet similis fit calori corporis nostri, & succo vitali, atque in eum cōuertitur succum, cū sumitur, eo vehementius operatur & tutius ac manifestius. Eaque medicina perfectissima est, quæ medicum nutrimentum dici possit, cum in substantiam corporis conuertatur, vt tradit Auic. fen. 2. 1. Canonis. Cibus autem potusque salubris ille est, cui ita afficit corpus nostrum, vt in similitudinem ipsius corporis, hoc est in substantiam conuertatur, quod eodem loco præcipit Auic. Hæc vero medicina ligni sancti maxime omnium

Quæ optima medicina.

Cap. 15

Quis cibus potusue optimus.

omnium similis fit succo vitali corporis nostri, atque in eius naturam conuertitur, insigneque præbet corpori nutrimentum supra omnes cibos & potus: hanc enim ex ligno portionem cum exiguo alio cibo tandiu sumentes ægroti, ita nutriuntur ac si ex quauis alia materia, cibo vescerentur multo maiore. Nec minus nutrit potio hæc, quam ius pulli consumpti. Quamobrem nil mirum est, si tantum valeat medicina hæc ad sanandos hominum morbos, quando tanta illi similitudo est cum substantia corporis humani, ac præterea vim habet salutarem, Omnium enim natura est operatrix, vt tertio Tech. tradit Gal. Itaque tam mira operatur hæc potio, quoniam dum sumitur, vt diximus, continuo ac maxime inducit virtutem succi vitalis in corpore, illumque mirifice auget ac roborat, tum ex propria vi suæ naturæ, similitudineque suæ substantiæ corporis humani, arcet expellitque ab ipso corpore omne aduersum & officiens atque extraneum. Atque ita & ratione sui ipsius iuantis & nocentis extranei semoti, vehemens operatur in morbis tollendis. Purgat

Purgat enim sanguineum, & officientes materias resoluit, atque ita totius corporis membra conualescunt: imbuta enim membra stipticis pharmaciis, vim salubrem transmittunt per omne corpus. 3. Tech. Galeno præcipiente.

* Quod alii morbi, quemadmodum gallicus, curentur ligno sancto.

CAP.

VIII.

Quos cu-

Non solum gallicus morbus curatur ligni sancti medicina, ut initio ligni sancti apud nos fuit illius usus, sed hæti-
cæ salutaris est podagræ, & epile-
Cap. 2.

phæ, atque aliis morbis quamplurimis. Nam licet effectus diuersi differant, vel propter agens, vel propter suscipiens, ut ait Auerrois. 2. mertheorum: ac propterea videatur non posse eadem medicina curare morbos diuersos, aliter tamen seres habet, quoniam eadem medicina variis modis atque diuerse præparata & confecta diuersas accipit dispositiones, ac diuerse afficit, nec idem sit agens, sed multiplex & varium, ut superius est latius demonstratum. Quapropter va-
rios

rios parit diuersosque effectus in mor-
bis curandis . Sed & Gallico morbo sæ-
pe contingit iunctos esse , quos diximus
morbos , aliosque complures . atque dum
adhibita est ea medicina propter mor-
bum Gallicum , reddita salus absoluta est
ægotis , sublato tam gallico morbo , quam
quouis alio adiuncto . Quod si tanta vis
est huius medicinæ , vt quemlibet mor-
bum , non minus quam gallicum auferat,
multo facilius curare potest singulos ip-
sos morbos per se solos sine gallico mor-
bo . Ex dialectica illa ratione , si de quo
magis , etiam de quo minus , vt Aristo.
tradit . 2. Top. Cum enim aliis morbis est
morbus gallicus admixtus , vehementius
malum est , curatuque difficilius , quod
additur illi noxius humor contagionis.
Valde autem difficilis cura est omnis mor-
bi , qui ex contagione contingit , raro-
que tollitur ope medicinæ , vt tertio col-
liget , tradit Auer . Quod vero de hæctica
diximus curanda , non est de omni specie
ipsius morbi intelligendum , vt proprio
capite inferius exponemus . Omnino au-
tem id in omni morbo curando seruan-
dum

dum est, vt quum aliis medicinis minime sanatur morbi, confugiat ad ligni sancti medicinā. Sed iam ea exponere aggrediar, quę seruanda sunt in curatione, quę per hanc medicinam perficitur.

*De loco eligendo, in quo curandus est æger,

C A P. IX.

Quoniam expellendus a corpore est noxius humor, materiaque morbi resoluenda, laxetur opus est, apertioresque fiant meatus corporis, qui pori appellatur, vt

inde effluat morbus. Quamobrem calido loco eger continendus est dū curatur, ne frigus humores deset, operationēque impediat naturę ac medicinę. Strigit enim frigus, porique corporis fiunt angustiores. Itaque vel natura calidus sit locus curationis, vel arte cubiculum calefiat, in quo æger curatur. Modus tamen seruandus est in loci caliditate, pro cuiusque morbi ratione. Nam in frigidis morbis, & in multo humore noxio, calidior opus est habitatione: in calido vero morbo & in exiguo humore, minus

Frigus humores desat.

minus calidus locus est necessarius. Itaque pro ratione & morbi & ægroti sedes aut magis aut minus calida adhibeatur,

*De tempore anni eligendo. C A P. X.

Aptissimum tempus est ver administrandę huic medicinę ligni sancti: deinde autumnus, ob mediam temperiem inter calorē & frigus.

Aestas minus utilis est, atque incalidis morbis & complexionibus etiā pernicioſa, ob nimiam resolutionem, quę tunc facile potest contingere. Hyems quoque vitanda est in morbis & complexionibus frigidis: magis enim afficiuntur corpora atque læduntur a simili qualitate, quam a contraria. Si autem vis morbi atque necessitas urgeat, sequente etiam hyeme, ita caleſceri locus potest, ut temperies in eo sentiat mediū veris.

*De cibatione, & quare cibus exiguus præbendus est in hac curatione. C A P. XI.

Quia decoctio cibi sit perfectio humoris generati propter actionem caloris naturalis in idoneam materiam, ut Auer. tradit. 4. meteor., cumque decoctio

decoctio ligni sancti non facile concoquatur, si cū illa plenior cibus sumeretur, non posset naturalis calor utrunq; superare, atque hoc pacto concoctio impediretur. Quapropter modicus est sumendus cibus ut optime concoquatur.

*Cur pane vescendum est bis cocto potius quam alterius modi.

CAP. XII.

I S cocto potius, quam alio pane vescendum est, cum decoctione ligni sancti, quod is panis est maxime siccus, ut sua siccitate diu retineat ligni decoctionem in stomacho. Sicci enim proprium est retinere. Itaque ne ligni decoctio sumpta cito effluat a stomacho, crudaque atque inanis venas permeet, siccitate retinenda est panis bis cocti. Nam cum portio illa ligni humidum quid sit, cito ad hepar deflueret, atq; illi admisceretur. Humidum enim ait Arist. quarto meth. facile terminari, difficileque siccum. Mixtio autem & coniunctio, ut eodem libro tradit Auer. fit necessario propter humidum, divisio & separatio propter siccum. Ut igitur diu permaneat potio ligni in stomacho,

Cap. I.

C conco-

concoquaturque iuxta omnes concoctiones, atque ita subueniat corpori, & morbo medeatur, dum absolute concocta fuerit, ac iam concreta, cohibenda est & glutinanda cibo vna sumpto quamficcissimo, hoc est, pane bis cocto. Nā vt tradit Auer. 4. metheor. siccitas facit humidum accipere concretionem & difficultatem separationis. Præterea is panis leuissimus est, vt præcipit Celsus. 1. libro de medicina, capite sexto. Quapropter eo cibo stomachus minus grauatur. Nec etiam ita opilat bis coctus panis, vt communis. Parum vero refert, si tardius penetrat panis bis coctus, nam ea re non multum superatur a reliquo pane. Sit tamen in suo genere is panis perfectus, quinque illis qualitatibus, quas tradit Auic. 2. canone, capite proprio: hoc est, vt sit mundus, salitus, confectus, fermentatus, bene coctus. Fiat autem ex simila, potiusquam ex farina communi, quoniam is utilior est, & magis nutrit, vt eodem loco præcipit Auic. Neque tamen adeo refert, si pro bis cocto præbeatur panis communis, qui bene coctus sit, perfectusque qualitatibus alijs, qua

quas diximus, præsertim in consumptis
æ grotis & in morbo calido, & complexio
ne eadem. Non enim propter cōmunem pa
nem, si optimus sit, prohibebitur, quin ab
soluta fiat cōcoctio potionis ex ligno san
cto, etiam in maxime languidis & infirmis.

*De medica cibatione, quam diætā di
cūt, & qualis debeat esse in hac cura,
diætā regularis, qualis resumptiua.

CAP. XIII.

Diætā regularem constituimus in
curatione ligni sancti ab initio ad
finem curationis, tam in prandio,
quam in cœna, panis bis cocti vn
cias tres, vuc passæ vncias duas, a
mygdalarū tostarū vnciam vnam. Si autem
paulo egentior cibi egrotus sit, addi potest
vncia panis, vt quatuor vnciæ sint, & in prā
dio & in cœna. Diætā vero resumptiuam
ab initio curationis vsque ad finem con
stituimus, carnem pullastræ, gallinæ, capo
nis, phasianæ, auicularum, hedorum la
gentium. Modus autem erit vt tres vn
ciæ carnis sumantur, & totidem panis,
C ii tam

tam in pradio, quam in cœna, aut si vel ægroti vel morbi ratio exigit, & panis & carnis vnciæ quatuor. Tutius vero a carne, incipietur pulli non coeuntis, vique ad statum, curationis, deinceps cæteræ, quas diximus, carnes pro arbitrio præberi possunt. Si autem necessitas interuenerit, præbendum est, vel contusum gallinæ seu caponis vel ius pulli consumpti ab initio ad finem curationis.

*Quod varianda diætæ est ratione vel morbi, vel ægroti.

CAP. XIIII.

Non eadem semper diætæ seruanda est in curatiõe ligni sancti, sed varianda nonnūquam est, & pro varietate dispositionū, & præcipue ac maxime pro varietate complexionum & ætatu. Pro varia enim ægroti dispositione, ut infirmitatis ratio postularit, alia erit diætæ initio curationis, alia in incremēto, alia in statu, alia in declinatione. Aliquā etiam diætæ seruetur regularis, aliquādo resumptiua, ut qualitati morbi conueniet, & ægroti. Variæ enim complexionēs & ætates, varia etiam diætæ curandæ sunt. Sanguinei ve-

ro & cholericus quamuis ex parte conueniant, facilius tamen tolerant inedia sanguinei quam cholericus, ceteris paribus: tum quia sanguineus minus inflammatur, propter caloris temperiem, tum quia humor in eo tardius resoluitur propter humidam complexionem. Phlegmaticis quoque quamuis ex parte conueniat cum melancholicis, facilius tamen propter maximam humiditatem fert inedia phlegmaticus, quam melancholicus, qui siccus est, propter frigiditatem vero phlegmaticus hac re superat sanguineum. Itaque cholericus minime omnium est patiens inedia, ob feruorem & siccitatem. Quare varia esse diæta debet variarum complexionum. Idemque obseruandum est in varijs ætatibus. Firma enim ætas minus cruciatur inedia, quam iuuentus, ceteris paribus, iuuenes minus quam pueri. Omnino autem in die purgationis, carne cibandus est æger, propter lassitudinem quã efficit inanitio, illud tamen curetur, ne cruditas cõtingat. Si vero stomachus imbecilior fuerit, confuso gallinæ subleuetur, tam in prandio, quam in cœna. Caro autem vel elixa sit,

C iij vel

vel assa super prunas, nulloque inficiatur
falsamento, aut quouis condimento. Salis
vero aut nihil, aut perparum adhibeatur,
ne hebetetur aut corrumpatur vis atque o-
peratio decoctionis ligni sancti. Neque e-
nim fastidium stomacho timendum est,
aut noxia. Ipsa enim decoctio sua virtu-
te stomachum roborat, adiuuatque ad cō-
coquendum.

*Quod æger purgandus est in cu-
ratione ligni sancti, & quoties.

CAP. XV.

Qui cura-
tur ligno
sancto pur-
gandus est
omni octa-
uo die vel
saltem in
duodeci-
mo.

INunoquoque morbo, qui curatur li-
gno sancto, æger purgandus est octauo
quoque die vel sexto, si multitudo ap-
paret humoris noxij. Si autem noxius
humor exiguus est, sat erit duodecimo
fieri purgationem. Itaque peritus medi-
cus in hac re considerabit qualitatem mor-
bi & egroti, & maxime humoris noxij quā-
titē. Hęc enim ligni decoctio digerit cor-
poris humores, trahitque illos ab extremis
partibus ad medium, varijs modis iuxta va-
rias materias multo perfectius, quam reli-
quæ medicinæ. Tenuēs autem humores
per sudorem eiicit: crassos ad decoctionem
facit

facit aptiores. Itaque sæpius æger purgandus est. Sed omnino initio curationis. Intra curationem vero, quo die purgatio fit, non sumat egrotus syrupum ex ligno sancto, nec mane nec vesperi. In ipsa vero purgatione, & operatione medicinae si fuerit acer dolor, & pungens in stomacho vel intestinis: Item si remissius medicina operabitur, adheritque hebetatio: tunc præbendum est ius pulli seu gallinae sine sale, atque cū saccharo, aliaque adhibenda sunt adiumenta, quibus utitur medicina. Id enim nihil officit curationi ligni sancti.

*A quibus abstinendus est

ægrotus, in curatione, &
quæ seruanda.

CAP. XVI.

A Coitu omnino abstineat ægrotus tempore curationis. Si quis vero in venerem pronior fuerit, vngatur illius renes cerato aliquo frigefaciente, ut libido prohibeatur, & pollutiones. Sed & peracta curatione abstineat prorsus a Venere, saltē per triginta dies. curas etiā oēs ab se fuget qui curatur, atque animi molestias, & perturbationes.

A coitu ab-
stineat qui
purgatur.

C iiii

Hæc

Hæc enim vt Gal. ait .3. Tech. male affi-
ciunt corpora , mutantque ab ea, quæ se-
cundum naturam est , consistentia. Is igitur ,
cui facultas est, detineatur, exilare-
turque amicorum iucundis sermonibus,
factis discisque ridiculis, musicæ dulce-
dine, rebusque aliis, quæ illum volupta-
te afficiant, atque ab omni molestia quam
longissime absit. Si autem aufugerit som-
nus ab egroto , nimiumque illum vigilia
vexarit, periculosum est inaleum, atque il-
li mature succurrendum . Nam quemad-
modum somnus est vinculum quoddam
virtutum corporis & confirmatio , sic vi-
gilia, quæ summi priuatio est , enervat vi-
res ipsas, atque dissoluit, vt Auer. de som-
no & vigilia, & .2. colliget, ostendit . Ita-
que somnus prouocandus est , vel sirupo
papaueris, vel alio adiumento . Vt autem
tutius æger curetur , vsque ad incremen-
tum curationis semper decumbat . In sta-
tu vero & declinatione , post matutinum
sudorem surgere poterit, reliquumq; diei
ducere pro illius arbitrio ita tamen vt nec
frigus sentiat , nec lassitudinem . Ob hanc
igitur causam , aliasque plures , partien-
dus

Somnus
prouocan-
dus est.

dus est morbus, & curatio per quatuor tē-
 pora, quamvis curatio breuissima procu-
 retur, quæ est viginti dierum. Nam com-
 munis curatio, & vsitatio est dierum qua-
 draginta. In curatione vero, particularia
 localia non debent apponi loco agrotan-
 ti, nisi post initium vel incrementum cu-
 rationis. Aliter enim augetur causa mor-
 bi coniuncta. Per totam autem curationem
 nūquam aqua frigida æger lauet ma-
 nus nec eam tangat, ne frigiditas aque a-
 ctiva repellendo humores ab exteriori-
 bus ad interiora, nocumentum aliquod
 inferat membris nobilioribus, quare ab-
 luantur manus vel vino albo calido, vel a-
 qua calida.

* De sudore, & quæ in illo ser-
 uanda sunt. Cap. xvii.

Otio ligni sancti, vt superius di-
 P ximus, suapte natura educit su-
 dorem, qui initio fere curationis,
 & incremento solet fieri copiosior, re-
 missior vero in statu & declinatione, vbi
 per totam curationem, ab initio ad finem
 largior fuerit sudor, argumentum est mul-
 tæ morbi materiæ ac noxi humoris. In-
 terdum

Sudor est
prouocan-
dus, si quis
per se non
fudat.

terdum tamen sudor plurimus contingit
ex ægroti caliditate aut ex laxitate poro-
rum, aut ex utroque. Si cui vero non per se
sudor fluit, arte prouocandus est, atque edu-
cendus, puta latere calefacto alboque vi-
no superinsperso, ac plantis pedum sup-
posito. Hoc enim adminiculo facile sudor
educitur. Prouocandus autē sudor est non
semper eodem modo, sed aliquando lar-
gus, aliquando mediocris, aliquando per-
exiguus, pro ut cōducere videbitur & mor-
bo & ægrotō. Ut vero humiditas præsertim
capitis non officiat, tondeatur ad cutē qui
curatur, ac post sudorem ab summo vsque
capite ad plantas imas diligenter absterga-
tur atque siccetur. In reliquis quoque mem-
bris nulla sudoris pars relinquatur, ne hu-
mor ille maius afferat nocumentum, atque
augeat morbum. Ergo optime totum cor-
pus siccetur, sed maxime caput.

*Qua forma conficiatur li-
gni sancti medicina.

CAP. XVIII.

N On sunt audiendi, qui putāt fieri
posse medicinā ligni sancti per ca-
tapotia

tapotia seu pillulas, aut etiã per pastillos, seu electuaria, nec etiã idonea est confectio florum ipsius ligni sancti, aut teneri arboris surculi saccharo conditi, aut syrupus ex succo ipsorum surculorum. Hæc enim particularem faciunt medicinam, nec per illam mundari possunt restituique membra vniuersa longo atque assiduo morbo affecta. Itaque nõ tolleretur morbus a particulari sumptione. Neque salubrior esset eo pacto medicina ligni sancti cæteris vñtatis, quæ parũ profunt. Quamobrem optimus modus ac salubrior forma medicinæ ligni sancti, est decoctio ipsius igni: Ea enim est medicina vniuersalis, tum maxime nutrit sumentes, vt vere sit medicum nutrimentum, quod superius demonstrauius. Decoquendus vero ex arbore est, truncus mediæ crassitudinis, mediocris ætatis, non mediocris ponderis, & recens, cortice maxime contiguo & hærenti, colore inter fuscum & flauum, ex insula sancti Ioannis vel sanctæ Crucis, vt superius differuius. vbi etiam ostendimus, apud nos radicẽ arboris non esse idoneã, quãuis in suis terris ap-
us-

*Decoctio ligni
sancti*

tissima sit ad medicinalem decoctionem

*Quod longa mora fieri de-
beat decoctio ligni sancti.

C A P. XIX.

LIgnū sanctū demōstrauimus habere
materiā siccā, dēsam & durā. Facili-
tas vero miscibiliū contingit ex hu-
mido, contra difficultas ex sicco. vt
Auer. ait. i. de generatione. Aristo-
telesque tradit eodem loco, quodque cor-
pus miscibile fieri, redactum ad humi-
dam substantiam. Quamobrem lignum
oportet diu ac longa mora decoquatur, vt
redigatur ad humiditatem: atque etiam vt
commisceatur aquæ decoctionis, vnaque
forma liquoris fiat ex aqua & ligno, ab
vtroque diuersa. Nam quæ miscentur, cor-
rumpunt inuicem intentiones, & pro-
prias qualitates, vt ait Aristoteles secundo
de generatione. Itaque per longam deco-
ctionem lignum sanctum, sublata siccita-
te ac densitate, humidum fiet, ac liqui-
dum & rarum. Quibus qualitatibus, vt te-
statur Auerroes primo de generatione,
facile quoduis corpus in substantiam ali-
ti conuertitur.

Quomodo

* Quomodo prepararetur lignum
sanctum ad decoctionem.

CAP. XX.

T facilius in infusione macera-
V ri possit lignum sanctum, cul-
tro radendum est, redigendum-
que in tenuissima ramenta. Hæc ligni ra-
menta in aquam infusionis mergantur in
mūdo vase. Debet autem vas ad vnum mo-
dum decoctionis vitreum esse. ad alterum
modum fictile seu testaceum, vt ostend e-
mus. Mora infusionis in frigidis morbis
duodecim horarum sit ante decoctionem,
vt melius misceatur, opereturque validius.
In morbis calidis, aut brevis, aut nulla sit
mora infusionis, ne nimis intēse operetur,
vt sigillatim suis locis exponemus.

* Quomodo decoquatur lignum sanctū,
& quot sint illius decoctiones.

CAP. XXI.

Ecoquitur lignum sanctum, vno
D modo, posita infusionis aqua cū
ramentis ligni, vt diximus, in vi-
treo vase. Hoc autem vas vitreum cum in-
fusione ponitur intra maius alterum vas

α-

Hoc est 8.
Methodi,
de vnguē-
tis in du-
plici vase
calefacien-
dis.

eneum plenum aqua communi, medijs
paleis intra vtrumque vas, ne vas vitreum
frangatur. Feruente vero aqua commu-
ni in eneo vase calefacto a subito igne, fer-
uet etiam atque decoquitur infusio in va-
se vitreo calefacto a feruente aqua commu-
ni. consueuimus, inquit Galenus octauo
de ingenio, calefacere olea duplici instru-
mento, quia si aliter calefiant corrumpi-
corum virtus: sic & de ligno sancto di-
cendum est. Alter decoctionis modus est
simplex, hoc est, vt decoctio fiat in vase fi-
ctili ab igne calefacto. Prior autem deco-
ctio, in gemino vase est virtutis alteratiue,
ac refrigeratiue, aptior calidis morbis, &
calidis complexionibus, hoc est, chole-
ricis & sanguineis. Altera decoctio sim-
plex in vase testaceo est calefactiue ma-
gis virtutis, frigidis morbis idonea, & fri-
gidis complexionibus, phlegmaticis, &
melancholicis. Quoniam vero superius
diximus longa mora decoqui oportere
lignum sanctum, id animaduertendum
præcipimus, non omnibus morbis, &
egrotis eiusdem moræ decoctionem con-
uenire, sed alijs maioris moræ, alijs mino-

ris . Quamobrem gradus constituendi sunt in ipsa decoctione, vt verbi causa, primus gradus decoctionis fit, quam decoctio remanet vnius libræ, secundus novam vnciarum, tertius vnciarum sex aut septem, & ita deinceps . Decoctio autem non simplex, aut vnica fit, sed duæ ac tres fiunt. Eademque ramenta ligni, facta prima decoctione, atque compressa & percolata, iterum ponuntur in aquam infusionis, & fit secunda decoctio, atque iterum comprimuntur & colantur, tum tertio, si opus erit, ponuntur in aquam infusionis, & fiat tertia decoctio. Prima vera decoctio dicitur syrupus seu prima aqua ligni. Secunda, secunda aqua: tertia autem, tertia aqua. Syrupus autem seu prima aqua ligni, magis est calefactiva, ad morbos apta & complexionibus frigidis. Secunda aqua est alteratiua magis, & refrigeratiua, calidis complexionibus & morbis adhibenda. Initio autem autumnii, & ultimo vere, tertio quoque die, aut etiam altero, decoctio est cōficienda, quoniam calore anni celeriter corrumpitur. Hyeme vero sat est, vt quarto quo-

que die vel quinto, aut sexto conficiatur. Ob frigus enim non ita facile putrescit. Quare hyeme libra integra fiat decoctionis, calidiore anni tempore semilibra. Aque hoc modo fit decoctio ligni sancti.

★ An in decoctione ligni sancti, alia decoquenda sunt una cum ipso ligno, CAP. XXII.

I N fine curationis, in complexionibus calidis, decoqui possunt cum ligno sancto frigide herbe: ut cichorea, endiua, buglossa hortensis, quam borraginem dicunt, alique id genus. Id vero fit ad refrigerandam iecoris caliditatem, totiusque sanguineae habitudinis. Quod autem de fine curationis diximus, idem fieri potest, non tantum in actu praeseruatiuo, sed etiam in curatiuo, praesertim in aliqua diseria iecoris, atque in aliis, maxime quorum tibiae pustulis ulcerantur, quibus sola subuenit ligni sancti medicina. In hac autem decoctione in qua herbae admixtae sunt, idem ritus seruandus est, & regula, de diata, portione

potione & ceteris quæ ad curationem absolutam pertinent ligni sancti.

*Quod vario gradu & intensione decoctio facienda est ligni sancti. CAP. XXIII.

Mora decoquendi, atque gradus quos diximus decoctionis, diuersi esse debet, frigido anni tempore, & calido, ceteris paribus. Nam hyeme intensior debet fieri decoctio, & maiore gradu: vere atque autumno, minore gradu atque remissior. In temporibus item curationis, hoc est initio, incrementoque; statu, & declinatione, non idem seruetur modus decoctionis in paribus morbis & egrotis. In variis quoque morbis, variis ætatibus, variis complexionibus, varius debet omnino esse gradus decoctionis, ut sigillatim inferius exponemus. Nihil vero refert, quod aiunt, gentes illas, apud quas nascitur lignum sanctum eodem semper modo ac sine ullo discrimine conficere ac sumere hanc potionem. Nam imperiti illi sunt artis medicine, ac rationis, vel forte quoniam recens lignum decoquunt, salutaris est ea medicina, quod
D cunque

cunque alio modo conficiatur, vel quia in illis regionibus antidotaria medicina est lignum sanctum, vel quod incredibile est, decoctionem conficiunt admodum temperatam, ut in omni tempore anni subueniat egroris, omni ætati, omni morbo, omni que complexioni.

*Quibus horis syrupus ligni sancti sumendus sit. CAP. xxiiii.

Syropus ligni sancti sumendus est ægrotantibus & mane; & vespere. Ante prandium vero & ante coenam sumatur, tanto temporis spacio, quanto opus est, ut concoqui possit, pro stomacho vel firmo vel imbecillo. Atque magnopere errarunt, qui præbendum syrupum arbitrati sunt post cibum secunda hora.

Ea enim res aduersatur rationi totius medicinæ. Quare tempus concoctionis syrupi sit circiter quatuor horarum ante prandium & coenam, plus minus, pro ut vires concoquendi, & syrupi quantitas exegerit. Si autem morbus in cerebro sit, tunc syrupus post cibum præbeatur, ut suis locis declarabimus.

Quod

*Quod non eadem semper quantitas & qualitas syrupi sumenda est.

CAP. XXV.

Non eadem quantitati syrupus præberi debet omnibus temporibus curationis. Sed a paucitate incipiendum est, paulatimque quantitas augenda. Natura enim non fert repentinas mutationes, ut 3. Tech. præcipit Galenus. Quare imbecillis egrotis præbeantur vncie tres syrupi mane, tantumdemque vespere, in incremento, quatuor, in statu & declinatione sex.

Aliquando vero præbeatur syrupus aut tantum mane aut tantum vespere: si aut valde nauseans fuerit egrotus, aut stomacho nimis imbecillo, ut fieri non possint omnes decoctiones necessarie. Itaque animaduertendus hic modus est ab iis qui curam gerunt egrotantis. Sed & ætatis ratio habenda est in quantitate portionis, & complexionis, & in vniuersum totius dispositionis cuiusque ægroti, ut modus quantitatis seruetur in vnoquoque. Hæc vero nos suis locis singula exponemus.

Di

Quod

Quod autem de quantitate diximus portionis, idem omnino seruandum est de qualitate, hoc est de gradu & intensiōe decoctionis.

*Quid agendum sit stomacho nau-
seante. CAP. XXVI.

I cui assidua nausea contigerit,
5 non est propterea dimittēda in-
cepta curatio. Nam paulatim at-
que indies nausea minuetur, semperq; sto-
machus robustior fiet. Si autē eueniat nau-
sea ex innata stomachi caliditate, tunc sy-
rupum, & aquam, aut eorum alterum, ut
morbus & ægroti despositio exegerit, ad
frigiditatem oportet reuocare, ut mino-
re gradu fiat, & remissior decoctio. Ut ve-
ro amaror ille frangatur, syrupi vel aquæ
secundæ, admisceri possunt, aut coriandri
preparati, aut saccharum rosaceum, aut al-
iud tale, quod & amarorem minuat, & cō-
ueniat morbo, & egroto.

*Quod intermittenda est aliquando
potio ligni sancti, aliquando etiam
dimittenda. CAP. XXVII.

I Nitio curationis, in quibus morbis do-
lores sūt, augeri potius quā minui solēt
dolores

dolores ipsi, ob agitationem factam in humoribus, ex ligni operatione. Neque propterea est curatio intermittenda. Nam salus omnino futura est, procedente semper atque operante virtute medicinae. Nam ut ait Auer. 4. meteor. effectus augetur ex operatione inquieta, ac saepe conualescit ægrotus non paruo tempore post curationem. Si autem aliquod accidens intra curationem accesserit, puta, febris, vel destillatio seu catarrhus, præberi potest pro syrupo aqua secunda alteratiua in hora cibi, aut intermittenda est ad tempus potio ligni sancti, & sublato accidenti, resumenda. At si perseverauerit accidens illud, atque periculum timetur, dimittatur omnino curatio ligni sancti. Cum vero inerit aliquod nocumentum internũ in spiritualibus vel nutritiuis, & aliæ tamen aderunt intentiones medendi, per syropos, & electuaria, & alia similia, tunc non est relinquenda potio ligni sancti sed præbenda cum aliis illis medicamentis, ut subueniatur maxime interiori nocumento, ita tamen ut quotidie, sed semel tantum sumatur syrupus ligni, aut aqua secunda sola in

Initio curationis dolores solent potius augeri quam minui.

D iiii potu,

potu, loco vini, quæ aqua vel intensæ decoctionis sit, vel remissæ, ad calefaciendum, vel alterandum, vt conueniet morbo & agroto. Atque hunc nos modum curationis experti sæpe sumus fœlici rerum euentu.

*Quo pacto administretur medicina ligni sancti in morbo gallico.

C A P. XXVIII.

S I morbus gallicus recens fuerit, nec tres menses excesserit, sola humectatione opus est, & mundatione atque recreatione membrorum. Quod fit per potionem ligni sancti alteratiuam, & refrigeratiuam. Nam si in recenti morbo intentiorem decoctionem præberemus, & calefactiuam, quod fieri debet in veteri morbo, proculdubio recens ipse morbus deterior fieret, & augeretur. Calefactiua enim decoctio ligni, quæ, vt diximus, veteri conuenit morbo, sua virtute aperitiua, in morbo recenti auget dolores iuncturarum, vemicas excitat osuofas, membra principalia inflammat, infectaque dimouet a naturali temperamento,

mento, ac totum corpus vexat grauissimis
 accidentibus. Quæ omnia contingunt ex
 intemperata decoctione ob nimiam illius
 intensiorem & caliditatem. Itaque diuer-
 sa est ratio præbendæ potionis ligni san-
 cti, in veteri morbo gallico, & recenti, vt
 suis locis sigillatim exponemus. Quum ve-
 ro in hoc morbo vlcera sunt oris, aliorũve
 membrorum, dum curatio fit per lignum
 sanctum, mederi vlceribus possumus in-
 terea vnctione cum mercurio & ligno san-
 cto. Et in oris quidem vlceribus ea vnctio-
 ne septem dies collum vnguendum est. In
 aliis vero membris circum ipsa tantum vl-
 cera vngatur mane & vesperi. Si autẽ vn-
 guenti caliditas officeret vlceribus, alia po-
 terit vnctio adhiberi frigidior, alterans &
 exiccans, mundatis prius vlceribus. De
 his vero latius inferius, ac sigillatim præ-
 cipiemus.

* Quæ post curationem ligni
 sancti seruanda sunt.

CAP. XXIX.

Eracta in quouis morbo curatione li-
 P gni sancti, ad eum modum, qui est ha-
 ctenus descriptus, primũ illud seruan-
 D iiii dum

dum est, ne aut habitet aut versetur curatus in frigido loco, nec vnquam omnino sentiat frigus. Nam ob raritatem pororū corporis facile nouus aliquis morbus contingeret, qui esset curatu perquam difficilis, præsertim si frigidus esset morbus, aut in frigido anni tempore. Modus deinde seruetur in cibo & potu, saltem ad duos menses, vt carnes edantur facili concoctionis, ac cætera quæ nihil omnino officiant. Quantitas vero cibi ea sit, vt illa minime grauetur stomachus imbecilis ex inedia quæ præcessit, atque vt bene concoctus cibus facile in substantiam aliti conuertatur. Si autem peracta curatione, inflammatio cognoscetur in iecore & in habitudine sanguinea, quod erratum in curatione fuerit, confecta decoctione nimis intensa, necesse est alterari iecur atque refrigerari syrupo aut aqua endiuixæ, aut re alia, quæ refrigerat, aut venam incidi, vt conueniet. Ad tuendam vero valetudinem ex quouis morbo, præsertim ex morbis cronicis, & qui vix euelli possunt, vt est podagra, poterit curatus procedente tempore quarto aut sexto

xto

xto quoque die sumere aquam secundam decoctionis ligni, vel syrupum, quod est multo vtilius. Quod si per legitimam ligni curationem quadraginta dierum, non receperit quis integram salutem, debet post aliquot menses, aut etiam annos repetere ipsam curationem, atque si opus fuerit, tertio aut quarto, de integro curari eadem ligni medicina eodemque ritu. Neque quicquam inde timendam est incolumitati: nam adeo est præclara hæc medicina & salutaris, vt si rite administratur, non modo non officiat sæpius sumpta, sed membra quoq; omnia foueat, recreet, ac roboret, corpusque per illam deducatur ad perfectam habitudinem, ac ferre iuuenescat.

ATque hæc nobis pertinere visa sũt ad communem generalemque actionem huius medicine ligni sancti. Post hæc de vniuersis morbis, de ætatibus, de complexionibus sigillatim atque ordine præcipiemus. De ratione autem ipsorum morborum, nihil attinet hoc opere disputare, de quibus plurimi atque præ-

præclari authores tractauere, sed in singulis morbis demonstrabimus diligenter quo pacto curandi sunt hac medicina. Iamque modum ponemus primo huius operis libro, si prius quasi corollarium illi addemus, rationem diuersæ operationis ligni sancti.

*Quare diuersæ contingunt operationes ex medicina ligni sancti.

C A P. XXX.

Lignum sanctum diximus esse naturæ atque complexionis calidæ in secundo gradu, ac sicce. Quamobrem non mirum est, si curentur illo morbi & egroti humidæ naturæ ac frigidæ. Sed difficile illud videtur, quod nihil minus subueniat siccis calidisque morbis & agrotis. Quare autem id fiat nos ratione cognouimus, & usu atque experimentis. Causa vero diuersæ operationis, ut supra tetigimus, est varia confectio ipsius medicinæ. Remissior enim decoctio ligni sancti facit ut propriæ ipsius qualitates remissæ transfundantur in aquâ decoctionis, qualitates vero aquæ minus transmutentur vigore ipsius ligni. Quo fit, ut ex utroque compo-
sita

sita decoctio ad hunc morbum remissa, multo minus habeat ex qualitatib. ligni, multo plus ex aque qualitatibus. Ac propterea talis decoctio, ratione commixtionis non iam calida & sicca est, sed humidæ potius & frigidæ qualitatis: quia composita qualitate coniuncta cum propria virtute atque potentia naturali ipsius ligni, iure ac merito ea medicina morbos curat & ægros calidæ ac siccæ naturæ, humiditativamque vim habet, & refrigerativam. Sed & ratione portionis ligni & aque decoctionis, humidam induit decoctio, & frigidam qualitatem, dum pars modica ligni cum aquæ maxima parte coniungitur, ut exigua ligni quantitas intensiva superetur a quantitate aquæ nimium extensiva, atque ita decoctio accedat magis ad aquæ qualitates. Itaque siccum quidem & calidum est id, quod decoquitur, sed decoctio trahi arte potest propter aquam, in contrarias qualitates. Præcipua tamen causa, quod tam mira operatur hæc medicina, non tam qualitates sunt, quam propria natura, ut diximus, & vis ipsius ligni, veri, sancti & salutaris.

Libet

LIBER SECVNDVS
DE LIGNO SANCTO.
PRAEFATIO.



HOC Secundo volumine de singulis morbis vt dictum est, sumus tractaturi, curandis per ligni sancti medicinam. Cōstitui-
mus vero propriam curationem in vnoquoque morbo, non solum quæ ad morbum ipsum pertineat, sed quæ cuiq; cōueniat habitudini seu cōplexioni ex diuersis quatuor corporū humoribus, sanguine, bili, seu cholera, pituita, seu phlegmate, atra bili, seu melancholia, quæ itē conueniat cuique ætati, quæ firmo corpori, quæ imbecillo. Incipiemus autem ab eo capitis morbo, qui & molestissimus est, & curatu multo difficilimus.

*De cephalea seu hemicrania.

Cephalea, morbus, vt ait Celsus acutus ac pestilens, hemicrania etiam dicitur, quod frequentius certam partem capitis infestet, licet varijs locis, semper tamen qua caput capillo tegitur. Hic morbus varius est, ac multiplex malum.

Nos

Nos autem de dolore illo tractabimus, qui maxime vehemens est, & perniciosus, & qui vix curatur aliqua medicina. Eius mali & si multe cause sunt, potissima tamen est causa interna, ut dolor ex ipso corpore nascatur: siue ex solo capite oriatur malum, seu ex capite & ex alio membro, ut est lien seu splen, iecur seu hepar, stomachus, vulua, que & matrix dicitur, & similia. E stomacho vero precipue oritur is morbus, ut precipit Auicenna. prima tertij, cuius signum est, quod plerunque fit dolor in priore parte sincipiti, nam qui in margine ipsius sincipiti fit, hunc vulua maxime producit. In dextra autem parte capitis ex iecore transfunditur, ex liene in sinistra, ut docet Auicenna. eodem loco. Quoniam vero ex causis morbi materialibus quæ chronicum facit morbum, seu diuturnum, est phlegma, aut melancholia, de hoc morbo cephalicæ primum dicam, quum a phlegmate concitatur: siue is humor per se talis sit in corpore, ac (ut aiunt) radicaliter, siue talis sit in ratione alterius humoris, per vltiorem combustionem vel

Cap. 7.
reso-

resolutionem, seu etiam talis sit humor ab ineunte etate, seu succedente tempore mutatus ob qualitatem regionis, vel propter sex res non naturales.

*Curatio cephalæ, phlegmate existēte in causa, in iuvene cholérico vel sanguineo.

Immixta primum causa morbi antecedente, humore videlicet phlegmatico, iuuenis eius complexionis, si imbecillus sit, hoc modo curetur, Cibetur tota curatione diæta resumptiua, ab initio & per totum incrementum curationis, tam in prandio quam in cœna, sumens tres uncias panis bis cocti, & tantūdem carnis elixę. In statu tres uncias panis, duas tantum carnis, post redeat ad tres carnis uncias in declinatione, ac demum quatuor etiam uncias esse poterit ager circa finem curationis, vt non subito, vel nimis minuatur cibus, vel nimis augeatur. Neque enim ex multa fame, vt Celsus ait, nimia satietas neque ex nimia satietate famēs idonea est, Sumatur autem in potu mane & vespere aqua ligni sancti alteratiua

ua, vt dicemus. Syrupus vero talis fiat. Pona-
tur in fictili seu testaceo vase, semilibra ex
ramentis ligni, maneatque in infusione ho-
ras duodecim in aqua fontanę quindecim
librarum, deinde ferueat infusio ad ignem
carbonum, donec redeat decoctio ad li-
bras octo: post coletur, ac reponatur in vi-
treo vase bene operto. Ex eo syrupo su-
mat egrotus tam mane, quam vesperi vn-
cias quatuor ab initio curationis vsque
ad statum. In statu autem & deinceps vn-
cias sex. Sumatur vero syrupus calefactus.
In potu talis fiat aqua secunda, ramenta li-
gni compressa post decoctionem syrupi
ponantur in vitreo vase in aquam vigin-
ti librarum, hæc ferueat in gemino va-
se ad ignem lignorum, donec redeat ad
quindecim libras. post hæc coletur, ac re-
ponatur in vitreo vase bene operto.

Ex hac aqua bibat æger in prandio &
in coena quantum placuerit. Ea enim
refrigerabit calidam iuuenis habitudi-
nem. Si autem horreat bibēs aquæ amaro-
rem, tēperetur amaror ipse admixtis aquæ
coriandris, vt superius demonstraui-
mus. In robustiore vero iuvene idem feruetur
modus

modus curationis, præterquam, quod auctius minus poterit quantitas cibi, augeri vero syrupi per totam curationem. In hoc enim fortior est calor vitalis, faciliusque ac melius fit concoctio.

*In iuvene phlegmatico, vel melancholico.

Cibetur is iuuenis, si imbecillus sit, diætâ resumptiua, vt supra dictum est. Caro autē sit assa, non elixa, admoto crusto superiore. Si vero fuerit robustior, diætâ vtatur regulari. Syrupus autē & aqua secūda vim habeāt calefactiuam, fiātque in hūc modū. Ponatur sæmilibra ex ramēis ligni in vase fictili, in aquę fontanę libras quindécim, maneatq; in infusione horas duodecī tum ferueat infusio, donec decoctio redigatur ad sex libras, post hæc coletur, serueturque, vt docuimus, atque hic syrupus sumatur ab initio curationis, & per tot incrementum. In incremento vero vsque ad declinationem redigatur eadem decoctio ad quatuor libras. Secunda aqua in potu talis sit, compressa ligni ramenta post syrupi

rupi decoctionem ponantur in aquæ fontanę libras viginti, ferueatque decoctio donec ad decem redeat libras, eaque, vt supra dictum est, vtatur in potu egrotus tota curatione in prandio & in cœna.

*In sene cholerico vel sanguineo.

H Vinſmodi ſenex ſi imbecillus ſit, ac reſolubilis, immunita prius cauſa morbi antecedēte, cibetur diæta reſumptiua tota curatione, etiā cō-
contuſo gallinę aut caponis, panis vero præbeatur bis coctus, vel bene coctus, quātū in iuvene conſtituimus eiſdem cū-
plexionis. Syrupus pro hoc ſene talis fiat, ſemilibra ex ramentis ligni in aquę libras quatuordecim ponatur in vaſe teſtaceo, maneat in infuſione, vt ſupra, ferue atque in-
fuſio ad ignem carbonum, donec ad ſeptem libras redigatur decoctio. Ex hoc ſyrupo ſumat æger tam mane quam veſperi ab initio vſque ad mediam curationem vn-
cias quatuor, in reliqua curatione ſemilibram. Intra curationem vero deſectiones ſeu euacuationes, nō negligātur, vt mor-
E bo

bo conueniet & egroto. aqua secunda utatur in potu, ut de phlegmatico iuvene dictum est tota curatione in prandio & in cœna.

★Curatio melancholia existente in causa in iuvene cholericò, vel sanguineo.

Immixta primum causa morbi antecedente, cibetur talis iuuenis diætâ resumptiua. Syrupus vero sic fiat, ab initio ad mediam curationem sit semilibra ligni, aquæ infusionis libræ quindecim, maneant ligni ramenta in infusione horas duodecim. ferueat infusio in balneo Mariæ, donec redigatur decoctio ad vndecim libras. Serueturque ut supra in vitreo vase. Ex eo syrupo sumatur tam mane quàm vespere, semilibra. In secunda aqua, in potu sint aquæ libræ viginti, ferueatque infusio donec redigatur decoctio ad sexdecim libras, reponaturque ac sumatur, ut supra. A statu curationis vsque ad finem, syrupus fiat ex semilibra ramentorum ligni, & aquæ infusionis libris duodecim. maneant infusio, ferueat, & reponatur ut prior syrupus. Intentio tantum decoctionis maior

ior fit, vt duodecim librę redigātur ad septem. In secunda aqua in potu eadem quoque seruentur, quę in priore decoctione, nisi quod quindecim sint librę aque infusionis, atq; decoctio redeat ad duodecim. In a curationem vero non omittātur euacuationes necessarię. Si autem paulo robustior iuuenis sit, eadem seruentur in curatione, nisi quod minor aliquando, cibus sumendus est.

* In iuvene phlegmatico vel melancholico.

Cibetur talis egrotus tota curatione dicta regulari. Pro syrupo fit semilibra ligni, aque librę decę, fiat infusio vt supra. tū ferueat in fictili vase ad ignē carbonū, donec decoctio ad quinq; redeat libras. Eo syrupo vtatur egrot⁹ ab initio vsq; ad mediā curationē, semilibra sumē mane ac vespere. Pro aqua secunda in potu sint librę quindecim aque redigaturque decoctio ad decę. Ab icremēto autē vsque ad finē intētior sit decoctio syrupi vt decem librę infusionis ad tres redigantur. Sumātur vero ex eo syrupo tam mane quā vespere vncię 8. In-

E ii tensior

tensior item fiat secunda decoctio, vt decem aquæ libræ ad sex redeant. Si autem siticulosior sit ægrotus, secundaque aqua post syrupum non sufficiat in potu ex cōpressis ligni ramentis, fiat prima ligni decoctio in potu ad hunc modum, vncie tres ex ligni ramentis ponantur in infusione in vase fictili in libras quindecim aquæ, ferueatque infusio, donec decoctio ad decem redigatur libras, coleturque ac reponatur, vt sæpius dictum est. Atque hæc prima aqua remissioris decoctionis suppleat in potu defectum aquæ secundæ.

*In sene cholerico vel sanguineo.

SI is senex imbecillus sit, imminuto prius humore melancholico, cibetur diætā resumptiua, vt senex phlegmaticus. Syrupus pro eo per totam curationem fiat calefactius, ad hunc modum, ponatur ex ramentis ligni libra integra in vase fictili, in aquæ libras quatuordecim, fiat infusio, vt supra, ferueatque quousque redigatur ad libras septem. Ex eo syrupo tam mane quam vesperi sumatur

tur semilibra. Pro aqua secunda in potu,amenta primæ decoctionis cōpressa ponantur in vitreo vase in aquę libras viginti. Ferueat ipsa secunda infusio in balneo Mariæ donec ad quindecim redeat libras. Si vero paulo sit æger validior, cibetur interdum diætā regulari, augeaturque potio syrupi duab⁹ vncijs, vt octonas sumat vncias per incrementum & statum curationis.

*In sene phlegmatico vel melancholico.

Cibetur huiusmodi senex tota curatione, diætā regulari, pane bis cocto & vna passa. Ad syrupum sit libra integra ligni, aquę libræ sedecim. fiat infusio de more, ferueatque ad ignem carbonum, donec redeat decoctio ad septem libras. Coletur de more ac seruetur. Ex eo syrupo sumat ægrotus mane ac vesp̄i, ab initio curationis vsque ad incrementum, vncias quatuor, deinceps vsque ad finem, sumat semilibram. Pro secunda decoctione in potu, sint aquę librę viginti, redigaturque decoctio ad decem & octo. Si autem robustior senex fuerit, augeatur potio

E iii sy-

tyrupi duabus fere vnciis. Secundaque decoctio fiat paulo intensior, vt redeat ad sexdecim libras.

*De vigilia immodica.

Longa & immodica vigilia ex aliqua prouenit quatuor causarum hoc est, vel à nimia siccitate, vel ab intemperato calore, vel a cholera rubea aut nigra, vel a phlegmate falso. Precipue tamen in causa est siccitas cerebri, dñ vel a calido iecore, vel ex aliqua materia calida per se aut per accidens, calidi vapores exhalantur, ac cerebrum per se siccum magis exiccant. Primū igitur in huius morbi curatione causa frangatur antecedens. Deinde singulæ complexionēs & ætates curentur in hunc modum.

*Curatio vigiliæ, in iuvene cholérico vel sanguineo.

Cibetur talis ægrotus carne pulli elici cum frigidis herbis. Sumat vero in potu saltem duos mēses, aquā decoctiōis ligni sancti, quæ talis fiat. Ex ramentis ligni sint vnciæ tres per mensem, deinde quatuor vnciæ alio in mense

mēse, aque librę viginti, fiat infusio, ac ferueat in balneo marię, donec redeat decoctio ad quindecim libras. Hęc vero aqua in potu sumpta, alterabit intemperiem, seu discrasiam membri dolorem immittentis. Corrigit enim atque instorat lapsa membra ex quacunque causa. Neque autem id cuiquam incredibile videatur, quod nos & alias experti sumus, & præcipue in clarissimo viro Camillo Musettula, quā quā immensa vigilia ex iecoris caliditate pene consumpsisset, sola portione hac ligni sancti alterante, refrigerato iecore, sublata vigilia est, ac perfectę salutis restitutus. quod illi quoque fuit summo miraculo.

✱ In iuvene phlegmatico vel melancholico.

Ibetur huiusmodi iuuenis, vt superior, sed parcius aliquāto. pro eo autem fiat talis syrupus. Sint ligni vnciæ quatuor, aquæ duodecim, ferueat infusio in balneo mariæ, donec redeat decoctio ad vncias septem. Ex hoc syrupoumat æger per totam curationem vncias sex mane tantū. Aqua secunda in potu fiat, vt in iuvene superiore.

E iiii

In

*In sene cholerico vel sanguineo.

Enex si huius complexionis fuerit ab ineunte etate, imminuto prius humore noxio, si sit in causa, cibetur diæta resumptiua, fiantque pro eo syrupus & aqua secunda, quæ alterent illius complexionem, pro syrupo sit ligni semilibra, aquæ libræ viginti. ferueat infusio in balneo Mariæ donec ad quindecim libras decoctio redigatur. Inde sumat egrotus mane ac vesperi semilibram tota curatione. Pro secunda decoctione ramenta ex priore decoctione pressa ponantur in aquæ libras vigintiquinque, hæc ferueat in eodē balneo: donec ad viginti redeat libras. Quod si aqua ipsa secunda non sufficiat ad potum ob situm nimiam senis, fiat aqua prima in potu, qualis descripta est in iuvene cholerico.

In sene phlegmatico vel melancholico.

Adem in hoc sene seruentur, quæ in superiore. Nam licet complexio per se humida sit, humectandus tamen est ob morbum siccissimum.

De

*De perturbatione intellectus, defectu
& amissione memorię.

Perturbatio intellectus & defectus memorię non differunt, nisi per maiorem aut minorem vim causę facientis morbum, & per diuersas capitis partes, & proprias sedes. Conueniunt vero in materia & noxio humore, vnde oritur morbus. Atque de ea perturbatione intellectus hic precipimus, quę sine febre est quę ex phlegmate putrido fit, vel ex cholera. Speciesque illas notamus huius morbi, in quibus communitas est in causa morbi pluribus membris principalibus, in quibus, præcipua sunt iecur & cerebrum. Et iecoris quidem caliditate fit morbus, dum comburit humores, ac cinericios reddit, gignitque choleram nigram, ex qua morbus hic nascitur. Sed & cerebrum solum nonnunquam est in causa, ob sui intemperiem seu discrasiam. Nam eius frigidityte augetur phlegma. Sepe etiam, vt diximus, vtrumque membrum est in causa, & plerumque alia membra, ex nimia frigidityte aut humiditate, quę solent morbum

as-

afferre, vt prima tertij tradit Auic. In quacunque autem specie huius morbi maxime conuenit curatio ligni sancti, quoniam tenui opus est materia in nutrimento, ob virtutem ligni nutritiuā, & in hoc morbo valde noxia est repletio ex cibo & potu, maximeque aduersatur sensui animæ interiori. Auic. ibidem præcipiente. Sed & ob id utilissima est ligni sancti medicina, quod exiccat, & tenuat sanguinem, & temperate calefacit. Atque ita sensus interior purgatur & instauratur, vt eodem loco præcipit Auicenna. Primum autem omnium in huius morbi curatione imminuatur causa antecedens noxius humor.

*Curatio perturbationis intellectus & amissionis memoriæ, phlegmate existente in causa, in iuvene cholero vel sanguineo.

Huiusmodi iuuenis cibetur tota curatione diæta resumptiva, si imbecillus sit. Syrup⁹ pro eo fiat ex ligni semilibra, aquę libris octo. Ferueat infusio in vase fictili ad ignem carbonū, donec redigatur decoctio ad quatuor

tuor libras. Hoc vtatur ægrotus ab initio
vsque ad mediam curationem, quatuor su-
mens vncias mane ac vespri. In secunda
decoctione, in potu sint aque libræ duode-
cim, redeatque decoctio ad septem. Reli-
quo tempore curationis syrupus fiat ex ea-
dem ligni & aque mensura, sed intensior
sit decoctio, vt ad tres tantum redeat li-
bras, sumatque inde ægrotus mane ac ve-
spri semilibram. Secunda decoctio in po-
tu fiat ex decem libris aque, atque ad septē
redigatur. Si autem validior sit iuuenis, ea-
dem seruentur, nisi quod minuenda cibi
quantitas est, augenda syrupi.

*In iuvene phlegmatico vel
melancholico.

Cibetur huiusmodi iuuenis, si imbe-
cillus sit, diæta resumptiua vsq; ad
mediā curationē, deinceps vtatur
diæta regulari vsq; ad finē, nisi de-
ficientibus viribus, ad resumptiuā
sit aliquādo redeundum. Pro eo in tota cu-
ratione fiat syrupus ex libra integra ligni,
aque libris decem, ferueatque infusio in fi-
ctili vase ad ignē carbonū donec ad quīq;
libras redeat decoctio. Inde sumat ægrotus
mane

mane ac vesperi initio curationis vncias tres, in incremento quatuor, reliquo tempore semilibram. Secunda decoctio in potu fiat ex aquæ libris duodecim, quæ ad decem redeant feruendo.

*In sene cholerico vel consanguineo.

Cibetur senex hic tota curatione si sit imbecillus, diæta resumptiua fiatque pro eo syrupus ex libra integra ligni, duodecim aquæ, ferueat infusio in vase testaceo ad ignem carbonum, donec ad libras septem redigatur. Hoc senex vtatur vsque ad mediam curationem, sumens mane ac vesperi vncias quaternas. Secunda decoctio in potu ex duodecim aquæ libris feruendo redeat ad decem. A statu, & deinceps, syrupus fiat ex vna libra ligni, decem aquæ, redigaturque decoctio ad libras quinque. Sumatque inde ægrotus, tam mane quam vespere semilibram. Secunda decoctio in potu ex libris duodecim redigatur ad octo. Si autem robustior sit senex, cibus est pro illius viribus minuendus.

*In sene phlegmatico vel melancholico.

H Viuismodi senex cibandus est, vt vires, aut imbecillitas exegerint, diæta vel regulari vel resumptiua, vel alternis. Pro eo syrupus tota curatione fiat ex libra integra ligni, aquæ libris decem, redigaturque decoctio ad quatuor libras, seruēdo ad ignē carbonum in fictili vase. Inde sumat æger mane ac vesp̄ri vsque ad mediam curationem vncias quatuor, deinceps vsque ad finem semilibram. Secunda decoctio in potu fiat ex aquæ libris decem, ad septemque redigatur. Si autē senis vires maiores sint, vti poterit tota curatione diæta regulari, & ampliori syrupi potione.

*Melancholia existente in causa, in iuvene cholerico vel sanguineo.

SI imbecillus sit talis iuuenis, vtatur diæta resumptiua per totam curationem, fiatque pro eo syrupus ex ligni semilibra, & aquæ libris octo, ferueat infusio in vase fictili, donec redigatur decoctio ad sex libras. Inde sumat ægrotus ab initio vsque ad mediam curationem, vncias quatuor tam mane quam

ve-

vesperi reliquo tempore semilibram. Secunda decoctio in potu fiat ex libris aque sexdecim, ferueatque in balneo marie quousque ad 12. redigatur. validiori vero iuueni tenuior prebendus est cibus.

*In iuvene phlegmatico vel melancholico.

Cibetur is iuuenis dicta regulari tota curatione. Si autem sit imbecilior, in statu curationis & deinceps dicta vti potest resumptiua. Syrupus pro eo usque ad mediam curationem fiat ex ligni semilibra, aque libris duodecim, ferueatque infusio in vase fictili, redigaturque ad sex libras. Inde sumat æger mane ac vesperi semilibram. Secunda decoctio sit ex libris quindecim aque, ferueat in balneo marie, redeatque ad libras duodecim. In statu & deinceps pro syrupo sit libra integra ligni, decem aque, redigaturque decoctio ad quinque libras, feruens in vase testaceo, semilibraque; sumat æger vtraque potione tam matutina quam vespertina. In secunda decoctione sint libbre sexdecim aque, redeantque feruendo in balneo marie ad tredecim libras.

In

*In sene cholericō vel sanguineo.

Dieta resumptiua cibetur hic senex tota curatione, fiatque pro eo syrupus ex ligni semilibra, libris aquæ decem, redigaturque ad libras quinque decoctio, feruens in fictili vase. Sumantur vtraque portione vsque ad statum vncie quatuor, in statu & deinceps vncie sex. Ad secundam decoctionem in potu librae quindecim aquæ feruentes in balneo mariæ, ad decem redigantur. Si autem sit robustior senex, intensior fiat vtraque decoctio, ex vna scilicet libra.

*In sene phlegmatico vel melancholico.

Iuxta, vel vires, vel imbecilitatem fiat ab hoc sene diæta regularis aut resumptiua. Syrupus pro eo fiat per totam curationem ex vna libra ligni, decem aquæ feruens in vase fictili, decoctio redeat ad sex libras. Indeumat senex vtraque portione semilibram, si vis hepatis concoctiua id tolerat. Secunda decoctio fiat ex libris sexdecim aquæ, redigaturque ad duodecim. Si autem secunda decoctio non sufficiat ad firmum senis & iuuenis, fiat prima decoctio in potu in balneo mariæ
ex

ex ligni vnciis tribus, aquæ libris quindecim, quæ ad decem redigantur.

✱De melancholia.

Melancholiæ morbus multiplex est. Nos tamen de ea tractamus, quæ existimatiuavis & cogitativa perturbatur propter melancholicū humorē noxiū, fitq; adustione alicuius ex quatuor humoribus, ob imbecilitatem splenis, aut propter iecoris adustionem, vel alterius membri præcipui vel propter communem adustionem. Eamque melancholiam curamus ligno sancto, quæ non penitus confirmata est & obsoleta, sed quæ vix curatur alii medicinis. Hoc igitur pacto quisquis eo morbo affectus est, præparetur ad curationem ligni sancti, ut trahatur in habitudinem contrariam causæ morbum facientis. Cibetur æger diæta & cibo apto ad eius morbi curationem, ut medici consueuerunt. Detur autem in prandio & in cœna loco vini per duos menses aqua ligni sancti: quæ talis fiat, ramentorum ligni vnciæ tres, aquæ libræ quindecim, ferueat infusio in balneo mariæ, donec ad decem libras redeat decoctio

coctio post hæc curetur morbus iuxta singulas cōplexiones & etates, ad hūc modū.

*Curatio melancholię in iu-
uene cholericō vel san-
guineo.

Ibetur is iuuenis tota curatione diæ-
C ta resumptiua, alterata ad humidum,
oleribus frigidis, vt decet. modus au-
tem sibi sit iuxta vires, nem pro cōplexio-
ne & adustione membrorum, quæ indigēt
alimento. Pro eo syrupus fiat de more ad
hunc modum. sit ligni semilibra, aquæ li-
bræ decem, ferueat infusio in balneo ma-
riæ, atque ad libras quinque decoctio redi-
gatur. inde sumat ager ab initio curatio-
nis vsque ad statum vtraque portione tam
mane quam vesperi semilibram in statu,
& deinceps uncias octo. Decoctio secun-
da in potu fiat ex aquæ libris vigintiqua-
tuor, quæ in eodem balneo feruentes re-
deant ad viginti.

*In iuene phlegmatico vel
melancholico.

E Adem seruetur curatio in hac cō-
plexione iuuenis, quæ in superio-
re. Hic enim morbus omnino ex
F ad-

adustione gignitur, nec admodum diuersus est in diuersis cōplexionibus, nisi crassitudine aut tenuitate hūoris noxii. Quāobrem quo terrestrior fuerit materia morbi, eo diuturnior erit hæc curatio seruāda, quod minus apta sit humectationi & resolutioni & euacuationi.

*In sene cholérico vel sanguineo.

Cibetur senex huiusmodi resumptiua diæta humectante, vt dictum est, sed tenuiore cibo, quam iuuenis. facilius enim fert senex inedia, quam iuuenis. Pro eo syrupus fiat per totam curationem ex ligni vnciis octo, aquæ libris quindecim, infusioque feruens in balneo marię ad libras octo redigatur. Inde sumat æger tam mane quam vesp̄ri semilibram, minus vero si adsit stomachi aut iecoris imbecillitas. Aqua secunda in potu fiat ex libris aquę viginti, quę in eodem balneo feruentes redeant ad tredecim.

*In sene phlegmatico vel melancholico, eadem seruanda de vertigine.

Multę quidem sunt causę vertiginis primitiue, atque ex humoribus, sed

sed nos catenus de vertigine tractamus, quatenus fit ex vi corrupta meditationis seu imaginationis, ob aliquam causam fixam in membro quopiam nobili: veluti est caliditas hepatis dissoluens, aut imbecillitas stomachi euaporans, aut etiam totius cerebri euaporatio, aut alia quæpiam intemperies ac discrasia in membris ipsis nobilioribus. Et qui hunc morbum patitur, videntur ei locus in quo ipse est, resque omnes in gyrum verti ac labi, atque alia quædam similia. Quæ sæpe contingunt studiosis, & vtentibus coitu immotico. Quicumque igitur hoc morbo curandus est, præparetur saltem per duos menses, antequam incipiat sumere syrupum ligni sancti. Utaturque dicta resumptiua, ea quantitate, quæ conueniat complexionis & viribus corporis, abstineatque ab omni cibo, qui in malum chilum conuertitur. Utatur vero in potu semper tam præparationis tempore, quam curationis, aqua ligni sancti, nec vnquam bibat aquam aliam aut vinum, præsertim phlegmaticus vel melancholicus. Aqua in potu pro sanguineo iuvene vel

Fii cho.

cholericus fiat ex ligni vncijs quatuor, quæ mancant in infusione diem ac noctem in aquæ libris quindecim, ferueatque infusio in balneo mariæ donec redeat decoctio ad libras decem. Pro phlegmatico vero iuvene vel melencholico aqua in potu fiat ex ligni semilibra, aquæ libris sedecim, ferueatque infusio in fictili vase ad ignem carbonum, donec ad libras duodecim redigatur. In sene eadem feruentur, nisi quod & in cibo, & in quâtitate ligni atque aquæ ad decoctionem, & in ipsius decoctionis gradu, est habenda ratio virium complexioni, & ætatis. Si autem hoc pacto vertigo non tollitur, adhibeatur eadē curatio, quæ descripta est in melancholia.

*De epilepsia.

Epilepsia, qui morbus latine dicitur comitialis, si & nō simplex est, nos tamen de ea morbi specie tractamus, quæ a nonnullis vera epilepsia dicitur, & quæ gignitur a phlegmate. Quamquam & melencholica est nonnunquam in causa. Ex vitæ igitur humore producat

ducatur morbus, ac siue propter cerebri, seu propter alterius membri præcipui intemperiem, dummodo cōtingat ex interna causa materiali ac permanente, sitque id malum diuturnius nec tolli potuerit alia medicina, curatio fiat per lignum sanctum ad modum quam describimus. Ac primum locus in quo eger curatur, hoc est cubicalum, sit temperate calidum, ab omni strepitu semotum, nec minus illustre. Sudor prouocetur, sed in capite copiosius, quam in reliquo corpore. Seruetur vero modus diligenter, pro egroti dispositione, tam in cibo quam in potione ligni, ne inter curandum aut febricula incidiat, aut destillatio, aut aliud quoduis accidens aduersum. Nam si rite fiat curatio per lignum sanctum, morbus facile curatur ac tollitur, quod nobis curantibus sæpius contingit. Sed illud pro miraculo habendum est, & est tamen verissimum quod monialis quædam nobilis ex ordine diui Francisci, in viridi ætate annorum triginta, sanguinæ complexionis, morbum hunc comitalem passa sex annos, quum a me curata esset hac medici-

F iii na

na & hoc ritu, diebus vigintiquinque; nec amplius pristinae salutis prorsus restituta est, nec vnquam postea sensit epilepsiam. Sed & alios innumeros curavi desperatae salutis. Curatio autem fiat in hunc modum.

★ Curatio epilepsiae in iuvene sanguineo vel cholerico.

V Tatur hic eger, si non sit imbecillus, diata regulari ab initio vsque ad mediā curationē, deinceps vtatur diēta resumptiua. & si op^o fuerit, etiā regulari, vsque ad finē. Syrupus pro eo vsq; ad mediā curationē fiat ex ligni semilibra, aquae libris duodecim, ferueatque infusio in fictili vase ad ignem carbonū donec ad sex redeat libras, vsque ad augmentum, inde vsque ad statū ad quatuor tantum libras redigatur. A statu vsque ad finem syrupus fiat alteratiuus hoc pacto: ligni semilibra in aquae libris decem, maneat in infusione duodecim horas, feruensque infusio in balneo mariae redeat ad sex libras. Per totam vero curationem

nem sumatur vtraque portione semilibra sy-
rupi. Aqua secunda in potu tota curatione
fiat ex aquæ libris viginti, redigaturque
ad quindecim feruens in balneo mariæ.

Si autem non sufficiet in potu hæc secun-
da decoctio, prima fiat aqua in potu ex
tribus vnciis ligni, aquæ libris viginti, quæ
in eodem balneo ad sedecim redigantur.
In sene autem eiusdem complexionis, ca-
dem sunt seruanda, nisi quod & syrupus &
aqua in vase fictili decocta poterunt auda-
cius præberi, propter phlegmatis excessum
in ea ætate.

* In iuvene phlegmatico vel
melancholico.

Cibetur iuuenis huiusmodi, si robu-
stior sit, diæta regulari tota cura-
tione. Syrupus fiat vsque ad medi-
am curationem ex libra integra ligni,
libris aquæ decem & octo, duodecim
horas fiat infusio, Post hæc feruendo redeat
decoctio ad septēlibras, post mediā curatio-
nem, fiat sirup⁹ ex vna cū dimidia libra ligni,
libris aquæ sedecim. infusio vt superior fer-
ueat in fictili vase ad ignem carbonū donec
ad libras quinque redigatur. In vtraque

F iiii po-

potione sumat eger semilibram syrupi.
Secunda decoctio in potu fiat in fictili vase ex libris aquæ viginti, ac feruendo redeat ad decem. Eadem vero in sene seruanda sunt, nisi quod senex, licet facilius in ediam sustineat, propter ætatis tamen imbecillitatē subleuari poterit diæta resumptiua.

*In pueris a quarto ætatis anno
vsque ad quartum decimum.

A ætate pueri cibentur tota curatione diæta resumptiua, maiore enim indigent alimento. Caro tamen assa præbeatur, non elixa. Quoniam vero difficilis est puerorū curatio, ac vix induci possunt ad sumendas medicas portiones, si nullo pacto poterit præberi puero egro syrupus, curandus est sola aqua decoctionis ligni sancti sumpta in potu. Ea vero decoctio in potu puero cholericō vel sanguineo talis fiat, sint ramentorum ligni vnciæ tres, aquæ librę sedecim, ferueat infusio in gemino vase, donec ad libras redeat duodecim. In phlegmatico autem vel melancholico puero sint ligui vncię quatuor

or

or, aquæ libræ sedecim. ferueat decoctio in vase fictili ad ignem carbonum, donec ad libras duodecim redigatur. Si autē puer facilis fuerit, vt sumat portionem, pro cholérico quidem puero syrupus fiat ex ligni vncijs quatuor, aquæ libris decem. ferueat infusio ingemino vase, seu balneo marie, donec ad sex libras redigatur. Sumatque inde puer tam mane quam vesperi initio curationis vncias duas, in incremento tres, deinceps vsque ad finem vncias quatuor. Aqua secunda in potu fiat tota curatione ex aquæ libris quindecim, quæ feruentes in eodem balneo redeant ad decem.

Pro phlegmatico syrupus fiat vsque ad mediam curationem ex vncijs quatuor ligni, aquæ libris duodecim, redeatque decoctio ad septem libras feruens in fictili vase, sumanturque vtraque portione vnciæ tres. Aqua secunda in potu ex sedecim libris redeat ad duodecim. A media curatione vsque ad finem syrupi decoctio ex libris duodecim redeat ad quinque, sumanturque vtraque portione vnciæ quatuor. Aqua secunda in potu ex sedecim libris ad nouem redigatur. Si autem vtranque syrupi portionem

puer

puer abhorreat, alteram saltem sumat quotidie. Ac si amaror sit nimis molestus, leniatur amaror ipse, ut supra docuimus, coriandris saccharo cōditis, vel saccharo tabarzet.

★ In lactentibus infantibus.

Requentior est in hac ætate committialis morbus, multis de causis, ac maxime propter humiditatē.

Curatio vero infantis tota est in ipsius nutrice constituenda. Ut cum affectum fuerit nutricis corpus potione ligni sancti, affecto etiam lacte atque alterato, quo vescitur infans, alteretur illius corpusculum lacte sic medicato, atq; curetur. Cibetur itaque nutrix diætā relumptius, ea tamē quantitate, qua tam ipsa, quam infans possit sustentari, & quę recte cōcoquatur. Syrupum sumat nutrix mane ac vesperi, sumatque semper in potu aquam secundam. Qualitas vero & quantitas syrupi, item qualitas secundæ sint pro nutricis ætate atque complexione, ut dictum est.

De

*De paralyfi.

MOrbus, quem Greci paralyfin dicunt, latine dici potest dissolutio, quum membra corporis, amisso naturali vigore dissoluntur. Id vero quum in toto corpore contingit, Greci appellant apoplexiā, quum in parte, ac certo membro, hemiplexiam. Consuetudo tamen obtinuit, quod Celsus refert, ut quocunque modo ea dissolutio paralyfis appellatur. Nam non est in morbo ipso alia differentia, quam ex paucis, aut multo humore noxio, unde vel unus cerebri ventriculus, vel omnes simul laedantur. Plurimum vero in causa est phlegma viscorum, nec nimis crassum, quo meatus nervorum oppillantur, spiritusque vitales praecluduntur, ne permeent membra. Quapropter lassescuntibus nervis membra hebetantur, cum priuatione sensus, & motus voluntarii. Stupor autem & tremor sunt praeiunctae dispositiones ad morbum ipsum, atque stupore debilitas facit in membro, subtracta virtute spiritus vitalis, tremore vero eadem virtus corrupta, &

& tanquam præfocata, atque ab ipsa cerebri origine præclusa. Huic malo quanto citius fieri poterit, succurrendum est ligni sancti medicina. Atque si minus prima curatione tollitur morbus, curatio ipsa iterum est, ac etiam tertio & sæpius repetenda. Neque omittenda hæc medicina est, quanvis color in paralitico membro mutatus sit, quæ res maximam (vt nostri authores tradunt) ostendit difficultatem curationis. Fiat autem curatio in hunc modum. Disponatur eger per dies triginta ad curationem, priusquam incipiat portionem sumere syrupi, vt aqua ligni sancti vtatur in potu, loco vini, quæ ex semilibra fiat ligni, libris aque triginta, decoctioque ad viginti redigatur feruens in fictili vase. Membrum læsum hoc pacto foueatur. fiat tale balneum: sumantur cortices radicum althæe, acori, vlmi, brionie, cucumeris asinini, singulorum manipulos sex. Capita liliorum alborum numero decē, seminis lini, fœni græci, vtriusque vnâ libram, baccarum lauri semilibram, chamemeli, melliloti, vtriusque manipulos quatuor, intestinorum arietis pinguium &

& purgatorum libras decem : ferueant hæc omnia in aqua fontana , fiatque calidum balneum quotidie peracta concoctione ante cœnam. Ex quo balneo suffimentum fiat diligenter paralytico membro, post suffimentum ungatur membrum hac vnctione . Sumantur althææ vnciæ quatuor, olei sisamini, amygdalarum dulcium, liliorum alborum & caruleorum, ex singulis semilibram, misceantur hæc omnia, fiatque vnctio, qua actu calida ungatur membrum læsum. deinde inuoluatur cannabina stuppa, fasciaque de more vinciatur. post hæcumat æger aliquod electuarium resumptiuum, vt est electuarium ex genimis cum aromatibus, aut talem aliquam cibum, cum quo bibat nonnihil ex ligni decoctione in potu. Postquam vero æger ad hunc modum per triginta dies paratus fuerit ad legitimam curationem ligni sancti, curatio ipsa hoc pacto instituat.

*In iuvene cholero vel sanguineo.

Cibetur hic iuuenis tota curatione dicta regulari. Syrupusque pro eo fiat vsque

vsque ad mediam curationem, ex libra vna ramentorum ligni, aquæ sedecim libris, redeatque decoctio ad libras sex, feruens in fictili vase. Sumatque inde ægrotus vtriusque potionis semilibram. Aqua secunda in potu ex viginti libris feruens in fictili vase redeat ad duodecim. In statu & deinceps fiat syrupus itidem ex vna libra ligni & sedecim aquæ, fiatque infusio per horas duodecim. ferueatque in vase fictili, donec ad libras quatuor decoctio redigatur, inde sumantur tam mane quam vesperi vnciæ octo vsque ad declinationem, deinde semilibra. Secunda decoctio in potu fiat ex libris aquæ decem & octo, quæ feruendo redeant ad nouem. Si autem circa finem curationis refrigerandus fuerit ægrotus ob nimiam caliditatem decoctionis ligni sancti, fiat secunda decoctio ex viginti libris aquæ, quæ ad sedecim redeant feruentes in gemino vase. Atque hoc pacto puella quædam a me curata est ex morbo diuturno: a tertio videlicet ætatis anno vsque ad duodecimum, mutato colore corporis, membriisque dissolutis, ab inferiori

feriori furcula vsque ad imos pedes.

*In iuvene phlegmatico vel melancholico.

Cibetur talis quoque iuuenis diata regulari tota curatione . Syrupus pro eo fiat vsque ad declinationē ex libra vna ligni, sedeci aque. fiat infusio per horas duodecim, ferueatq; in vase fictili, donec ad libras quinq; redigatur . Inde semilibra sumatur vtraque portione . Secunda decoctio in potu fiat ex aquæ libris viginti, quæ feruendo redeant ad decem . In declinatione vsque ad finem syrupus fiat ex vna libra ligni, aquæ quindecim, feruensque redeat decoctio ad septē libras. sumaturque itidem vtraque portione semilibra . Ad secundam decoctionē in potu libræ viginti aque feruendo redigantur ad quatuordecim . Atque hic syrupus & aqua in declinatione curationis temperabunt caliditatem, qua corpus affectum fuerit priore syrupo calefactiuo, & aqua secūda, quibus domanda erat vis morbi. 11

*In senibus eadem seruanda sunt.

Ost curationem vero aliquot die-
P bus, ne curatus recidat in morbū,
cibus quidem communis sumēdus
est, sed qui nihil noxius sit, & quātus faci-
le concoqui possit: potus vero fit ex ligni
decoctione, quæ talis fiat: fit semilibra ra-
mentorum ligni, libræ aquæ viginti quin-
que, ferueant vna in fictili vate donec ad
viginti libras decoctio redigatur.

*De spasma seu contractione.

Ea contractione tractamus, quæ
D ex noxio humore fit, siue in vno
mēbro fiat, siue ī plurib⁹, & quæ em-
prosthotonus dicatur, opisthotonus, vel
tetanus. talemque morbum phlegma sæpi-
us gignit crassius illo ex quo fit paralyfis.
Itaque de spasma nunc tractamus, non vt
ex siccitate cōtūgit, aut inanitate, propter
vigilias, aut morbū diuturnū, sed vt ex no-
xia gignitur materia, & qui est difficilis cu-
rationis. In talis igitur morbi curatiōe pri-
usquā sumi īcipiat potio ligni sancti, purgā-
dus est æger, tollēdaq; aut minuēda causa
morbi antecedens, hoc est noxius humor
phlegmatis

phlegmatis crassioris, cibo quoque atque
aliis obseruationibus disponendum cor-
pus egroti ad legitimam ligni sancti cura-
tionē. In ipso autem curationis initio con-
tracta membra idoneo cataplasmate fouē-
da sunt, quod bis quotidie actu calidum
apponendum est. Ipsum autem cataplas-
ma fiat in hunc modū, libra vna ligni san-
cti in puluerem redigatur, incernaturque,
tum ferueat in aqua communi in vase ficti-
li duas horas, deinde addantur ex cortici-
bus radicum althææ preparatis, acori, brio-
niæ, enulæ campanæ, singulorum manipu-
los tres, rursusque ferueant vna hæc om-
niacum ligno sancto. post hec rondantur
in mortario lapideo, atque in formam de-
ducantur cataplasmatibus. Hac autem cura-
tione nos vsi sumus optimo successu, præ-
sertim in Ioanne Cordubensi milite, ab
eaque clarissima vrbe, parentes nostri ori-
ginem trahunt, qui diutino spasmo affli-
ctus fuerat toto corpore, præsertim in octo
musculis ventris inferioris, ac sæpe a peri-
tissimis medicis curatus, nihil profecerat.
imo in paralyfin incurrerat & epilepsiam.
Is itaque per nos curatione ligni sancti

G

præ-

præuia, quam diximus, dispositione, & decima curationis die leuatus cruciatus est atque dolore, vigesima vero prorsus est morbo liberatus, reditusque perfectæ incolumitati. Hac autem legitima curatio est per ligni sancti potionem.

*In iuvene cholericō vel sanguineo.

Hic æger, si imbecillus fuerit, resumptiua utatur diata tota curatione, pro eo usque ad mediam curationem syrupus fiat ex ligni semilibra, aquæ libris duodecim quæ ad nouem redigantur, feruentes in fictili vase. Inde sumatur utraque portio semilibra. secunda decoctio in potu ex tredecim aquæ libris redeat ad nouem, feruens in balneo mariæ. In statu & deinceps fiat syrupus ex libra vna ligni, aquæ sedecim, quæ in vase fictili redeant ad septem. Semilibraque item sumatur utraq; portione. Aqua secunda in potu ferueat in gemino vase, atq; ex viginti libris ad quindecim redigatur.

*In iuvene phlegmatico
vel melancholico.

Cibetur

Cibetur is aeger tota curatione diæta
regulari. Pro quo vsque ad mediam
curationem fiat syrupus ex vna libra
ligni aquæ sedecim, fiatque infusio
per horas duodecim, ferueatque in
vase fictili ad ignem carbonū, donec ad sex
libras redigatur. Sumatque semilibram æ-
ger tam matutina portione, quam vesperti-
na. Secunda decoctio in potu fiat in gemi-
no vase, redigaturque e viginti libris ad de-
cem. In statu, & deinceps syrupus fiat ex li-
bra vna ligni, sedecim aquæ: fiatque infu-
sio, vt superior, ferueatque in vase fictili,
donec ad quatuor tantum libras redeat de-
coctio. Inde sumat æger vtraque portione,
si robustior fuerit, octo uncias, si minus ro-
bustus, sex, quatuor vero si nimis imbecil-
lus. Aqua secunda in potu ex viginti libris
feruēdo redeat ad octo. In senibus eadem
seruanda, nisi qua propter excessum phleg-
matis in ea ætate, audacius fieri poterit in-
tensioris decoctionis syrupus & aqua secun-
da. Hæc autem spasmi curatio seruanda e-
tiam est in tortura cruris, cæterisque morbis,
in quibus inest contractio.

G ii

De

*De fluxu nimio lachrymarum.

DE lachrymarum fluxu tractamus contingenti non nativo, de eo tamen qui diuturnior est, nec facile curatur. Isque humor, vel e medio cranio, vt ait Auicēna, tertia tertii, vel extra cranium scateat, ac per oculos fundatur. De cancro autem, aut duritię cuiusuis apostematis oculorum tunc tractabimus, quū de apostemate in vniuersum disseremus. Fluxus igitur lachrymarum, hoc ritu curandus est per ligum sanctum.

*In cholericio iuvene vel sanguineo.

Cebetur hic eger tota curatione diata regulari. Syrupus pro eo fiat initio curationis ex ligni semilibra, aquę libris decem, quę in vase fictili seruendo ad sex redigantur, in incremento & statu fiat syrupus ex semilibra item ligni, duodecim libris aquę, fiatque infusio per horas duodecim, tum ferueat in fictili vase donec ad quatuor libras redeat decoctio. In declinatione fiat syrupus vt initio curationis. Sumatur vero per totam curationem semilibra vtraque portione

tionem. Secunda decoctio in potu ex libris quindecim in eodem vase fictili feruendo redeat ad decem.

*In phlegmatico vel melancholico.

Adem seruetur dicta in hoc ægroto: Sy-
rupus vero fiat pro eo tota curatione ex libra vna ligni, aquę sedecim, redeatque decoctio ad libras quatuor feruens in fictili vase. Inde sumantur in vtraque portione vsque ad mediam curationem vncię quatuor, deinceps vsque ad finem semilibra. Aqua secunda in potu ex libris viginti, feruens in eodem vase redeat ad decem. Atque hoc pacto nos inter cæteros curauimus filium viri magnifici Raphaelis Vitalis, ex veteri morbo fluxus lachrymarum cum graui ophthalmia, nec postea recidit vnquam iuuenis in morbum, sed permāsit absolute incolumis. In senibus idem seruandus est ritus curationis, habitatum ætatis ratione, vt sepius admonuimus.

*De aurium morbo, auditu videlicet obtuso.

Obtusus grauisque auditus & si multiplex est, de illius tamen generis morbo

G iii

morbo hic tractamus, qui ex frigido humore contingit. siue nerno interiore auditus affecto, seu ipsa tantum aure. Is igitur morbus si iam inueterauit, nec alię illi subuenerint remedia, imminuto prius humore noxio, & causa ipsius morbi, hoc ritu curetur per lignum sanctum. Cholericus iuuenis vel sanguineus cibetur initio curationis dięta regulari. A statu autem usque ad finem dięta sit resumptiua. Ab initio usque ad augmentum fiat pro eo syrupus ex ligni semilibra, aquę libris decę. ferueat infusio in fictili uase, donec ad libras quinque redeat decoctio. Aqua secunda in potu, ex duodecim libris ad nouem redigatur. Ab incremento ad finem curationis fiat syrupus ex semilibra ligni, decemque libris aquę, sed ad tres tantum libras redeat decoctio. Aqua secunda ex libris duodecim ad sex redeat. Ex syrupo sumatur semilibra, tam mane quam uesperis tota curatione. Phlegmaticus vel melancholicus iuuenis regulari dięta utatur tota curatione, syrupus pro eo usque ad declinationem fiat ex libra una ligni, aquę duodecim, redeatque decoctio

decoctio ad libras quinque. Semilibraque inde sumatur vtraque portione. In declinatione, atque vsque ad finem curationis, in syrupo sit vna quoque libra ligni, ac nouem aquæ, redigaturque decoctio in fictili vase ad tres libras, atque vtraque portione sumatur vna libra. Aqua in potu fiat ex libris aquæ duodecim, quæ decoctæ redeant ad decem. In sene sunt eadem seruanda, nisi quod adhiberi potius debet diæta resumptiua.

*De nasi morbis, polypo, videlicet |
alijsque vlceribus.

ⁱ
P Olypus est vomica in naso, seu
apostema, quod crassius est at-
que carnosum. Oritur sæpius ex
hæmorrhoidibus, desinitque in cancerum.
Quapropter facilius hæmorrhoides cu-
rantur, quam polypus, cancer polypo diffi-
cilius. In causa est polipo pituita & atra-
bilis ex morbi calore corrupta, resoluta te-
nui humore, crassoq; cōcreto in materiam
carnosam. Diminuto igitur ante legitimā
curationē humore noxio, amoueatur a peri-
to chirurgo quātū fieri poterit materia illa

G iiii

carnosa

carnosa, vel ferro, ut a me complures curati sunt, vel cauterio, vel alio quouis instrumento artis aut remedio, ita ut causa cōiuncta penitus deleatur, morbusque non recidat, membrumque suscipiens foueatur curetur emittens. Post hęc ligni sancti curatio adhibeatur. Cholericus iuuenis vel sanguineus diætā regulari cibetur tota curatione. Syrupus fiat ex octo vnciis ligni, aquæ libris decem, redeatque decoctio ad quatuor libras. Inde sumatur vtraque portio vsque ad mediam curationem semilibra, reliqua curatione sumantur vnciæ octo. Aqua in potu ex duodecim fiat aquæ libris, quæ ad octo redigantur decoctæ. Si autem robustior fuerit eger, poterit in syrupi decoctione apponi libra integra ligni. Phlegmaticus vel melancholicus iuuenis regulari quoque diætā vtatur tota curatione. Syrupus fiat ex aquæ libris quindecim, ligni vero vsque ad mediam curationem libra vna & semis, deinceps libra tantum, redigaturque decoctio in fictili vase ad libras quinque. Aqua in potu in eodem fictili vase decocta, ex viginti libris redeat ad quatuordecim. Senibus cibo

bo vtendum est ampliore, propter ætatem imbecillem, remissione ligni decoctione. Notandum autem, quod eodem syrupo licet polypum ipsum vel vlcerosum vel sine vlcere fomentare vel lauare, vel aliquo instrumento artis decoctionem quoquo modo iniicere atque apponere. Incredibilem enim præstat opem decoctio ipsa extra apposita, dirigendo, mundando, solidando vlcera vomicaque.

*De lingue spasmo & ranula.

Linguae spasmus & ranula polypi eodem ritu curandi sunt. Ranula vero si ad cancrum vergit, diligenti manus operatione subueniendum est, & ligni sancti potione.

*De gingiuarum imbecillitate, de fluxu humoris, de vlceribus, ac dentium commotione.

Gingiuarum imbecillitas & emolli-
tio, vlceraque, fluxusque humoris, atque commotio dentium, causam habere solent a membris principali-

libus affectis. vt ex calidiorē cerebro humores nimios attrahente, refundenteque gingiuis, quibus humoribus noxiis ille corrumpuntur. ex adusto etiam iecore stomachoque affecto, humores corrumpente, qui permaneant ad ipsas gingiuas. Causa igitur cognita morbi, si alia remedia nō subuenerint, imminuta prius ac fracta ipsa morbi causa, ligni sancti curatio adhibeatur, ad hunc modum. Cholericus iuuenis aut sanguineus, diæta cibetur resumptiua, sed tenui, quantum complexio patitur, tota curatione. Syrupus pro eo fiat vsque ad mediam curationem ex libra vna ligni, aquæ duodecim, redeatque decoctio feruens in fictili vase ad sex libras, reliqua curatione sint cum vna libra ligni, quindecim aquæ, ac redeat decoctio ad quatuor libras. Atque in vtraque portione sumatur libra semis. Aqua in potu ex libris viginti decocta redeat ad quindecim. Phlegmaticus vel Melancholicus iuuenis cibetur diæta regulari vsque ad mediam curationem, deinceps resumptiua. Syrupus pro illo fiat tota curatione ex libra vna ligni, duodecim aquæ,

aque, fiatque infusio per horas duodecim, inde feruens in fictili vase ad quatuor libras decoctio redigatur. In secunda decoctione libræ aquæ viginti quinque, ad quindecim redeant in eodem vase feruentes. In senibus idem seruandus est ritus, habita, vt toties diximus, ætatis ratione. Adhibeatur præterea gingiuis frequens lotio, atque omnibus horis, vel ex decoctione ligni, vel alio quouis humore medicato ad morbum pertinente. Percoctus autem aut bis coctis panis, propter putres gingiuas marcerandus est vel iure pulli vel aqua syrupi.

*De pectoris morbo asthmate, hoc est difficili anhelitu.

Asthma, hoc est difficilis respiratio atque anhelitus, non simplex est morbus, atque in. 4. species distribuitur: omnibus tamē eadem potest causa cōtingere humoris noxii. Atque in senibus quidē non est fortasse morbi materia dissolubilis. Quū tñ ex viscoso humore fact⁹ ē asthmatis morb⁹, licet per-

peruetus sit, si non profuerunt alia medicina, tenuata prius morbi materia, & imminuta, ligni sancti curatio adhibeatur. In ligni autem decoctione admisceri licet palmarum fructus, quos dactylos dicunt, hyssopus aliaque simplicia, utilia morbo. Eademque facienda curatio est in veteri tussi, apostemate, ceterisque pectoris morbis asthmatis similibus. Ante legitimam vero ligni curationem, eger hoc pacto præparetur, ut duos circiter menses utatur quidem consueto cibo, sed talis, qui & facile concoquatur, nec excitet morbum. In potu autem, loco vini sumatur ligni decoctio, quæ talis fiat. Sint uncia tres ligni, aquæ libræ viginti, fiat infusio per diem & noctem, inde ferueat in vase fictili ad ignem carbonum horam unam, tum ponatur in decoctione hyssopi manipulus unus, dactylorum libra semis. post hæc rursus ferueat, donec ad quindecim libras redeat decoctio: legitima vero curatio talis fiat. Cholericus iuuenis vel sanguineus cibandus est usque ad mediam curationem diæta regulari, deinceps resumptiua. In syrupo

ruppo sit libra vna ligni, aquæ duodecim,
hyssopi & dactylorum quantum oportebit,
fiat decoctio in fictili vase, redigaturque ad sex libras vsque ad mediam curationem: deinceps ad libras redeat quinque. Sumanturque vtraque portione vnciæ quatuor. Aqua secunda ex libris viginti ad quindecim redigatur. Phlegmaticus iuuenis vel melancholicus vtatur tota curatione diæta regulari. Syrupus fiat ex libra vna ligni, aquæ viginti, redeatque decoctio feruens in fictili vase ad libras decem. post hæc apponatur in decoctione hyssopi & dactylorum, quantum sat fuerit, agarici vero dragmæ duæ. tum fernere pergat decoctio, donec ad septem libras redigatur. Ex eo syrupo sumatur tam mane quam vesperi semilibra vsque ad augmentum, deinceps vsque ad finem curationis vnciæ octo. Aqua secunda in potu ex vigintiquinque libris redeat ad decem & octo appositis in decoctione dactylis, aut tale aliquid pectori vtile. Eadem vero in senibus seruanda sunt, habita ætatis ratione. Ac licet non possit in ea ætate salus restitui ab eo

morbo non tamen deferendi sunt senes vel decrepiti. Continendus enim est curatione in senibus morbus, ne augeatur.

*De phthisi, hoc est tabe.

ET si tabes, letalis morbus, qui phthisis Græco nomine dicitur, nullam habet spem certam ab arte medica, non tamen est omnino illius curatio desperanda, præsertim initio morbi, atque usque ad statum: nec propter incertam spem curationis, destituendus est æger ope medicinæ, ut certissime pereat, ut Galenus præcipit in methodo in libro de ingenio sanitatis. In recenti igitur morbo, atque per incrementum, seruari præcipimus legitimam curationem, quæ ab artis authoribus tradita est. Ligni vero sancti medicinam cõtendimus esse huic morbo salutarem, cum præstet hoc lignum simplicibus vniuersis, quibus medicina vtitur, ut priore libro docuimus, atque ex omnibus qualitatibus, aduersusque omnes operari potest, ob variam ipsius medicinæ confectionem, multiplicique
sua

sua ac salutifera virtute, modis omnibus male affecto corporis subuenire. Calida enim vi & sicca viscosas materias incidit, ne pulmonem corrumpant, vlcera vero ipsius pulmonis exiccat, purgat, integrumque pulmonem reddit. frigida vi & sicca solidat, ac fluxum sanguinis, si quis est, restringit. frigida & humida vi humectatis atque refrigeratis, febrem ossium frangit, humidum quoque vitale reficit ac fouet. Itaque queniā huic morbo varia est adhibenda medicina, variique necessarii sunt effectus, vt Auicenna præcipit prima quartæ hæctica curatione, nulla potest alia medicina curari tam commode phthisis ipsa quam ligno sancto, in quo diuersæ virtutes & operationes, maximeque salubres. Quoniam vero multa sunt hæctica communia cum phthisi, eadem erit curatio seruanda in utroque morbo, vbi eadem erit ratio utriusque, vt eo tantum differant, quo excedens & excessum, Autore Isaac secundo libro de febribus. Et quā eadē causa est hæctica, quæ phthisis, vt idem autor tradit. 3. libro. Quum igitur hæctica febris nō habet

bet aliam rationem aphthisi, sed illius est potius accidens quoddam, idem seruandus est modus in curatione. Illo tamen imprimis præcepto seruato Auicennæ prima quarti, vt si causa hecticæ fuerit apostema, aut lēsum aliter aliquod membrum, in eo primum curatio adhibeatur, causaque auferatur morbi, & origo. Præterea eadem instituitur curatio in hectica & in phthisi, ad hunc modum. Ante legitimā ligni curationem duos circiter menses, præbenda egro sunt electuaria iuxta artem, vel syrupus, vt morbus exegerit. In potu autem, loco vini sumatur ab egro decoctio ligni, quæ talis fiat. Ponantur in aqua hordei purgati vncie tres ex ramentis ligni: ibique permaneant quatuor horas, deinde proiecta aqua ipsa hordei in qua fuerat lignum, in alteram rursus hordei aquam ponantur ipsa ligni ramenta, sintque aquæ sedecim libræ, ferueatque infusio hæc in gemino vase, donec ad libras vndecim redigatur. Post hæc ad legitimam curationem aptius erit egri corpus tam diu affectum, assumpta huius ligni Sancti decoctione. Cholericus
iuuenis

iuuenis vel sanguineus cibetur diæta re-
 sumptiua, addito etiam contuso pullo,
 vel iure pulli consumpti: pro ægri corpo-
 ris imbecillitate syrupus huiusmodi fiat.
 Ramentorum ligni vnciæ quatuor, aquæ
 hordei purgati sint libræ decem. fiat in-
 fusio per duos dies & noctes, postea fer-
 ueat in gemino vase, donec ad libras se-
 ptem redigatur. inde sumatur in potio-
 ne libra semis. Si autem intentio magis
 ad vires sit, quam ad morbum, vna tan-
 tum sit quotidie potio syrupi, vt largius
 possit eger cibari, meliusque concoque-
 re. Si magis ad morbum est intentio, duæ
 sumantur ex more syrupi potiones, ma-
 ne ac vesperi. Quod si electuarium præ-
 beri visum fuerit resumptiuum hora sy-
 rupi, vel syrupi potio minuatur, vel spa-
 cium tribuatur concoctioni. Si vero sy-
 rupum ipsum quis, & curatiuum esse vo-
 luerit, & resumptiuum, apponendum est
 in decoctione pectus gallinæ vel capo-
 nis. Tunc aqua in potu fiat secunda li-
 gni decoctione ad hunc modum. Sint
 vnciæ tres ligni, aquæ hordei libræ vi-
 ginti. ferueat infusio, donec ad quindecim

H cim

cim libras redigatur. Atque hæc fiant vsq;
ad incrementum curationis. Deinceps vs-
que ad finem. Syrupus fiat ex ligni libra v-
na, aquæ hordei libris duodecim. fiatque
infusio per diem & noctem. deinde ferueat
in vitreo vase, donec redeat decoctio ad li-
bras quinque ac si pectus caponis in deco-
ctione positum est, aqua in potu fiat ex qua-
tuor vncijs ligni, aquæ hordei libris vigin-
ti, ferueat infusio donec ad tredecim redeat
libras. Phlegmaticus vel melancholicus iu-
uenis cibetur vt superior. Syrupus fiat ex
ligni semilibra, aquæ libris duodecim. fer-
ueatq; infusio in fictili vase donec ad quin-
que libras redigatur. inde sumatur vtraque
potione libra semis. Aqua in potu fiat se-
cunda decoctione de more, in vitreo va-
se, sintque aquæ libræ quindecim, quæ
feruendo redeant ad 10. De seni-
bus hoc loco, præsertim de-
crepitis, nihil præcipi-
mus, quoniam per-
raro in eis cu-
ratio con-
tingit.

De

*De fastidio cibi.

Fastidij causas tradit Auic. fen decima ter-
tia tertij canonis, tum malam cōplexio-
nem frigidam, frangentem duas virtutes,
sensitiuā & attractiuā, tum magis phlegma
plurimū viscosum, herens in stomachi ori-
ficio, quæ sedes est appetitus cibi, quemad-
modum infundo ipsius stomachi fit cōco-
ctio, quod eodem loco præcipit Auicenna.
Quamobrem quod de fastidio cibi præci-
pitur, ad languidam quoque concoctionem
est referendum. Siue ex cerebro id eueniat,
seu ex hepate ad frigidum inclināte, seu ex
alio membro atra bile affecto, causaue alia
quacunque. Cum igitur morbi causa fixa
fuerit, nec aliā profuerint remedia, ad ligni
sancti est medicinam confugiendum. Præ-
paretur vero eger ante legitimam ligni cu-
rationem saltem diebus triginta. quo tem-
pore cibo vtatur resumptiuo, sed eo tenui,
& qui nihil officiat. Vinū autem non bibat,
nec aliud quā ligni decoctionem, quæ talis
fiat. Ramētorum ligni vnciæ quatuor sint,
libræ quindecim aquæ, redeatque deco-
ctio ad libras duodecim. Post hæc legitima

H ii cura-

curatio ineatur. Cholericus iuuenis vel sanguineus vtatur vsque ad incrementum curationis diæta regulari, deinceps vsque ad finem, resumptiua. Syrupus tota curatione fiat ex ligni semilibra, aque libris octo, redigaturque decoctio feruens in fictili vase ad quatuor libras, atque libra semis sumatur vtraque portione. Aqua in potu ex libris quindecim redeat ad nouem. Phlegmaticus vel melancholicus iuuenis cibetur tota curatione diæta regulari. In syrupo sint octo vnciæ ligni, aquæ libræ duodecim fiat infusio per diem & noctem, tum ferueat in fictili vase donec ad libras quinque redigatur. sumaturque libra semis tota curatione mane ac vespere. Aqua in potu ex libris quindecim redeat ad decem. In senibus eadem seruanda sunt habita ætatis ratione.

*De fœtido spiritu.

E Adem fiat curatio, quæ de fastidio cibi tradita est, in ægro phlegmatico.

*De stomachi apostematibus.

De

DE eo apostemate stomachi hic præci-
pimus, quod fixam habet causam, nec
facile curatur. Huiusmodi vero apostema-
ta frigida, diuersa sunt & loco & situ.
Causam vero tradit Auicen. sen decima-
tertia tertij tractatus phlegma esse, vel a-
tram bilem in stomacho paulatim conge-
stam. Alijs igitur non iuantibus medici-
nis, ligni sancti curatio adhibeatur. Itaque
cibetur æger tota curatione dieta regulari.
Pro eo syrupus fiat ex libra vna ligni, aque
duodecim, redigaturque decoctio in fictili
vase ad sex libras. inde sumatur vtraque po-
tione semilibra vsque ad finem curationis.
Aqua in potu ex libris decē & octo rede-
at ad duodecim. In frigida vero cōplexio-
ne & ætate, syrupi decoctio ad quatuor tā-
tum libras redeat ex duodecim.

*De iccoris seu hepatis morbis.

*De carnosio ac duro apostemate.

Valde difficile est in vno quouis sim-
plici proprietates inueniri, quæ af-
fecto iccori necessariae sunt, vt in decima-
quarta præcipit Auicenna. Sic ipsas enume-
rando, videlicet, amaritudinem, stiptici-

H iii ta

tatem, odorem, maturationem, lenificationem, mundificationem, penetrationis velocitatem, suauitatem & his similia. Quas omnes proprietates, ac multo plures virtutes habet lignum hoc sanctum & salutiferum. Quapropter in iecoris morbis, præsertim apostemate duro & letifero, hac maxime opus est medicina. Subueniendum vero huic malo quamprimum est. Quoniam, ut eodem loco tradit Auicenna, cum inualuerit morbus, non prodest medicina. Verum & si maxime induerit ipsum apostema, non tamen est salus desperanda ex ligni medicina tam salutari, in quo virtus est tenuatiua, & abstersiua, cæteræque quas eodem loco Auicenna ostendit, quæ spem certam faciunt salutis. In preparando egro ad iecoris curationem per quacunque medicinam, illud obseruandum est, quod eodem loco precipit Auicenna, ut maxime animaduertatur complexio in iecore, quod curatur, ne ita refrigeres, ut ad hydropisim deducas, aut ita calefacias, ut maxime arefcat. Quum igitur

tur durum est & carnosum hepatis apostema, siue ab antecedente altero apostemate profectum sit, seu per se inceperit, causamque habeat coniunctam, fixam, auferrique difficilem, quod per signa cognosces, quæ ab eodem traduntur auctore Auicenna, ligni sancti curatio fiat ad hunc modum. Cholericus iuuenis vel sanguineus cibandus est diata resumptiua tota curatione, cum contuso etiam caponis, gallinae pectore, seu iure pulli consumpti. Syrupus pro eo tota curatione fiat ex octo vncijs ligni, aquæ libris duodecim, quæ in fictili vase feruentes ad sex libras redigantur, sintquæ vnciæ quatuor in portione mane ac vespere. quod si alia sunt adhibenda remedia, vna sit tantum quotidie portio syrupi. Aqua in potu fiat in vitreo vase, atque ex libris quindecim redeat ad duodecim. Phlegmaticus vel melancholicus iuuenis vt superior cibetur. Pro eo syrupus fiat tota curatione ex libra vna ligni, aquæ duodecim, fiatque infusio per horas duodecim, inde ferueat in vase fictili donec ad libras quatuor redigatur. Sumaturq; in po-

H iiii uo-

tione libra semis. bis die, aut semel, ut in superiore. Aqua in potu ex viginti libris in eodem vase feruens redeat ad sedecim. Si autem leuius æger curandus videatur, in potu tantum, loco vini sumat ligni decoctionem, quæ talis fiat. Sint ramentorum ligni vnciæ quatuor, aquæ libræ viginti, quæ ferueant in fictili vase, donec ad quindecim libras decoctio redigatur. At si syrupus sumatur, poterunt in ipsius decoctione admisceri herbæ iccori vtilis, calidæ seu frigidæ, pro morbi & complexionis ratione.

*De hydropisi seu aqua
inter cutem.

Aqua inter cutem græce hydropi-
sis est, cuius genera & causas late
tradit Auic. fen quartadecima. Eius
nos morbi reliqua genera curauimus
ligno sancto, præter tympani-
tem. Quum vero habet morbus ipse fixam
causam perdifficilem recipit curationem.
Atque propterea, opus est ligni medici-
na. Cholericus vel sanguineus iuuenis re-
sumptiua diæta vtatur tota curatione. Sy-
rupus

rupus in fictili vase fiat initio curationis
 usque ad statum ex ligni semilibra, aquæ
 libris quindecim, decoctioque ad sex li-
 bras redigatur. In vtraque portione sit se-
 milibra. Aqua in potu ex libris viginti re-
 deat ad duodecim. Reliqua curatione
 fiat syrupus ex octo vnciis ligni, libris
 aquæ duodecim, fiat infusio per horas
 duodecim, ferueatque in fictili vase, ac
 redeat ad quatuor libras, sumaturque se-
 milibra vtraque portione. Pro aqua in po-
 tu ex sedecim libris redeat decoctio ad
 octo. Phlegmaticus iuuenis vel melan-
 cholicus regulari dicta cibandus est to-
 ta curatione, nisi vires defecerint. Sy-
 rupus in vase fictili fiat ex libra vna li-
 gni, decem aquæ, factaque infusione per
 horas duodecim ferueat, donec ad qua-
 tuor libras deueniat. Sintque in vtraque
 portione vnciæ quatuor usque ad mediam
 curationem, deinceps usque ad finem se-
 milibra. Pro aqua in potu ex viginti li-
 bris decoctio in eodem vase facta re-
 deat ad duodecim. Atque in hoc etiam
 morbo admisceri herbæ possunt in syru-
 pi decoctione apte ad morbum cum vi-
 ni

ni preparatione, vt in 4. libro dilucidabo, cum hydropicus a visione aque, nedum a potu ipsius, quantum possibile est prohibendus, vt Auicenna precipit fen. 14. tertii. Eadem vero adhiberi curatio potest regio morbo seu arquato vel icterico, item splenis apostematibus, vt nos multos cognouimus esse curatos.

★ De morbis renum. De vesicæ
ac renum vlceribus.

VEsicæ ac renū vlcera, que causam habent ab humore aliquo noxio corro-
dente, incidente, aut exulcerante, aliam-
ue similem causam, eadem fere ratio-
ne curari possunt. Quum is vero mor-
bus inueterauit, non suscipit curationem,
nisi cum ingenti molestia, vt proprio capi-
te tradit Auicenna. Hac tamen curatione
ligni sancti spes maxima est salutis, vt se-
pius nos experimento cognouimus. Quē
dāq; vidimus decrepitum senem octo ge-
nariū, qui viginti annos vlcera passus fue-
rat in substantia renum, cum dolore vehe-
menti, medicina ligni saluti restitutum at-
que omnino in columē, Iuuenis igitur cho-
lericus

lericus vel sanguineus vtatur tota curatio-
ne diēta regulari, talique syrupo. Ex libra
vna ligni, quindecim aque, fiat infusio cō-
munis per horas duodecim, feruensque in
fictili vase ad libras quinque deueniat. Sit-
que in vtraque porione semilibra. Aqua se-
cunda ex viginti libris redeat ad quindec-
cim, feruens in balneo marię. Phlegmati-
cus quoque vel melancholicus iuuenis re-
gulari diēta cibendus est. Syrupus vt supe-
rior fiat, sed ad quatuor tantū libras rede-
at decoctio. Aqua secūda ex libris vigin-
ti quinque redeat ad quīdecim in fictili va-
se. Eademque fiat curatio in sene. Illud ve-
ro animaduertere ndum est, quod ad omnem
intentionem curandi vlcera vesicę, maxi-
me etiam prodest extrinsecus prima ligni
decoctio, iniecta intra vesicam aliquo ar-
tis commodo instrumento.

* De vuluę morbis, seu matricis,
De fluxu ex matrice.

Vum sunt in mulieris corpore su-
peruacanei. hu mores, ac noxii,
præter menstru os, ad matricē om-
nes defluūt, tāquā ad cor poris sētina. Itaq;
fluxus

fluxus fit nimius ex matrice. Eius morbi
& causas & qualitates Auicenna docet fen-
vigesima prima. Id malum conceptionem
omnino prohibet, & præterea est ipsi mu-
lieri perniciosum. Quamobrem cum alia
remedia non profuerint, curatio adhibea-
tur per lignum sanctum ad hunc modum.
Mulier fluxum est matrice patiens pro-
pter iecoris caliditatem, cibetur vsque ad
statum curationis diæta regulari, deinceps
resumptiua. Pro ea syrupus tota curatio-
ne fiat ex libra vna ligni, quindecim a-
quæ, fiatque decoctio in vase fictili, rede-
atque ad libras septem, sitque semilibra in
vtraque portione vsque ad statum, deinceps
vnciæ octo. Aqua secunda in potu
ex libris viginti redeat in eodem vase
ad duodecim. Mulier vero fluxum pa-
tiens propter frigiditatem iecoris aut al-
terius membri, cibetur tota curatione di-
æta regulari, nisi vires defecerint. In sy-
rupo sit libra ligni, libræ sedecim aquæ,
fiatque communis infusio per horas duo-
decim, tum feruens in fictili vase ad sex
libras redigatur. Sumaturque libra se-
mis tota curatione mane ac vesperi. A-
qua

qua in potu ex viginti libris in eodem vase redeat ad viginti.

*De sterilitate.

Sterilitas causæ traduntur ab Auicenna sen vigesimaprima. Cognita igitur causa, priusquam ad ligni decoctionem veniatur, purganda est sæpius mulier, noxiaque materia, & causa morbi tollenda, aut quammaxime poterit minuenda. post hæc decem aut quindecim dies vtatur balneis mulier, deinde cibetur duos circiter menses communis cibo, sed qui non officiat. In potu autem hac omnino vtatur ligni decoctione loco vini, ligni sancti semilibra, aquæ sint libræ vigintiquinque. fiat communis infusio, tum seruens in vase fictili ad libras decem & septem redigatur. Ad hunc modum disposito mulieris corpore, legitima fiat curatio per syrupum, quæ descripta est superius in fluxu ex matrice, si læsio matricis causa sit vt mulier non concipiat. At si caliditas iecoris est præcipue in causa, curatio adhibeatur iuuenis cholericæ.

ci iecoris apostemate laborantis.

★ De cancro in matrice.

Matricis cancer ab adusta melancholia
ortū habet, vt docet Auic. tertia quar-
ti, qui omnē describit eius morbi rationem.
Is morbus egre curatur recens, cōfirmatus
autē vix retineri potest, ne augeatur. Qua-
propter cum cætera non profuerint reme-
dia, cōfugiendum est ad ligni sancti medi-
cinam. Cholera igitur adusta existente in
causa morbi, cibetur mulier diēta resumpti-
ua tota curatione. Concoquanturque car-
nes cum frigidis herbis, vt cibus refrigere-
tur. Syrupus tota curatione fiat ex semili-
bra ligni, aquæ libris duodecim. fiat infu-
sio per diem & noctem, tum ferueat in fi-
ctili vase, redeatque ad libras quinque. Sit-
que libra semis in vtraque portione. Aqua
in potu ex quindecim libris, redeat ad de-
cem in vitreo vase. In phlegmatica ve-
ro mulieris complexione secundum na-
turam, intensior sit decoctio syrupi, vt ad
tres tantum libras redigatur. Phlegma-
te vero vel melancholia adusta existente
in

in causa vtatur mulier diæta regulari tota curatione, nisi nimia imbecillitas obster. Syrupus in fictili vase fiat ex libra vna ligni, duodecim aquæ. fiat infusio per horas duodecim, redeatq; decoctio ad quatuor libras. Sumaturque libra semis tota curatione, mane ac vesperi. Aqua in potu ex libris viginti redeat ad decem. Eadem vero decoctio prima syrupi, in matricem sæpius iniicienda est actu calida, vt extergatur cæcer, dematurque aliquid de causa cõiuncta. Atque hæc extrinsecus appositio decoctionis mirifice prodest. Eadem vero curatio seruanda est in cancro mammillæ, vel in quocunque mēbro cæcer fuerit tã mulieris quã viri. Ipsa autem curatio non semel adhibenda est in morbo hoc tenacissimo & teterissimo, sed sæpius est, si opus fuerit, repetenda.

*De vlceribus ceteris matricis.

Reliqua matricis vlcera curatione sanentur vlcerũ renum, & vesicæ. Si autem vomicas habeant, sintque, vt aiunt, fistulosa, curatio adhibeatur cæcri i matrice. Qualia ego curauĩ
Neapo-

legendū ē,
ut primum
genus sit
Enterocoe-
le, quę lati-
nis ramex
seu hernia
intestinatorū
dicitur.

.. Aepiplo-
cele legen-
dum ē, quę
hernia zir-
balis dici-
tur, Arabi-
co noīe.
Nā omētū
quod greci
epiploon
vocāt, ara-
bice zirbus
dicitur.
Circocoele
āt hernia ē
varicosa,
cui⁹ paulo
post meīt.

Neapoli ī Polyxena vxore nobilis militis
Calderonis quę fistulosa vlcera patieba-
tur, & magnum cancerum in matrice instar
oui gallinacei, ob nimium fluxum, ac pro-
pter præcedentem abortum.

*De hernia.

PLura sunt herniæ genera descripta ab
Auicēna, fen vigesima secunda tertij tra-
ctatus. itemq; a Celso libro septimo. Duo
vero genera sunt magis pernitiola. quum
.. omentum descendit in scrotum : quam
herniam appellant intestinalem : alterum
genus est, quod Græco nomine .. cirso-
cœle dicitur, a plerisq; latinorum ramex,
quoniam ramex fit in testibus. alij zirba-
lem dicunt, Arabico nomine. In his tamen
ipsis herniæ generibus pene desperatis,
curatos cognouimus complures ligni san-
cti medicina, senes quoq; atq; decrepitos,
eosque etiam veteri morbo gallico labo-
rantes. Itaque his duobus generibus her-
nia hoc pacto curetur in ægro naturę cali-
dioris. Cibetur tota curatione dict. regula-
ri. Sit in syrupo libra vna ligni sancti, sede-
cim

cim aquæ. fiat communis infusio, tum feruens in fictili vase ad sex libras redigatur, sumaturque mane ac vesperti semilibra tota curatione. Aqua in potu ex viginti libris redeat ad duodecim. in ægro frigidioris complexionis eadem fiat curatio, præterquam quod syrapi decoctio ad quatuor tantum deueniat libras. In reliquis herniæ generib⁹, carnosæ, aquosæ, varicæ, eadem curatio fiat, quæ superius in cancro descripta est. Ac propterea extrinsecus apponendum est emplastrum ex ligno sancto, quod magnopere prodest, duobusque id modis instituiamus. Vnum emplastrum tale fiat. libra vna pulueris ligni sancti tenuissime cribrati, ponatur in aqua fontana, quæ ferueat in vase fictili duas horas, deinde addatur corticum radicum althææ, acori, brioniæ, cucumeris asinini, singulorum semilibra. rursusque ferueat decoctio, quæ perfecta, dum remouetur ab igne, addantur vnciæ tres hermodactylorum pulueris tenuissimi, conficiaturque ex arte emplastrum in mortario, nihil que ex aqua abiciatur. Alterum emplastrum. Adde superiori descriptioni, amoniaci, bdellii, sagapini,

Ii fin-

singulorum vnciam vnā cum dimidia, mucilaginis althææ, fœnigræci, seminum lini singulorum vnciæ tres. fiatque ex arte emplastrum ad formā cataplasmati. Prius autem in curatiōe apponatur emplastrum iuxta priorem descriptionem. deinde hoc alterum vehementius, in carnosā praci-
pue hernia.

*De elephantia & varicibus.

Difficilis est curationis vterq3 morbus elephantia, seu lepræ, & varicum, longoque tempore parum proficitur, auctore Auanzoar. Itaque ligni sancti opus est medicina, quæ aut absolute auferat morbum, aut præseruet. Curatio autem fiat eadem quæ fit in cancro matricis.

*De doloribus iuncturarum.

*De podagra, ischyadica & similibus.

EAdem fere ratio curationis est in podagra, ischyadica, reliquisque morbis grauibz iuncturarum. Horum nos curationem ligno sancto instituimus, non modo ratione ip-
sa

sa suadente, sed quod frequenti cognouimus, experimēto fœliciter succedere ligni sancti curationem. Hoc autem loco superuacuum putauimus, genera & causas & materias podagræ, ischyadicæ, arthriticæque describere, quæ diligentissime a Galeno principe tractata & præcepta sunt. Item ab Auic. sen 22. & ab aliis illustribus authoribus artis medicinæ. Neque vero mutari quicquam præcipimus his morbis curandis de ipsorum authorum præceptione, sed seruanda potius diligentissime illorum præcepta. Itaque ante legitimā ligni sancti curationē, materia morbi & causa minuenda est, iuxta morbi & egroti qualitatem. Atque purgato egro, & recte disposito, auulsa, quantum fieri potuit morbi causa, & noxio humore, legitima curatio ineatur ad hunc modum.

Cholericus iuuenis vel sanguineus utatur dicta regulari vsque ad mediam curationem, deinceps resumptiua. Syrupus initio fiat ex ligni semilibra, aquæ libris decem, redeatque decoctio feruens in fictili vase ad libras quatuor.

Sumaturque semilibra vtraque portione.

I ii

Aqua

Aqua in potu ex libris quindecim redeat ad nouem, feruens in eodem vase. In incremento syrupus fiat ex vna libra ligni, quindecim aquæ. redeatque decoctio ad libras quinque. Aqua in potu ex libris viginti redeat ad decem. Reliqua curatione pro syrupo sit libra vna ligni & semis, aquæ libræ sedecim, factaque infusione communi redeat decoctio ad quatuor libras. Aqua secunda ex libris vigintiquinque ad decem redigatur. Phlegmaticus vero iuuenis vel melancholicus, resumptiua dicta cibetur tota curatione. Syrupus fiat vsque ad statũ ex libra vna ligni, sedecim aquæ, fiatque communis infusio, deinde feruens in vase fictili redeat ad sex libras. Atque in vtraque portione sumatur semilibra. Aqua in potu ex libris decem & octo redeat ad duodecim. Reliqua curatione in syrupo sit libra & semis ligni, quindecim aquæ, infusioque feruens in eodẽ vase ad libras redeat quinque. sintque in vtraque portioẽ vnciæ octo. Aqua in potu ex libris vigintiquinque ad quatuordecim redigatur. Circa finem vero curationis, si adfuerit in doloribus humor noxijs, vt causa coniuncta, emplastrũ apponendum

apponendum est ligni sancti affecto membro, quemadmodum est in hernia demonstratū, prius, & posterius. Prius autem emplastrum sit sine hermodactylis. Initio autem curationis, non sunt adhibenda emplastra, quoniam magis attraherent, augerētque morbi causam cōiunctam. Atque hoc ritu curata est a me Illustrissima domina Dorothea Gonsaga Bitoni Marchiona ab Ischyadica, cum nulla ei ante remedia alia profuissent. Peracta vero curatione legitima dierum quadraginta, eger vescatur solido cibo, sed qui nihil illi possit officere: loco autem vini, duos aut tres menses bibat ligni sancti decoctionē, quę talis fiat. Sint vnciæ ligni quatuor in calida complexionē, sex in frigida, librę aque. 25. fiat decoctio in fictili vase, atque ad. 10. & septem libras redigatur. Quod si tam pertinax morbus non auferetur vnica ligni sancti curatione, bis, ter, ac sæpius est curatio eadem repetenda.

*De frigidis apostematibus.

*De strumulis seu scrophulis puerorum.

I iij

In



N frigidius apostematibus
ut cetera omittamus, in
causa ponimus duram pi-
tuitam & crassam, tan-
quam morbi radicem, quā
quam ex humore orian-
tur melancholico, ut Auic. tradit tertia
quarti de nodis, & secunda primi, ubi tria
distinguit genera, duricies, glandulas, &
cancrum. Necessaria autem est euacuatio,
& diata. vomitusque præcipue confert.
In purgatione vero, necesse est crassum
phlegma educi, ut tertia quarti docet Aui-
cen. Aegro igitur bene affecto & purgato,
curatio ineatur ligni sancti ad hunc modū.
Cibetur puer solito cibo, sed eo quā aptis-
sime & optimo, parciusque quam pro con-
suetudine. In potu autem sumat ligni san-
cti decoctionem, nec aliud quicquā bibat
per duos mēses, quæ fiat huiusmodi, In pue-
ro cholericō vel sanguineo, sint ramento-
rū ligni vnciæ tres, aquæ libræ viginti quin-
que, redeatque decoctio ad sedecim libras
feruens in fissili vase. In phlegmatico pue-
ro vel melancholico, sit ligni semilibra, a-
quæ libræ triginta, redeatque decoctio ad
viginti

viginti. Atque hoc pacto a me curatus est Neapoli puer septennis Lucius Piscicellus. Si autem in ætate prouectiore permãserint scrophulæ, aut recenter contingant, huiusmodi fiat curatio. Cholericus iuuenis vel sanguineus vtatur diætâ regulari tota curatione. Syrupus fiat vsque ad statum curationis ex ligni semilibra, aquæ libris duodecim, redeatque decoctio ad libras quinque, feruēs in fictili vase. Semilibraque sumatur vtraque portione. Aqua in potu ex libris quindecim redeat ad .9. A statu & deinceps decoctio syrupi redeat ad libras quatuor: phlegmaticus vel melâcholicus iuuenis diætâ regulari cibandus est vsque ad statum, deinceps resumptiua. Syrupus tota curatione fiat ex libra vna ligni, duodecim aquæ, fiatque communis infusio: tum feruens in vase fictili ad libras quinque redigatur, sumaturque semilibra vtraque portione. Si autem scrophulæ sint cancrôsæ, atque multiplices, & collectæ in modum racemi, ægerque ex toto sit melancholicæ complexionis, adhibenda cura est canceri in matrice. Præter ligni sancti curationem apponenda hoc loco videtur nostra vinctio,

I iiii

quanti

quam salutarem sæpius experti sumus in
scrophulis curandis . Ea vnctio fit ad hunc
modum: Sumatur axungia gallinæ, anatis,
anseris, vrsi, taxionis marmontani, asini, &
muli, singulorum vncia vna, olei sisamini,
amygdalarum dulcium, liliorum alborum
ex singulis vncia vna, radicum althææ, aco-
ri, brionie, scænigræci, seminis lini, singulo-
rum vncia vna, argenti viui vnciæ tres de-
stillati, vt inferius dicemus de morbo gal-
lico, & extincti in mortario lapideo, gutta-
tim imposita vrsi axungia, tundente ligneo
pilo atque agitate assidue, donec vestigium
non appareat ipsius argenti viui. Deinde re-
liqua, quæ diximus simplicia, ponantur in
mortario, vnaque omnia pistillo agi-
tata optime commisceantur, re-
deantque in formā vnctionis,
qua eger tertio quoque die
aut quarto vngatur
ad ignem ante
cœnam.

..

De

DE MORBO
GALLICO

LIBER TERTIVS.



E morbo quem gallicū ap-
pellāt, neminē ex antiquis
scriptorib⁹ aliquid in spe-
cie atoma scripsisse cōpe-
rio. In genere vero nōnul-
los ex veteribus recētiore
autumāt aliquid tetigisse cōiectura quadā,
non quod res ita se habeat. Népe Celsus de
elephantia, Suetonius de vita Cesarū, Hip-
pocrates tertia particula Aphorismorum,
atque Gal, Ioannes Alexandrinus cōmen-
tator. 2. Epidemiarum, & libro primo Epi-
demiarū, de Festo qui se interfecit, & Gal.
de cholera nigra, nescio quid de hoc mor-
bo referre videntur. Sed crucient se iunio-
res vsque dum libet in interpretāda nomi-
nis significatiōe ac verbi vim quatenus pro
eis facit, interpretētur: nemo tamen specia-
le capitulum de huius morbi genere adi-
tum demonstrabit. Quamobrem quoniam
optimus

optimus terminus est, quem substantialem vocant, ut ait sapiens in primo tech.

De morbo gallico dicturi, aliis definitionibus reiectis, ipsum quid inquiramus cum Aristo. præcepto. 2. Posteriorum.

Morbus Gallicus mala est epidemialis dispositio totius corporis & humorum eius, unde symptomata mala sequuntur, quorum quodlibet per se natum est morbi genus existere: si autem & quid, & propter quid definias: Morbus gallicus est multiplex morbi genus, quum mala qualitas contagione per coitus, vel aliqua siderum causa inficit pudibunda, quibus infectis viciantur venæ capillares, deinceps magnæ venæ, atque arteriæ, necnon & hepar ipsum, & reliqua principalia membra. Quibus ita male affectis demum ceteræ totius corporis partes a tali morbo lesionem suscipiunt, vel quovis alio modo contagionis, ut patet exemplo, in definitione febris pestilentialis (liceat enim nobis aliorum sententias exempli gratia admittere) quæ febris contagiosa est ex putrefactina ebullitione in altero quatuor humorum cordi propinquorum

quorum principaliter & secundum plurimum contingens. Cuius causa immediata seu coniuncta est vapor putridis attractus ab aere corrupto & quasi venenato. hac de causa huiusmodi morbi difficulter curantur, Difficile enim est medicamen inuenire, quod tot tamque diuersa humani corporis membra sanare & instaurare posse videatur. Et merito dico diuersa, ob diuersam complexionem, diuersum situm, crassitudinem, tenuitatem, duriciem, mollitiem, & positionem, ac etiam ob innumeras alias differentias. Quis enim in tot diuersitatibus vicem supplere poterit, quin in medio cursu prorsus non deficiat: siue hic morbus contingat ob incursum siderum, seu planetarum, siue ab India, quam dicunt nouam originem ducat, cum in ea regione nemo fere sit, quin aliquando illum morbum passus sit, vt referunt qui illinc peregre rediere, vt hac ratione aliqui morbum Indicum vocent. Quapropter discrasiam hepatis & massæ sanguineæ malam qualitatem & cōtagiosam, siderum influxu contingere putandum est

est. Quæ causæ & si primitivæ & antecedentes sunt, tamen diuersimode componuntur, & operantur pro diuersitate conditionis & complexionis indiuidualis. Nam si maxima totius corporis repletio adest, & sanguinis & cholæræ dominium cum pororum amplitudine, sine dubio pustulis totum corpus inficitur. Et tunc a prædominante denominationem accipiet. At, si melancholicus fuerit æger cum meatuum angustia, & humoris grossi tenacis, & sicci dominio, rara aut nulla apparebit pustula: quæ res melancholiæ dominium arguit, ita de cæteris dicendum est. Quare non vnus humor tantum, vt aliqui retulere, essentialiter peccat in hac dira ægritudine, sed diuersi pro diuersitate complexionis & conditionis indiuidualis. Quare non mirandum est, si nunc raræ, nunc innumeræ pustulæ: nunc vnum symptoma, nunc plurima appareant. Habes ex his causas huius morbi, & varias ipsarum commixtiones, non igitur in aduentu huius morbi vnicum semper motum signorum siue affectuum expectes

vt iuniores sentiunt , interdum enim plu-
 rimis cum pustulis , interdum sine vel cum
 vnica tantum talis morbis initium sumit:
 aliquando in pectine , vel in mento , vel
 in fronte , vel in capite , vel quavis alia
 parte corporis . aliquando cum dolori-
 bus immediate , vel post paucos men-
 ses apparet , aliquando dolores exulci-
 tat , vel longum post tempus ipsos ciet:
 interdum nec pustulæ in principio mor-
 bi , nec dolores apparent , nec aliquod
 aliud signum , sed macies & pallor qui-
 dam totum fere corpus occupat , ob po-
 rorum obstructionem , vel ob aliam cau-
 sam præseruantem , & post multos an-
 nos tuberositates ossuosæ , ac acerrimi
 dolores , aliaque his similia symptoma-
 ta oboriuntur , quæ omnia per sua signa
 demonstratiua dignoscuntur , quum de
 vnoquoque¹ accidente speciale capitulum
 faciemus . Tunc enim quid sit illud acci-
 dens , & quibus cognoscendum sit signis,
 indicabimus , ac eius curam . sed vt sin-
 gulas ægritudines a tali morbo genitas
 ordine curemus , eiusque essentiam simul
 cognoscere valeamus . ponamus Socra-
 tem

tem infici tali morbo, taliaque symptomata pati, videlicet vlcerum virge, pustulas iuncturarum ac capitis dolores aliorumque membrorum apostemata ossuosa, diuersa vlcerum genera, oris scilicet aliorumque membrorum, manuum & pedum serpiginosas fixuras, ac alias passiones a capite ad pedes sibi similes. hunc igitur Socratem si cholerice inuenies vel sanguineae complexionis, ad causae remotiorem prius deuenias, cum precepto Galeni dicentis Vnum commune preceptum habere oportet: efficientem vnamquamque causam abscindere, deinde & eam que facta est discrasiam, fieri enim non potest vt morbus remoueatur, causa ipsius permanente, inquit Auicenna quarta primi. phlegbotemendus igitur est ager in principio morbi. quod si fieri difficile est, propter impediens aliquod digeratur & euacuetur pro morbi exigentia. Et quia communi omnium sententia, & praecipue Galeni primo regiminis acutorum, humores raro simplices corrupti inueniuntur, sed commixti vt plurimum

plurimum. hinc est quod pharmaca adhibenda sunt composita. Quare huiusmodi cholericus humoris adulatione, tale Socrati digestum præbeas, ne vacua (quod dicitur) manu in casu propositio procedere videamur. Recipe syrup. de succo borraginis vnciam vnam, syr. de succo fumiterræ vnciam semis, aquæ fumiterræ vncias tres, digestaque materia, vt decet, tali minuenda est lenitio. Recipe cassiæ nouiter extractæ vnciam vnam, diacatholici Arnardi drachmas. 6. sacchari violati vel mannæ vncias duas, aquæ fumiterræ, decoctionis myrobalanorum & tamarindorum, vel quo malueris, quantum sufficit. fiat potio vel bolus cum saccharo, qua diminuta materia denuo digeratur & euacuetur. Nam vt Hippocrates asserit secunda Aphorismorum, ægritudines quæ ex repletionibus fiunt, euacuatio sanat, cuius syrupus sit, Recipe syrup. de succo cichoreæ vnciam vnam, syrupi lupulorum vnciam semis, aquæ cichoreæ vncias. 3. misce & euacuetur cum syrupo composito Augustini Sueffani dicto, posito a Guido-

ne de Cauliaco cap. de lepra, cuius forma talis est. R. myrobalanorum omnium, singulorum vncias tres, rheumpon-
tici, foliorum sene, epithimi, singulorum vnciam vnā, polypodij quercini recentis libram vnā, foliorum fumiter-
ræ, & lupulorum recentium, singulorum libram vnā, & semis, iue arthriticæ recentis vnciam vnā, & semis, glycyrrhi-
zæ mundæ drachmas quatuor, florum borraginis, florum buglossæ, & violarum, singulorum vnciam semis, omnium fiat decoctio & colatura vsque ad libras duas, in qua misceatur succi fumiterre & lupulorum recentium, singulorum libra vna, sacchari optimi quantum sufficit. fiat syrupus secundum artem & aromatizetur, & cum musci & ambre paucis, ligatorum in panno lineo raro suspensorum in dicto syrupo, cuius dosis est vnciarum quatuor vsque ad quinque cum aqua lupulorum. aliqui addunt vnciam vnā vel duas confectionis amech, vel electuarii de succo rosarum pro humoris & morbi exigentia. Vel cum syrupo nostro expertissimo. Recipe
succo

succi borraginis , succi rosarum rubea-
rum , singulorum libram vnam , myroba-
lanorum citrinorum , chedulorum , & in-
dorum , & in dictis succis infusorum per
diem , singulorum vncias duas cum dimi-
dia . Exinde leniter bulliant & colentur.
Deinde accipe polypodii quercini recen-
tis libram vnam , radicis acon vnciam
vnam , seminis foeniculi dragmas duas,
secundum artem fiat decoctio in aqua
fontis , de cuius colatura & præfata infu-
sione cum sufficientia sacchari tabarzet
fiat syrupus.

*De Socratis curatione vir-
gæ vlcera patientis.

FActa diminutione causæ antecedentis.
ad causam ipsam coniunctam deuenias,
& primum ad vlcera priapi , quæ cum
fuerint in principio & siccam membri læ-
si complexionem intueri volueris , vt
præcipit Auicen. quarta quarti , hac me-
dicina vtaris ex descriptione nostra . Re-
cipe tutiæ præparate cum vino albo , vi-
ridis gris bene combusti , singulorum
℞i drag-

dragmas duas , aque plantaginis vncias duas , ferueant vna vnico feruore, & ea vtaris aqua cum fuerit intentio mundandi pariter & consolidandi : nam si consolandi intentio fuerit tantum , tunc thutiæ drachmarum duarum sit dosis, & viridis æris drachma semis . nec aliud in huius morbi cura medicamen adhibere tentes . Est enim bezoarticum medicamen omnium vlcerum quæ in virga fiunt . Et ego tibi propono medicamina magis approbata in arte & mea praxi . Quod si mundandi tantum intentio sit , supra dicta aqua sic fiat . Recipe viridis æris bene combusti drachmas 3. thutiæ præparate cum vino albo drachmam vnam , vini albi aromatici vnciam semis , aque plantaginis vnciam vnam & semis , ferueant simul vnico feruore . Et in administratione aque vas seu aquam ipsam agites , pro maximo secreto . Si autem vlcera ad corrosionem , ac latentem fraudem tendere videbuntur , cum Aegyptiaco mudentur totius communis . Quod si in mundando huiusmodi vlcera inobedientia fuerint , hanc

in mea praxi vſitatem mixtionem confi-
cias. Recipe ſublimati grana quinque, vn-
guenti albi camphorati drachmas tres,
opij grana duo, miſce, ac ita bene confe-
cto tantumdem Aegyptiaci prædicti ad-
datur: & eo in vlcere ſordido, corroſi-
uo, ac fraudulentò vtariſ, nam mirum in
modum operabitur. Deinde facta vlce-
ris mundatione, ad aquam prædictam
mundantem, & pro tuæ intentionis cu-
ratiuæ exigentiâ, redeas. Quod ſi fre-
quens prædictæ aquæ adminiſtratio eſt in
cauſa, vt membra male affecta, & vlcera
nullam denique ſuſcipiant leuationem,
tunc pulvis ex deſcriptione noſtra nobi-
lis, & in noſtra longa praxi expertiſſimus,
inſpergatur. Recipe thutia præparatæ
cum aqua plantaginis, antimoni, plum-
bi vſti, lithargyrii aurei, ceruæ, ſingulo-
rum drachmas quatuor, in poluerem quã-
minutiſſime redigantur, & decies in aqua
roſarum præparentur, ac in vmbra exic-
centur. deinde adde ſanguinis draconis
electi, aloes hepaticæ ſingulorum drach-
mas. 2. & ſemis, cariei ligni drach. 3. confi-
ciantur ſimul minutiſſime in formam al-
cohol

k ii

cohol

cohol & eo vtaris puluere recentibus &
 antiquis vlceribus consolidandis , ac ad
 quancunque virgæ excoriationem , mi-
 rabiles enim effectus videbis . nec igno-
 ramus quidem quin puluis minus efficax
 fit, quam illud quod ex eis est cum oleis
 & ceratis, nam necessitas producens ad
 olea, hinc est quod materię siccæ & pro-
 priæ quæ sunt, vt merdasengi, non sub-
 mergantur vsque ad profundum, neque
 penetrant in poros, vt inquit Auicen-
 na vbi supra . quod si volueris aliquod
 experiri in cicatrizando vlcera priapi, et-
 si in tali membro neruoso vinctuosa ab-
 horream, tamen ob prædictam Auicen-
 rationem vnguentum hoc expertus sum,
 & in magnatibus quotidie vtor in hyc-
 me . Recipe olei antiqui centum anno-
 rum vel circa libram vnā, cerusæ cri-
 bellatæ vncias tres cum dimidia, ceræ
 citrinæ .q. s. ferueant lento igne semper
 agitando, donec ad fuscēdinem & colo-
 rem corticis castaneæ maturę deueniat:
 ac eo vnguento vtaris, cum non solum
 vlcera virgæ, sed etiam quorumcunque
 membrorum consolidare volueris . Est
 enim

enim principum medicamen . & animaduertas quod velamine & proprie clausura ipsius mentulæ tumefacta existente , si eius inuersatio acquiri non potest , ac sui ineptitudo ad alia medicamina te deuenire cogit , lotionem hanc intrinsecus mundificantem adhibeas . Recipe hordei pugillum vnum , plantaginis manipulum vnum , absynthij manipulum semis , balaustrarum contusarum numero tres , ferueant in aqua pluuiali & vino albo , & colaturæ adde viridis æris bene combusti drachmas tres , rhodomellis vncias tres , misce & fiat lotio , & cum oriculario sæpius lauetur actu calido .

Et si extra mala complexio ac duricies aliqua phlegmonodes affuerint , hac lotionem membrum foueatur . Recipe folia maluarum cum radicibus suis , plantaginis , violarum , singulorum manipulos tres . ferueant in aqua fontana , & actu calida membrum epithimetur , deinde cum eisdem herbis calidis cataplasmetur . facta autem resolutione & mundificatione causæ coniunctæ , tali lotionem ipsius vlcera consolidabis in declinatione .

k iii

ne.

ne. Recipe nucum cupressi, balauftiarum, singulorum numero sex, rosarum, myrtorum, singulorum pugillum vnum. ferueant in vino rubeo & aqua plantaginis, partibus æquales. In quorum colatura & sufficientia libræ vnius dissolue thutię præparatę cum vino albo vnciam semis, viridis æris bene combusti drachmam vnā cum dimidia, misce, & cum oriculario administretur. & peciæ cum prædicto vnguento fusco ponantur intus, more experti chirurgi. Quod si durities aliqua gummosa adierit in mentula, fueritque inepta, resolutioni, tale apponas emplastrum. Recipe emplastri diachilon minoris vncias, 3. axungię vrsi drachmas tres, mucilaginis althææ, fœnigræci, & seminis lini, singulorum vnciam semis, conficiantur lento igne ad formam emplastri, secundum artem, & si durities non resoluitur, fiat hoc aliud. Recipe emplastri diachilon maioris cum gummi, & minoris, singulorum vncias tres, axungię vrsi, mucilaginis, fœnigræci, & seminis lini, & radicem althææ, singulorum vnciam, conficiantur simul lento igne ad formam emplastri secundum artem

artem. Quod si mentule inuersatio demum acquiri non potest, tunc ad incisionem secundum longitudinem virgæ devenias, incisioque in sinistro latere fiat ob venarum carentiam: & vlcus cures more aliorum vlcerum, digerendo scilicet, mundificando, & cōsolidando, pro morbi exigentia. Ne obliuiscaris tamen digestionis materiei & eius eradicationis: reminiscaris etiam regimen in sex rebus non naturalibus, quod gratia breuitatis omitto, quum de eo abunde alij dixerint.

*De curatione Socratis morbi gallici pustulas patientis.

Ostquam vniuersalia non oblitus es, vt valeas particularia operari, pustulis frequenter corpus inficitur, quę diuersę pro diuersitate humoris peccantis existunt. Nam quę cholerice sunt citrine ac magis extrinsece apparent: & quanto calidior & adustior cholera fuerit, tanto nigrior, & magis fusca ac crustosa eorum superficies apparebit.

k iiii

rebit.

rebit. Sin autem sanguineæ sunt, quodammodo sanioſe, & in toto eorum circuitu vel in aliqua parte tantum rubicundæ videtur, ac ſi phlegmaticæ ſint, haurachinæ, ſubalbidæ, & profundæ, membrumque quadam cum tenacitate amplectuntur. Si melancholicæ, cum duritiæ quadam & tenſione in membro fixa profundantur, & liuiditate quadam aſſociantur carnoſa & calloſa, qua arrabilis dignoſcitur manifeſte, qua mediante puſtulæ tardæ difficilisque curationis efficiuntur. hac de cauſas inter iſtas puſtulas quidam ſunt gradus: nam melancholicæ difficilius quam phlegmaticæ ſanantur: & phlegmaticæ difficilius quam cholericæ, & ſic de alijs dicendum eſt, etiamſi ex pluribus humoribus compoſitæ videantur. Et quia huiusmodi puſtulæ interdum facile, interdum difficulter curantur, ac etiam frequenter recidiuam petunt, quum in facie apparent. tunc ne ſœdis cicatricibus facies deturpetur, ſingulas puſtulas ſingulis remedijs exiccare tutiſſime poteris, tum quia vniuerſalia præceſſere, tum ob prædictas rationes bis in die illas

illas madefacito cum aqua nostræ descri-
ptionis. Recipe sumach, fructus tamari-
sci, thuris, mastices, singulorum drach-
mam vnam, tartari vini rubei drachmas
duas cum dimidia, cerusæ drachmas duas,
sublimati puluerizati grana tria, vel loco
ipsius sublimati ponatur aluminis drach-
ma semis, atque plantaginis, & rosarum,
singulorum vnciam vnam cum dimi-
dia, succi limonum maiorum vnciam
vnam, bulliant simul lento igne in va-
se vitreo ad vnius quartæ partis con-
sumptionem, & clarificetur, & coletur,
& ea vtaris aqua audacter, vniuersas enim
pustulas in quocumque membro existen-
tes exiccabit, & curabit. Si vero hæc a-
qua non sufficiat pustulis curandis, citius-
que te expedire volueris, ob ægrotantis
morositatem, condimentum ex nostra de-
scriptione adhibeas. Recipe albumen vni-
us oui recentis, agiterur deinde, adde sub-
limati in puluerem redacti grana tria, agi-
tentur iterum simul donec vnguenti for-
mam susceperint, tum pustulas illinito bi-
duo vel ad summum triduo & curabuntur
& cum in declinatione fuerint, hoc oleo
inun-

inungantur, tum pustulę, tum partes circunstantes. nam maculas fœdas in membro fieri prohibebit. Etsi quę sunt in cute destruet, ita vt nullum earum in cute vestigium remaneat. Recipe tartari combusti, & in puluerem redacti, libras duas: ponatur in panno lineo, suspendaturque in loco humido subterraneo. suppositoque vase in quod decidant gutte destillantes ex ipso panno lineo, & oleum in vase vitreo seruato, bisque in die maculas ac vestigia a pustulis derelicta illinias: necnon & ipsas pustulas, quę quoties recidiuantur, toties eisdem remedijs curentur. Quod si vtilius videbitur vt pustulę extra cutem pellentur, humoresque ad cutem ipsam attrahere cupis, vescatur eger assidue herba stellari satis nota, vel in ferculis, vel ex ea succum bibat, vel crudam manducet cum aceto passulato, vel quouis alio modo, semper aliquibus euacuationibus intermedijs. Quod si copiam varietatemque medicinarum abhorreat, talem præbeas infusionem vsitatam, & a cōmuni medicorum schola approbatam. Recipe quatuor florum cordialium, scēq, florum
rum

rum fumiterre, singulorum pugillum semis, polypodij quercini conquassati drachmam vnam. infundantur in aqua lactis libre vnus, succi cichoreæ, lupulorum & fumiterre puricatorum, singulorum vnciam semis, vel ferueant simul, & dosis sit semilibra in mane semel vel bis in hebdomada.

*De curatione Socratis oris
vlcera patientis.

VLcera oris quæ per sua dignoscas signa, difficillimæ curationis existunt, vt refert Galenus, quia locus calidus est & humidus, putredinique paratus & corrosioni: tum etiam quia loci ineptitudo medicaminum coherentiam prohibet & ob saluæ commixtionem vlcera profundiora fiunt: quæ cum fixam habeant causam, eorumque corrosionem ac deambulationem cum duritie, & liuiditate baurachina, siue melancholica, conspicias, his vtaris vniuersalibus pilulis, scilicet fumiterre, aggregatiuis, fœtidis, & similibus, exempli gratia: Recipe pilularum fumiterræ drachmam vnam, pilularum aggregatiua-

uarum ex inuentione nostra drachmam
semis . formentur pilulæ septem cum
confectione hamech , & deurentur , &
post duas horas assumptionis pilula-
rum accipiatur apozema . Recipe dia-
buglossati , vel mannæ electæ vncias du-
as , aquæ ordeï vel buglossæ quantum
sufficit , dissoluantur , & fiat potio . Quod
si causæ coniunctæ mala complexio ca-
lida cum duritie viget , tunc venæ sub
lingua incidendæ sunt . Mala autem com-
plexio calida duritiesque illa remitten-
da & resoluenda tali gargarismo . Re-
cipe quatuor florum cordialium , hordei
singulorum pugillum vnum , sebestem,
iutubarum , singulorum numero decem,
passularum enucleatarum vnciam vnam.
ferueant in aqua pluuiali , & aqua plan-
taginis partes æquales , in quarum co-
latura & sufficientia libræ vnus cum
dimidia , dissolue pulpæ cassiæ noui-
ter extractæ per setam drachmas duas
cum dimidia , rhodomellis saccharini , dia-
moron singulorum vncias duas , misce,
& fiat gargarismus . Facta digestionē
causæ coniunctæ , ac remota mala com-
plexione

plexione aliqua ex parte, ad fortiora mundificantia deuenias. Recipe fructus tamaricis cupulorum gladium, rosarum incompletarum cum suis ramis, myrtorum. singulorum drachmas quatuor, hordei pugillum vnum, teneritatum rubi, & oliuarum, singulorum manipulum vnum cum dimidio, feruefiant in aqua pluuiali & vino albo aromatico, in quorum colatura & sufficientia librarum 2. dissolue aceti scyllitici vnciam vnam, oximellis scyllitici vnciam vnam cum dimidia, rhodomellis vncias duas, misce, & fiat gargarismus, quæ si in mundificando minime sufficiunt, inuolue cotum in cuspidē instrumenti argentei vel lignei, & dictum cotum ita inuolutum madefac in aqua nostra dicta in Capitulo de Socrate patiente pustulas morbi gallici, bis vel ter in die oris vlcera tangendo. Tali nanque aquæ administratione tute ac celeriter vlcera mundificabis. In declinatione autem vlcera oris talem adhibeas gargarismum exiccantem ac consolidantem, & membrum suscipiens confortantem. Re-

cipit

*Rx aluminis / ʒij
sali / ʒi
aqua pluuiali*

cipe sumach vnciam vnā cum dimidia,
nucum cupressi viridium, balaustiarum
Arabicarum conquassatarum, singulorum
numero quinque, aluminis drachmam se-
mis, rosarum, myrthorum, singulorum pu-
gillum vnum, bulliant in vino rubeo aro-
matico & aqua pluuiali vel aqua planta-
ginis, partes equales, in quorum colatura
& sufficientia librarum duarum dissol-
ue diacarydion. Syrupi myrthorum, sin-
gulorum vncias duas cum dimidia, mi-
sce & fiat gargarismus. Si vero puluerem
aliquem in vlcus cum cannulo iungere ve-
lis, hunc per me probatum puluerem mun-
dificātem adhibeas. Recipe a luminis sac-
charini drachmam vnā, sanguinis dra-
conis drachmas duas balaustiarum drach-
mas quatuor. in puluerem minutissime re-
digantur, & misce.

*De casu pilorum.

¶ Vniam ab hoc morbo alienum
non est, sepe pilorum casus in-
ducere, corporaque humana mo-
lestissime deturpare, cōsentaneum pro cō-
muni

muni omnium salute fore censui, mem-
 bris ab huiusmodi morbo male affectis,
 ab eorumque pilis denudatis aliqua prę-
 sentanea medicamenta adhibere, hanc vi-
 delicet infra scriptam decoctionem. Re-
 cipe sęnę manipulum vnum, radicis lapa-
 rij acuti vnciam vnā, floram rorisma-
 rini manipulum vnum cum dimidio. om-
 nium simul fiat decoctio. Aqua etiam
 decoctionis fęnigreci calida actu adhi-
 bita & embrochata, necnon & lixiuium
 cum eodem fęnogręco decoctum miri-
 fice conferunt. Pinguedo item serpentis,
 vel talpę, leprosos illos succos lenit & cu-
 rat, capillorumque casum prohibet, &
 delapsorum ortum accelerat. vel vinum
 nigrum cum aloe decoctum idem ope-
 ratur. Medicamen insuper capillorum ca-
 sam prohibens euulsosque regenerans.
 Recipe ladani, succi myrtillorum sin-
 gulorum vnciam vnā, papaueris ni-
 gri, spice nardi, capillorum veneris, sin-
 gulorum manipulum vnum, cyperi, cor-
 ticis Pini, seminis apii, singulorum se-
 miunciam, olei sisamini, olei myrtini, sin-
 gulorum libram vnā, terantur & ferueant
 in

in duplici vase & colentur & colatura v-
 7 sui reseruetur. Aliud idem obtinens. recipe
 absynthii viridis manipulum vnum, cor-
 ticum auellandarum vstarum uncias duas,
 cum oleo myrtino ferueant & colentur, lo-
 cusque a pilis denudatus actu calido inun-
 gatur. Neque pretermittatur regimen diete-
 ticum & pharimenticum aut phlegboto-
 mia pro noxii humoris exigentia. Syrupus-
 que noster de polipodio praedictus minis-
 ce confert frequenter sumptus.

✱ De fissuris serpiginosis ma-
 nuum & pedum.

Serpiginosae manuum ac pedum fissurae,
 quae a baurachina pituita vel adusta cho-
 lera frequenter ortum habent, ob fortem
 hepatis, aliorumque membrorum virtutem expul-
 siuam, hepatis ipsius mala complexione prius
 alterata, ac pro noxii humoris exigentia,
 digestionem euacuationemque adhibita, cum
 nostro praecipue syrupo de polypodio
 dicto in capitulo primo, necnon op-
 timo regimine dietetico, fissuras & cal-
 losas squamas tali decoctione bis in die
 madefacies. Recip. radicem althae pra-
 para-

paratarum, maluarum cum radicibus suis, foliorum violarum, singulorum manipulum vnum, cum capite arietis & leui arietini semilibra: ferueant secundum artem: & colatura vtaris modo prædicto. Post vero dictam balneationem, cum panno valde aspero tandiu fissuræ fricentur, donec sanguis excaturiat. hoc autem peracto, singulas fissuras cum aqua dicta in capitulo de Socrate patiente pustulas, maderfacito, eundem scilicet modum applicationis aquæ obseruando: sic enim digestionem ac mundificationem per mensem perficies. In declinatione autem, tali lauacro fissuras ipsas lauabis. Recipe stipitum caulium veterum manipulos duos, auripigmenti subtiliter cribati vncias duas, pinguedinis equi semilibram: ferueant in aqua fontis secundum artem. Post autem egressionem a balneo, tali pustulæ linimento inungantur. Recipe olei sesamini semilibram, vel olei amygdalarum dulcium, polypodij quercini recentis & conquassati vncias duas cum dimidia: ferueant secundum artem, & colentur. Deinde recipe lithargyrii au-

L i rei,

rei, antimonii, plumbi vsti, cerusæ, thutia
 præparatæ cum vino albo, singulorum se-
 miunciam, succi radice lapatii acuti, suc-
 ci chelidoniæ, singulorum vnciam vnā
 cum prædicto oleo in mortario plumbeo
 ad formam vnguenti redigantur. Quod
 si dicto vnguento sublimati grana quin-
 que vel sex addantur, tutissime curabit,
 fissurasque penitus delebit. Et quoniam
 huiusmodi fissuræ paratam habent reci-
 diuam quoties recidiuantur, toties cura
 hæc & vniuersalis & particularis reitere-
 tur, donec ad optimam valetudinem ægro-
 tus reducatur.

* De curatione Socra-
 tis prædicta symptoma-
 ta recentis morbi Gal-
 lici patientis, quæ cura-
 tionem non suscipiunt
 a prædictis medicinis.

Vum vero vlcera oris, & mentu-
 læ seu pustulæ, a præfatis medi-
 cinis alleviationem non suscipi-
 unt, cum morbus recēs existat, imo in de-
 terius

terius indies labuntur, & capitis aliorum-
que membrorum dolor aduenerit, tunc
ad curam ligni sancti confugas. Chole-
ricus iuuenis vel sanguineus, cibetur ini-
tio curationis diæta regulari. a statu au-
tem vsque ad finem diæta sit resumptiua:
ab initio vsque ad augmentum, fiat pro
eo syrupus ex ligni semilibra, aquæ li-
bris decem: ferueat infusio in fictili vase,
donec ad libras quinque redeat deco-
ctio. Aqua secunda in potu ex duodecim
libris ad octo redigatur. Et sola huius
aquæ secundæ potatione curauit puel-
lam ab hoc prauo morbo cruciatam,
ætatis duorum annorum in pristinam
salutem restitutam. Ab incremento ad
finem curationis, fiat sirupus ex li-
bra vna ligni, duodecimque libris a-
quæ, redeatque decoctio ad octo. A-
qua secunda in potu ex quindecim ad
nouem redeat. Ex syrupo sumatur se-
milibra, tam mane quam vesperi, to-
ta curatione. Phlegmaticus vel me-
lancholicus iuuenis regulari diæta ut-
tur tota curatione. Pro eo syrupus fiat vs-
que ad statum ex vna libra ligni, & duode-

L ii

cim

cim aquæ , redeatque decoctio ad libras quinque . Aqua secunda in potu fiat ex libris aquæ quindecim , quæ decoctæ , redeant ad decem . In statu autem vsque ad finem curationis , in syrupo sit vna quoque libra ligni , decoctioque in fictili vase feruens , ad .3. tantum libras redigatur . Aqua item secunda fiat ex libris aquæ quindecim , quæ decoctæ redeant ad decem . Quod si Socrates calidæ vel frigidæ complexionis , in declinatione curæ aliqua hepatis vel alterius membri , supercalefactione male affectus fuerit , tunc ei syrupus & aqua secunda ad frigidum alterentur , scilicet augendo dosim aquæ , & ligni diminuendo . Vt de Socrate calidæ vel frigidæ complexionis dico atate iuuentutis , ita etiam & de senē , nisi quod propter debilem digestiuam & dosim syrupi minuere , & resumptiuam dietam præbere , audacius poteris . Hoc etiam animaduertendum est , quod in curatione prædictorum accidentium , per lignum sanctum , tali mercuriali vnguento vti potes in curandis vlceribus virgæ . hac serie : facta prius curatione & mundificatione

catione vlcera, mentulam ipsam, inguina ac pectus inungito actu calido. nec non & in vlceribus oris, colum vna cum spatulis, septies de tertio in tertium diem. Et cum gingivarum excoriatio ac copiosus salivæ fluxus affuerit & si in tertio die hoc contingat, ab ipsa vntione desistere debes. Prædictique vnguenti forma talis est. Recipe olei chamæmelini, anethini, laurini, liliorum coelestium, & rosati, singulorum vncias duas, terebintinæ venetæ vnciam vnam, axungiae porcinae sine sale clarificatæ libram semis, lythargyrii aurei, cerusæ, subtilissime puluerizatarum, singulorum vncias duas: ferueant simul vnico feruore: & in remouendo ab igne adde cineris vitis, thuris, mastiches, singulorum semi vnciam. Conficiantur omnia simul ad formam vnguenti, deinde accipe argenti viui purificati ex nostra descriptione, & extincti in mortario lapideo cum terebintina vel oleo rosaceo, donec nullum extet vestigium, vncias tres, styracis liquidæ vnciam vnam, hoc autem peracto, ipsum vnguentum in dicto mortario ponatur,

Liii

natur,

∴ Galenus
de hydrar
gyro sic
scribit.

hydrargy
rus non est
ex sponte
nascētibus
medicatis,
sed ex ijs
que prepa
ratur, velut
psimythiū,
erugo pso
ricum, li
thargyros
Nullū autē
eius feci pe
riculū, ne
que quod
interimat
si deuore
tur neque
vbi foris ad
mota sit.

natur, & tandiu agitetur donec omnia be
ne conficiantur, & eo vtaris more artis: vel
cum ceræ quantitate ad formam ceroti re
digatur, eoque vtaris more artis.

*Quæ sit argenti viui com
plexio.

Aturam huius metalli perscrutatu
rus, non paruas apud antiquos re
perio diuersitates. Quidam nan
que authorum antiquissimi, frigidum &
humidum argentum viuum esse asserunt,
alii autem calidum & siccum ∴ Gale
nus nanque, nono de simplici medicina,
nullam de eo refert habere experientiam,
nisi occidentis, si extra apponatur vel bi
batur, sortitum tamen lythargyrium. Aui
cenna præterea secundo canone, capite
proprio, frigidum inquit & humidum esse
in secundo gradu. Albertus tamen Ma
gnus libro tertio meteororum refert, quod
processus ex materia a generatione mixto
rum est, quod vapor commixtus humido
aqueo, quod in se subtile terreum habet, re
soluitur & ingrossatur in ipso, & de substā
tia

tia spirituali fit corpus grossum, & fit quasi aqua, sicut est argentum viuum: in illo enim humidum aqueum est, & quæ sequuntur. Insuper Guilielmus Placentinus, frigidam & humidam cum cæteris argentum viuum esse asseuerat, libro quarto. Hermen Alchimistarum primum de eo scripsisse referunt antiqui, ipsumque frigidum & humidum reponere. Arnaldus de Villa noua in rosario philosophorum, refert argentum viuum compositum esse ex terra alba, sulphurea, cum aqua clara. Platearius similiter capite de argento viuo: in quibusdam tamen libris subdit, reperitur quod frigidum est in quarto gradu. ex effectu quidem eius tale esse probatur, quia est valde actualiter frigidum. Iuber argentum viuum, inquit, manifestum quod mercurius appellatur: antiquorum vsu est aqua viscosa in visceribus terræ, substantiæ subtilis, albæ, tinctæ per calorem temperatissimum, vnita tali vnione per minima, quousque humidum contemperatur a sicco, & siccum item ab humido: ideoque facile superficiem planam fugit, propter sui aquo-

L iiii

sam

sam humiditatem, qui quidem authores
 his fundantur medius. & primo a denomi-
 natione argenti viui. ὁδραργυρος enim
 dicitur Græce ab ὕδωρ, quod est aqua,
 & ἀργύρεον, quod est argentum: quasi
 aqua argenti. secundo per eius substan-
 tiam ponderosam, quæ frigiditati magis
 quam caliditati testatur, tertio. quia in ad-
 ministratione vnguenti ex eo calor na-
 turalis reuocatus ad interiora membro-
 rum ob vnguenti narcoticam vim, fortis
 factus est ad sensibilibiter vel insensibili-
 ter resoluendum, ad maturandum, vel ad
 aliquam materiam congelandum, quæ
 deinde paratam recidiuam habet, vt luce
 clarius patet in actu practico. Præterea
 actualis eius frigiditas ipsum esse frigi-
 dum demonstrat, per quam materiæ de
 circumferentiis ad centrum repelluntur.
 Ergo eius natura narcotica est, vt per e-
 ius effectus indicatur. per paralytim & tre-
 morem. qui quidem calor vnitus ac vigo-
 ratus, si per aliquam regionem non excer-
 neret, mēbrum multitudine materiei, pro-
 culdubio suffocaret. Quod calidū sit me-
 tallū istud, Aristo. 4. meteor. testatur. In-
 coagu-

coagulabilia autem, inquit, quæcunque aut humiditate aquosa carent, aut non aquæ sunt, sed plus calidi & terræ: puta mel & mustum, aut plus aeris, sicut oleum & argentum viuum. Galenus nanque quarto de simplicium medicamentorum facultatibus, ad hæc, inquit, arseni cum ἰσπαρ-
γυσος, & id genus, crassarum sunt partium ac potestate calida. Isaac autem Israelita in secundo suæ practicæ de medicinis in quarto gradu refert, argentum viuum calidissimum est, & humidissimum in quarto gradu. Et item Constantinus de virtutibus simplicium medicinarum, argentū viuum de his quæ in quarto gradu calida sunt, enunciat. Rasis autem vltimo Continentis tractatu primo cum Paulo Aegyneta, refert calidum esse ac corrosiuum. Platearius, calidum, inquit, & humidum est in quarto gradu. cap. de argento viuo. Aliabus, acutum & comburens est argentum viuum, inquit, hac enim ratione moti sunt veteres authores, vt Conciliator differentia 151. quod corridit & mordicat, calidum est argentum viuum est huiusmodi, igitur & cetera. Præterea dissoluit, incidit
&

& penetrat. Hæc autem caliditatem testantur per se primo: iure igitur calidum argentum viuum esse putarunt veteres. Accedit, quod humores subtiliat atque calefacit, illosque mobiles redditos, sua acuitate expellit, nunc per os facile sputum habentibus, nunc per secessum mollem habentibus aluum. Et si difficillimum sit hos conciliare authores, cum doctorum discordantia difficultatem arguat, quod vel ex parte rei, vel ex parte nostri modi cognoscendi (ut philosophus inquit) contingit: est enim hæc difficultas veluti pelagus. verum pro nunc in rem ardua, vna cum Conciliatore dicamus, quod argentum viuum dupliciter potest considerari penes eius substantiam duplicem, differentem: quarum vna quidem aquea est, altera vero terrea sulphureaque. Quantum igitur ad partem terream, sulphuream, calidum dicitur & siccum, qua sublimatione eius humidum resolvitur & sic rite sentiunt qui calidum argentum viuum posuerunt. Quantum autem ad eius substantiam aquosam, quæ sicut eius materia existit, quæ statim calido

lido concitato, ob imperfectam eius cum
terrestri sulphureo mixturem, in fu-
mos euaporat, morbos inducit frigidos.
Hæc pro nunc in tanta controuersia suf-
ficient: nam alias, Deo dante, cona-
bimur dicato opere veritatem magis in-
uestigare.

*Nunquid cinaprum idem sit
quod argentum viuum, vt
quidam existimant.

¶ Voniā aliqui aberrare pos-
sunt, vt quidam parum erudi-
tus manifeste errauit, dicens ci-
naprum argentum viuum non esse, for-
tasse ignorans ex quibus conficiatur sim-
plicibus: idoneum itaque putauī in me-
dium veritatem adducere, & enuclea-
re, atque vt cæteri veritatem agnoscant.
Et quia in libro Seruitoris patet zinzi-
fur, id est, cinaprum ex argenti viui &
sulphuris partibus æqualibus fieri: quod
argentum viuum ex vero sulphure non
vrentē fit, vt Arnaldus de Villa noua in
rosario

rosario philosophorum refert, ibidemque, inquit. Manifestum igitur est, quod argentum viuum in se sulphur suum bonum ac fixum continet, quo coagulatur. Et cum omne simile adaugeat, illud dicendum puto, ob talem sulphuris commixtionem argenti viui, non mutari formam intrinsecam, imo eam fortius acui: quia sulphur, quoquo modo præparetur per artificium, semper comburit & comburitur, omni in opere nigredinem præstat. Quare denigratur argentum viuum per talem sublimationem, non tamen eius forma mutatur. Et quod argenti viui forma non deleatur, nota quæ Arnaldus enunciat: Argentum viuum est solum, quod ignem superat, & ab igne non superatur, sed in eo gaudens, amice quiescit: est nanque fortissimæ compositionis & naturæ vniiformis, quia non separatur in partes, vt nullatenus se diuidi permittat: quia aut cum tota sui substantia in igne permanet, aut cum tota ipsa ab igne recedit, quoniam in sua densitate, ac adustionis carentia, sui diuisionem non patitur, quæ per sulphureitatem,
intelligi

intellige tu combustibilem , quam non habet , perficitur . Et Albertus Magnus 4. meteororum refert, *ιδράσζυρον*, id est, argentum viuum, incoagulabile esse , magis tamen oleum. Siccatur tamen per multam sulphuris adustionem , & mixtionem cum ipso factam , ipsum omnino non audentis, nisi cum corylo aduratur, vt experientia docuit Albertum Magnum.

Quamobrem dicendum puto , quod cum cinaprum constet ex argento viuo & sulphure , sulphur autem asseruet potius, quam vt deleat argentum viuum : erit in cinapro argentum viuum actu , & in propria forma , licet aspectum eius sulphuris infectio occultet . Nullam igitur esse inter illa intrinsecam & formalem distinctionem asseritur . Nec refert si aduersarius adduceret Albertum Magnum quarto meteor. innuentem : Nota autem , quod si ydrargyros ita per calidum exiccetur , postea per calidum non soluetur. Et ideo hac exiccatio potius est corruptio argenti viui , quam coagulatio . Exiccat enim tunc terrestre quod in ipso est , & ad lateris naturam deducit, & ideo

& ideo calunnia de prædicto exemplo adducta, loco non habet, scilicet quod coagulata quando solvuntur, & soluta quando coagulantur, in eadem specie manent, sicut æs coagulatum & liquidum in vna, est specie, ὑδαρρυστος, autem prædicto modo constans, non manet specie vna, neque in eisdem componentibus. Et nota ly, non manet specie vna: illud autem totum, quantum ad Alchymistas dicitur, non quantum ad medicam artem attinet: quia paulo supra in hoc eodem capitulo, si bene ponderas, dictum fuit, in operibus autem alchymicis, & ea quæ sequuntur.

*De malis affectibus & subsidiis
argenti viui.

Voniam argenti viui nocumen-
tum, ut plurimum iuuamento est
maius. Exordium igitur est,
quæ de eius nocumento antiqui sentiunt.
Galenus quidem vbi supra dixit, quod si
exita apponatur vel bibatur, occidit. &
Alicen. vbi supra refert, quod frigidita-
te

te & gravitate sua paralyſim, tremoréque inducit, membraque recta permanent & inflexibilia: auditui obest, oris foetorem parit, viſum obtenebrat, & cum ſublimatum eſt, interficit. quæ ſublimatio pro- cinapro intelligi poteſt in ſuo genere, vt intelligitur de albificatione argenti vi- ui cum calchanto, vt a Seruitore poni- tur, & tandem extinctum ſua gravitate interficit. Ipſum enim quod ſibi obuiat, ſua gravitate corrodit. Vltimum tamen di- ctum animaduertas, quia tam extra quam intus intelligi debet: quod a Dioſcori- de apertius declaratur. Si enim in igne ponatur, deſtruetur, & fumum faciet, qui omnibus animalibus peſſimus eſt. In hominibus autem ſenſus & volunta- rium motum deſtruit: ex quo ſurdi- tas, paralyſis, tremor, vel epilepſia, & per conſequens mors ſequitur: cui fu- mo quicunque proximus fiet, mox ner- uorum & lacertorum, omniumque mem- brorum, quæ per motum voluntarium ſunt compoſita, relaxationem ſentiet. vnde plerique in paralyſim, tremorem, ſurditatem, animaræque actionis cor- rup-

ruptionem incidunt, necnon & pessimum colorem ac putridum os, cerebrique siccitatem habent. Hec Isaac ubi supra. Et nota ly cui fumo quicunque proximus erit, quia de cinapro intelligitur. Quod si quis obiceret: cur a cinapro accidentia inducta saeviora sunt accidentibus ab argento viuo, in spato scilicet & oris ulceratione, atque ventris solutione, si per te subtiliatur, & acuitur argenti viui virtus per sulphuris admixtionem? Ad quod dico, cum Galeno nono de simplici medicina, quod cinaprum in se aliquid stypticitatis habet, per quam materierum excreatio atque exitus prohibentur, qua mediante stypticitate sauius est medicamen. Quod fit, cum duplex sit in argento viuo superfluitas, una quidem in ipsius profunditate inclusa in principio suae admixtionis superveniens: altera vero, extra naturam suae naturae, & corruptibilis: quarum ista non absque labore tollitur, altera vero nullo artificis ingenio tolli potest. Quare sulphureitas eius adustibilis ignis calcinatione tollitur, atque a corporibus deletur: & illud ideo, quia argentum viuum

uum resistit, & illud quod sui natura est, ab adustione defendit. Hæc Arnaldus de Villa noua in suo rosario philosophorum: qui mali affectus a Guiljelmo Placentino libro quarto describuntur. Plinius autem libro tricesimotertio, vomica liquoris æterni argentum viuum appellatur: omnium rerum venenū est. Et Auicenna fen. 7. quarti canonis: Elonga, inquit illud in quo ponitur argentum viuum extinctum, quantum poteris a partibus stomachi & membrorum nobilium. quare non absque in gēti timore propinatur. Placentarius præterea capite proprio: fumus, inquit, argenti viui astātibus obest, quia neruos remolliando, paralysem operatur.

Serapio autem de simplici medicina: Fumus vero eius, inquit, est valde nociuus: nam frequens eius vsus neruos destruit, paralysem inducit, sensum aufert, & motum corrumpit. Quibus sane patet, assiduus argenti viui fumus quantum obest.

Quod autem argentum viuum bezoarticum sit medicamen in prauum hunc morbum gallicum, eiusque mortifera accidentia, moderni his rationibus eorum in

M i sa-

famiam tegere nituntur, nec alium habent modum aliquid perficiendi, nisi argentum viuum tam in occulto, quam in manifestis fraudulenter adhibere, dicentes, Quod et si argenti viui nocumenta longe plura sunt quam dicendi copia, tamen eo utimur, tanquam omnium intentionum curatiuarum vltima: ad vltimas enim ægri tudines, vltimæ intentiones curatiuæ sunt potentes, ut Hippocrates primo aphorismorum . 7 . quod Galenus nono & decimo Therapen tices vberius declarauit : Aegritudo, inquit, quæ non habet præter vnā viam ad salutem, licet cuilibet ægrotanti ardua sit & difficilis, tamē ipso in vito, oportet quod per illam in omnibus etiam casibus transeat. Multoties enim medicus rebus contra naturam patientis particulæ utitur, ut bonam valetudinem inducat. Utitur nanque actuali cauterio ac potenciali, crebrisque incisionibus & similibus, pharmaco etiam venenoso & solutiuo : ergo & argento viuo utendum est, quod fugias quantum potes, crede mihi. Quod si coactus a natura entis, secus fieri non potest, illud adhibeas, ut sæpius per multos annos exercui,

exercui sicut vnctiones, suffumigia & similia, quæ sunt fugienda; ligno sancto subueniente. Hec de verbo ad verbum de mente antiquorum, de natura argenti viui, atque de cinapro, necnon & de bonis & malis eorum affectibus volui dixisse.

*De mundatione argenti viui,
vt minorem membris infestationem.

VNaquæque profecto medicina, & quæ sordida præsertim est & feculenta, acuitateque non carens, ab extranea, si qua in ea est, qualitate, penitus mundari debet. Ab argento igitur viuo omnem sulphureitatem omnemque plumbeam terreitatem auferri, ipsumque ab omni imperfectione, præparatione quadam expoliari fas esse iudico, vt validiorem ab ipso subtiliationem ac penetrationem in curandis morbis expectemus, minori que ipsius dosi eos commodius curare valeamus. Hec autem mūdatio dupliciter, sublimatiōe. scilicet aut aceti lauacro fieri potest. Nō

M ii

enim

enim eodem modo argentum viuum sublimatur, vt ab Alchimistis fieri solet: sed solum ac impermixtum argentum viuum in vase vitreo reponatur, bocciaque desuper tortuosa remittatur: obturatisque fissuris luto sapientie, lentoque igne calefaciendo, partes ipsius subtiles, veluti fumus volando diuidentur, lateribusque boccie remittentur. Deposito deinde vase ad igne, iuncturae ipsae aperiantur, eaque argenti viui pars, boccie lateribus coadhaerens, diligenter remoueatur, vsuique reseruetur. Id autem ego matellis vitreis, vt de boccia dictum est, effeci. Mundificatur autem & secundo argentum viuum per aceti lauacrum, vt Geber libro tertio. in patella scilicet vitrea vel lapidea fundatur, acetoque fortissimo cooperiatur, atque lento igne calefiat, digitisque tamdiu agitando, donec in partes diuidatur minutissimas, acetumque euaporatione consumatur: deinde toties cum aceto abluatur, donec terreitatis vestigium non appareat, ac in coelestem colorem deueniat. Huiusmodi enim argentum viuum eligas: nam mea quidem sententia, vnica istius argenti viui vncia ita deputari

deputari, alterius non purati duabus equi-
ualet vnciis.

* De artum dolore morbi Galli-
ci inueterati.

Dolor, qui tristis est sensatio, vt Ga-
lenus de interioribus secūdo facta
ab aliquo solvente continuum: qui
siue morbus sit materialiter, id est,
quandā fixationem habens, & per-
manentiam, suscipiens, siue formaliter acci-
dentis nomen sibi vendicet, in alteratione
omnimoda existit, ad quem scilicet sequa-
tur torpor, stupor, dormitatio, congelatio-
ue. Quæ omnia in speciebus omnibus do-
loris Gallici morbi cōperta esse vidimus:
cuius causa medice loquendo, duplex est,
Cum Gal. secundo regiminis acutorum, su-
bita scilicet complexionis alteratio & solu-
tio continui. Cum igitur is morbus iam in-
ueterauit, nec alia illi remedia subuene-
rint, & auulsa quantum fieri potuit causa
morbi & noxio humore, ligni sancti cura-
tio adhibeatur ad hunc modum. Choleri-
cus iuuenis vel sanguineus cibetur tota cu-

Cap. 2.

M iij

ra-

Ordinatio
aque.

ratione diæta regulari. Pro eo syrupus fiat tota curatione ex ligni libra vna, aquæ libris duodecim, fiat infusio per diem naturalem, ferueatque in fictili vase donec ad libras quinq; redeat decoctio, ex qua sumatur semilibra tam mane quàm vesperti. Aqua secunda in potu ex viginti libris aquæ ad decem redigatur. Phlegmaticus vel melancholicus iuuenis diæta regulari vtatur tota curatione. Pro eo syrupus fiat ex libra vna cum dimidia ligni, aquæ quatuordecim: fiat infusio, redeatque decoctio ad libras quinque, sumaturque vtraque portione semilibra tota curatione. Aqua in potu fiat ex libris aquæ viginti quinque: quæ decoctæ, redeant ad quindecim. In sene eadem seruanda sunt, præterquam diæta resumptiua cibari debet. Extrinsecus tamen in declinatione curæ, membra male affecta hoc vnguento linienda sunt: quod mirum in modum confert. Recipe stœchados Arabicæ saluæ, yuæ arthriticæ, betonicæ, perforatæ, chamædryos, singulorum manipulum vnum cum dimidio, radicis acori vnciam vnam: ferueant in vino albo aromatico secundum artem, & colaturæ adde vermium
terrestrium

Gerotum.

terrestrium lotorum cum viuo albo libram
semis, styracis calamitę contusi vncias tres
axūgię porci depuratę & sine sale libram
vnam, olei laurini, olei anethini, mastichi-
ni, olei thuris, spice, olei antiqui centum an-
norum, singulorum vncias tres cum dimi-
dia: olei rosati, butyri recenti, singulorum
vncias quatuor: thuris vncias duas, euphor-
bii vnciam semis: ferueant lento igne ad vi-
ni consumptionem: deinde adde terebin-
thinę venetę, olei obietis, singulorum vncias
duas, lithargyrii aurei subtiliter cribra-
ti librā semis, styracis liquidę vncias duas,
theriacę antiquissimę vnciam vnam, cine-
ris vitis vnciam semis, minii, vncias duas &
semis, argenti viui volati vt capituli descri-
ptio exposcit, & extincti cū oleo rosaceo
in mortario lapideo vncias duas, confician-
turque ex arte, & fiat vnguentum.

*De schrosis tu-
moribus.

D Vrities quę ex materia cōtingit
melancholica vel aliūde, aliquan-
do in carne tātū, aliquādo in offe

M iiii

tan-

Tra&. 4.
Cap. 9.

tantum existit, vel ex his composita. Quæ
ossuosa est & difficilior, ventositas sp̄ne in
potētia denominatur, prout sub forma per
manet apostematis, cuius finis est ossis cor-
ruptio: quæ tripliciter fieri contingit, vt tri-
plex est dimensio. Alia nanque ossis cor-
ruptio superficialis tantum, alia profunda
tantum, & quadam superficialis est & pro-
funda simul. Cuius additio vnā ossis par-
tem post aliam corrumpit, vt Auicēna quar-
ta quarti. Cuius signum est, quod resolutis
partibus subtilibus circumferentiarum os-
sis alterati, asperitas in tactu, & inæqualitas
scopulosa sentitur, cute sana existente ac
suam continuitatem seruante. Necnon &
dolor pungitiuus adest in compressione
cum digito, propter ossis asperitatis mor-
dicationem. Cum igitur durities ista inue-
terauerit, nec alia illi subuenerint remedia
diminuto prius humore noxio & causa ip-
sius morbi, curetur per lignum sanctum, vt
de artuum dolore morbi Gallici inuetera-
ti dictum est, linianturque tuberositates per
quindecim dies vnguento dicto in capite
de strumulis seu scrophulis puerorum.

De

*De alquatui curatione.

EAdem est ratio curationis alquatui, prout est separatio contiguitatis ossis integra, secundum locum, & non secundum situm, a suo naturali loco descendendo secundum longitudinem membri, ut de scirrosis tumoribus dicitur.


*De vlcerebus corrosiuis, sordidis, fraudulentis, & ossis corruptione, morbi Gallici inueterati.

DE ea propria solutione cōtinui carnosā & saniosā itelligo, prout morbus cōpositus dicitur, in qua vna vel plures dispositiones existunt, quę vlcerū cōsolidationem impediūt: cuius cōpositio siue a causa sit, siue ab accidēte, vel a morbo præcedente, discurrendo per singulas species vlcerum essentielles vel accidētales, quantum fieri poterit, amoueatur a perito chirurgo causa illa coniuncta cauterio actuali vel potentiali, pro corrosionis vel corruptionis exigētia, vel quouis alio instrumēto, artis diminuto semper prius humore noxio, ligni sancti curatio

curatio adhibeatur, vt de artuum dolore morbi gallici inueterari dictum est. & vt vlcera membra curationem suscipiāt certiore, foueantur linianturque vnguento dicto cap. septimo huius tertii libri. Quod si ossis corruptio appareat, abradatur vsque ad ossa sana, opportunis instrumentis raspatoriis. Nec te terreant dicta insciorum, dicentium cum principe, Melius est vt non festinetur in extractione ossium violenta. & quę sequuntur. Verba inquam Auic. intelligi debent de illa praua extractione & violenta ossium vulneris, dilacerando scilicet neruos & venas, & ossis maiorem partem sanam quam corruptam dissipando, quę incongrua dicitur operatio. Quare melius est cum Auic. vbi supra, corruptionis ossis curatio, quę est eius fricatio, & ipsius destructio, aut eius abscissio & ipsius ferratura. Pręstantiorque modus fricatio cum raspatorio dicitur: qua ablata, per lignum sanctum curetur curatio-
ne prędicta vlcerum vni-
uersalibus & parti-
cularibus.

De

★De vini exhibitione a neotericis nuper
comperta. CAP. I.



Cum scientiæ atque artes
per additionē augeantur, ac
quotidie vtilissimarum re-
rum inuentione perfectiores
fiant, ad idque iudicium &
studium hominis pluri-
mum valeat, propterea multum operę cu-
ręque ponendū est, quo ea inuestigari pos-
sint quę lęsis corporibus aliqua ex parte
profutura sint. Eiusmodi est lignū quod vo-
cant sanctū, cuius viribus indagandis in fi-
stimus. huicque rei omni studio operam da-
mus, quāuis eius vires lōge plures sint, quā
quisquam dicendo scribendoque consequi
possit, Et quoniā experimentū si ratione cō-
probetur, ad veram rerum ipsarū cogniti-
onē nos ducit, non inutile fore existimaui-
mus, si cum vini administratiōe, ligni quo-
que decoctionē miscebim⁹. Compertū est
enim multoties, penetrationē efficacius fie-
ri, ac vinum non modo ligni huius, sed mul-
torum quoque medicamentorum, tan-
quam vehiculum esse. Quamobrem ope-
ra-

reprecium dixi in calce huius opusculi
pertractare, vtrum vinum an aqua huma-
nis corporibus magis conferat: tum si quis
ex veteribus medicis in alicuius morbi
curatione, vino in quo simplicia aliqua
sint decocta, vsus fuerit. præterea vtrum
vinum aquæ anteponendum sit: necnon
quod vinum sit eligendum: atque alia
eius generis, quæ a præsentī materia non
fuerint aliena.

*Quod curandis morbis vinum cōferat, &
ab antiquis vsitatum sit. CAP. II.

Medicinæ quæ tardæ sunt operationis, si
in vinum infundantur, vigorem su-
munt, aciuunturque. Neque ab re sapiens
Abinzoar dixit, nec cibum, nec medici-
nam vino vnquam priuari debere. Mesue
etiam pro meliori præparatione rheubar-
barum molliendum iussit. Ingenium, in-
quit, medici sit vt sapor medicinæ in ci-
bariorum gustum conuertatur: tunc enim
natura auidius medicinam amplexabitur:
cuiusmodi est vinum. Quapropter non
temere recentiorum nonnulli egrotis mul-
tifariam vinum in quo simplex aliquod sit
decoctum,

decoctum, propinant. Nam sicuti Auicenna. 2. canone, vinum ex hyperico confectum, perforatum vocant, vel ex chamedry artuum passionibus conferre asserit: sic nonnulli etiam nostrorum temporum docti viri vinum præbent, interdum ex salina, vel ex enulla, vel ex buglossa, vel quod ex rosis, ex ebulis, ex gramine, ex caryophyllis, ex absinthio conficitur, aliaque eius generis quamplurima, quæ laxandi vim habeant.

*Nunquid vinum an aqua magis conferat: & quibus agentibus præbendum sit.

CAP. III.

Am vinum cum primis simile est,
N calorique innato maxime conuenit in administrandis nutrimentis naturæ hominum: aquam vero corpus nō tolerat, nisi valde sanguineum, ut Auicenna tertia primi. Præterea quis neget vinum sua penetratione, spiritumque vinificatione confortatiuum esse? frigiditas enim & siccitas spiritibus eos debilitando aduersantur. Vini vero caliditas corroborando non mediocriter ipsis affert auxilium

xilium . Ad transmittendas autem rerum
 in eo incorporatarum virtutes, per singu-
 la membra cum quadam naturæ delecta-
 tione & apprehensione , nec sine vehe-
 menti fortitudine qualitates actiuas ea-
 rum medicinarum quæ in vino exquali-
 ficantur , ad resolutionem preparat, quum
 sua subtilitate partes adeat longinquas , a-
 quam secum trahens ad membra refri-
 geratione pariterque humectatione indi-
 gentia & receptium est omnis infusio-
 nis bonarum qualitatum in rectificatione ut
 plurimum malarum , cum per eius essen-
 tiam ad spiritum habeat conuerti , magis-
 que penetratium sit ac spiritibus pro-
 portionatum . Quæ de re ubi virtutis im-
 becillitas , appetitusque deiectio affue-
 rint , ægreque ventriculus concoquat, vi-
 num eligendum est . Insuper si ægrotans
 phlegmaticæ sit complexionis , humor-
 que pituitosus vel melancholicus sit , vel
 si inueteratam morbus radicem habeat,
 in his omnibus vinum vtile admodum
 est . Quod si cholericæ ac sanguinæ cõ-
 plexionis calidique hepatis fuerit , atque
 etiam sanguis vel succus biliosus fortisque
 habitudinis

habitudinis sit, in tempore præsertim calido, tunc aquæ decoctum, lignūq; simpliciter exhibitum, mirū in modum proderit.

*Quod in ligni sancti decoctione cum vino miscenda sint alia simplicia.

C A P. II II.



Edicæ artis peritis omnibus patet, singulis mēbris suū esse appropriatū ac determinatū pharmacū: cūque ab eiusmodi morbi prauitate quāplura membra lēdantur ac vitium contrahant, credibile quidem erit solam ac impermixtam ligni sancti decoctionem tot membrorum læsiones adimere non posse. Quare ut ligni sancti virtus ad huiusmodi mēbra dirigatur, medicinæ mēbra infecta respicientes cōmiscende sunt, ut ligni sancti virtus ipsarū medicinarū suffragio, validius salubriusque suas imprimat vires, dirigendo scilicet, mundificando, resoluendo, cōfortando & desiccando ut decet morbum.

*Quid vinum eligendum sit.

C A P. V.

Cum

Cum diuersæ operationis sit vinū, diuersarūque qualitātū: infrigidata enī corpora senū & iuuenū calefacit, calefactaque infrigidat, exiccata humectat, & humectata exiccata: eiusmodi eligēdū erit, quale mox dicā. Anni vni⁹ vinū, frigidū est & humidum. Vetus vero, quod a quarto in septimum transcendit annum, calidum & siccum in tertio reponitur gradu. Inter hæc autem medium calidum est & siccum temperate: & huiusmodi quidem vinum cholera nigrā sua calefactione & humectatione temperat, & præsertim si secundum non excedat annum. Resistit etiam melancholicis a tota specie, calefactisque non obest. Vinū, inquit Auicenna, album & subtile calefactis confert: capitis enim dolorem nō efficit. Id præterea vinum cholera abundantibus rubea, melius est, eo quod cholera rubeam vrinam prouocando expellit: & humidis, eo quod humiditates maturat, Huiusmodi etiam vinum non modo naturalem calorem confortando iuuat, verum etiam turbidi sanguinis claritatem reducit. Quamobrem album & subtile eligatur

gatur, ætate quidem medium, colore vero purum ac lucidum, odore vero suaue, in gustu non aquosum omnino, nec aliquam vehementem ostendens qualitatem stypticam vel amaram vel dulcem. Quod si morbus frigidus est & antiquus, corpusque frigidum ac oppilationibus male affectum, & maiori penetratione ac incisione indigens, tunc vetus vinum eligatur.

4 De vini præparatione,
& regulis in ea obseruandis. Cap. vi.

EAdem quoque ratione vini præparatio canonice conficienda est, ut de decoctionis exhibitione diximus: eamque in omnibus seriem obseruabis, vnum enim pharmacum omnibus nequaquam conuenire potest. Quade re cum vini decoctionem præbere institues, decoctionis ligni sancti aquam, illiusque morbi curationem & capitulum a capite ad pedes inuenies, ac illius aque & ligni graduationem quam ibi descripsimus exequere.

N

in fine cocturæ opportunas medicinas arteq; decoctas, ac pro illius morbi & mēbris lesi exigentia adhibebis, vt exēplariter illas diuifim connumerabo in fecunda consideratione. Hoc autem peracto, in vafe fictili vitreato ligni abrafī libram pones, ibique vini albi clari libras decem iniicies, quibus mixtis decoctionem prædictam pro morbi & indiuidualis complexionis exigentia, partibus æqualib. cum vini quantitate calidam vt ab igne defers adijcies, factaque mixtura nec aliter ferueant, sed per diem naturalem infusio fiat, & colaturam vſui reſerua in curatione, pro ſyrupo ſcilicet mane & vespere, & pro potu in prædio & in cœna. remiſſa enim decoctionis caliditas, ipſorumque ligni & aquæ, iam temperata graduatio igneas vini, ſi quæ ſunt, qualitates extinguet, ne humanis calidæ complexionis corporibus obſit. & vt lucidior tyronibus doctrina ſit, ſequentes ponuntur conſiderationes.

Conſideratio prima eſt, quod in vini aſſumptione, in qualibet decoctione corticis ligni ſancti ſubtiliter cribellati, quatuor adhibeatur vnciæ, ac ſimul cum ligni

gni sancti dosi adnotata ferueat, vt capituli descriptio exposcit.

Secunda. Quod si hepatis vitium in causa morbi sit calidum, simplicia eius caliditatem adimentia eliges, endiuia scilicet, cichoream, fumunterre, santalos omnes, & id genus eligēdos, eaque in fine cocturæ semper appones : & si aliqua obesser oppilatio, aperitiua eodem modo adhibeantur.

Si autem cerebri læsio frigiditatisque mala affectio adsit, stachas arabica, vel nō arabica, betonica, & huiusmodi casida frigidaq; pro morbi exigentia apponantur.

Quod si iuncturæ dolore, vel aliqua hebetetur duritie, vna arthritica, radix aconiti, stacados ac perforata adhibeantur.

Si vero præcordia male affecta sint, buglossa, borago, ipsarumque radices, enula campana, scabiosa, & id genus in fine cocturæ sunt admiscendæ decoquendæque, deinde ipsa decoctio in vino prædicto iniiciatur.

Tertia. In qualibet vini præparatione, in Morbo quolibet Gallico, præsertim curando ob sui antiquam contagionem

cardui benedicti manipulus, cum reliquis simplicibus membra confortantibus infecta, addatur.

Quarta. In vnaquaq3 ipsius vini administratione supradictę decoctionis eadem sit dosi cum vini quantitate.

Quinta. Quod in ipsius vini exhibitione morbi nō vniformiter in eodē tēporis spatio curantur: quidam enim quindecim aut vnginti dierum spacium exigunt, nonnulli quadraginta inclusiue, multi etiā spacium hoc transcendunt. Huiusmodi autem diuersitas contingit iuxta morborum qualitates: multum enim interest, vtrum morbus calidus vel frigidus sit, antiquus vel recens. Parique modo consideranda sunt ea corpora quę mediocriter se habent.

Sexta. Quod in hac vini assumptione tempus purum ac temperatum est eligendum. Ver quidem optimum erit: huicque proximus est autumnus. Aestas enim nimis calefacit. Hyems nullam admittit penetrationem. minor itaque operatio & in aestate & hyeme expectatur.

Septima. Quod diætā semper vtatur resumptiua, cum vini caliditas innatum excitet

citet calorem, eiusque digestio celerior ac penetratio velocior efficiatur, humiditatibusque resistat, nec aliter cibum appetes: isto nanque curationis modo carne vesceris mane & vesperi.

Octaua. Quod si æri æger exponatur, incommodum aliquod non subsequitur, vt in decocti assumptione contingit, cum vini præsentia vnicuique putrefactioni extrinsecæ resistere videatur, cuius præsidio sudandi molestiam perpeti non cogeris, ad peragendaque negotia tutius libentiusque te commites.

Nona. Si hora cibi & potus æger huiusmodi vinum abhorreat, ob medicinarum diuersarum commixtionem, sic confecta decoctionem, alias syrupum, per lambecchum æreum distilla, distillatioque cū vino albo partibus æqualibus commisceatur, vsuique hora cibi & potus referuetur. Si vero pauper ac egens fuerit æger, aquam secundam pro capituli descriptione absque alijs medicinis administres, eamque vino partibus æqualibus commiscebis. Et hoc quidem vinum æger ab alijs penitus, liquoribus se abstinere.

N iii

do, hora cibi, & potus bibat.

Decima suppositio est. Si vero cholericus vel sanguineus fuerit æger, & ob eius ventriculi imbecilitatem huiusmodi vinū exhibendū est, in vna tantum parte vini quinq; decoctionis ligni sancti partes cōmisceantur, idemque fiat in morbo gallico recenti.

Vndecima. Quod in principio exhibitionis vini mēbra dolore tuberculis nodositatibusque affecta, præcipue vini prædicti decoctione, epithymāda sunt assidue: sin autem epithymatio non conferat, in statu curæ dolores lenire, membraq; male affecta nostræ descriptionis vnguento ungere poteris, in capitulo de artuum doloribus enarrato. Vlcera quoque vnguento mercuriali curare tutissime poteris, vt de prauis vlceribus dictum fuit.

Duodecima. Quod in vini assumptione humor qualibet hebdomada vt expedit morbo & ægrotanti minorandus est, bisque die syrupum capiat, mane scilicet semilibrā, calidū, tātūdeq; vesperi quatuor horas ante cibum, eademque hora in lecto quiescat, sudoremque obseruet, vt supra de decoctione

decoctione dictum fuit.

Decimatertia. Quod si in vini exhibitione aluum ducere volueris, in decoctione cum aliis medicinis damascena pruna decem numero iniiciatur vna cum folliculorum senæ ac polypodii quercini, singulorum semiuncia: quæ omnia morbi præfert. in gallici curationi penitus non aduersantur. Colocynthidem autem, agaricum ac dacrydium & id genus non commisceas, vt ignari ab omnique veritate deuii cum magno ægrotantium periculo faciunt.

xiiii. suppositio est. Quo si in declinatione curæ Socratis præsertim sanguineæ complexionis, hepar ob vini exhibitionem nimis calefactum esset, ipsius hepatis venę vel hemorrhoidum incisio fiat,

Decimaquinta. Quod si aliquando morbus vnica decoctionis vniue exhibitione curationem non suscipit, huius quidem causa est, quoniam nonnullæ sunt medicinę calidę, quarum caliditas ab alicuius ægritudinis frigiditate minoratur, quare penitus in eam non agit: & quandoque cum in aliqua infrigidatione administratur, leuiorem illa inducit cale-

N iiii factio-

factionem. Et quoniã in debiliori iam expertum est prius, processioque secundum gradus paulatim facta fuit, medicine virtus cognita est: quare frequens vini atque decoctionis reiteratio fiat, donec praua morbi qualitas adimatur, ac a medicina morbus superetur. Nec dubites si huiusmodi medicina interdum refrigerare, nunc vero calefacere oporteat, cum ista inter se ad inuicem contrariantur: medicina enim, inquit Auincenna, in duobus contrariis experta, alteri eorum per se, alteri vero per accidens confert, vel alicuius eorum complexioni contraria non existit.

Et ne aliquid contingat erroris, exemplum habes practicum. Si enim Socrates capitis artuumque dolore affectus fuerit, & vlceribus insuper maleficis atque ossis corruptione, nodosisque tuberculis crucietur, siue dolore ischiadico vel podagrico, eradicata causa antecedente vt conuenit morbo, prauaque vlcerum dispositione remota atque ossis corruptione, hac serie ad ipsius vini decoctionem accedendum est: In vase scilicet fictilis ligni abraso libram vnã cum dimidia, ac eiusdem corticis subtiliter

subtiliter cribellati quatuor vncias, ac aque
libras duodecim apponito. Lentoque igne
ferueant ad quatuor librarum consump-
tionem. Exinde vero betonicam, yuam
arthriticā, cardium benedictum, stacha-
dos, hypericon, singulorum manipulum,
radicis acori vnciam semis adhibebis, fer-
ueantque ad vnius libræ aquæ consumptio-
nem. Deinde in fictili vase ac nouo iniici-
antur, in quo ligni abrazi libra, vini que al-
bi optimi libras 7. factaque mixtura vase
obturato per diem infundantur. Et facta
colatura per lineum pannum strictum, pa-
tientia mane ac sero phlegmatico vel me-
lancholico semilibra pro syrupo tri-
buatur, & hora cibi & potus. In
cholericō vero & sanguineo
ligni decoctio adhibeatur,
vt in capitulo de artuū
dolore morbi gallici
inueterati di-
ctum est.

* F I N I S.

*R E R M M I N H O C L I -

bello præcipue obser-
uandarum index.

A

A	Bsinthij vsus	149
	Acori vsus	129
	Acetates aliæ aliis patientiores in- ædiæ	37
	Alguatui curatio	185
	Aliabas quid senserit de argenti viui na- tura	169
	Aloes in vlceribus medendis vsus	147
	Althææ radicum vsus	129
	Amygdalarum vsus	35
	Antimonii vsus in vlceribus pudendorum curandis	147
	Apoplexia qualis morbus	91
	Apostemata frigida quomodo curāda.	134
	Arquati morbi cura	122
	Argentum viuum auditui nocet	175
	Argentum viuum igne non vincitur	172
	Argentum viuum in medicina plus nocet plerumque quam prodest	174
	Argentum viuum quomodo a superfluita- te purgatur 176. quo pacto in aceto cor- rigatur	180
	argentum	

INDEX.

Argentum viuum qua ratione sublimetur vt in morbis vsui fit	ibidem
Argentū viuū sublimatum interficit	175
Argenti viui fumus paralyſim operatur.	ibidem
177.neruis obest.	ibidem
Argenti viui medicina offenſiones in cor- poribus relinquit	25
Argenti viui nocumenta 25 correctio	179
Argenti viui vis in medicina 198. vsus eius vltimus eſt , cum ſcilicet alijs nihil pro- ficimus	178
Argenti viui temperies	166
Arnaldi diacatholicon	143
Arsenicum quam facultatem habeat	169
Aſthmatis quatuor ſpecies	107
Auditus corruptus quo pacto per lignum ſanctum curetur.	102
Auditus male in ſene affectus quomodo curetur	103
Auditus obtuſi cauſa	102
Auellanarum corticum & vſtarum vsus in pilorum caſu	160
Auguſtini Sueſſani ſyrupus	144

B

Betonice vsus in morbi Gallici medi- cina	172
--	-----

I N D E X.

Boraginis vsus.	48
Buglossæ vsus	156

C

C Amillus Musettula quomodo curatus fit ab immodicis vigiliis	71
Cancer ex hæmorrhoidibus sæpe proue- nit	103
Cancris cura in matrice prædominante cho- lera adusta	126
Cancris in matrice mulieris curatio	126
Cephalæa qualis sit morbus	60
Cephalææ curatio, phlemate existente cau- sa. 62. in sene cholericæ vel sangui- neo, 65. in iuvene melancholico	64
Cephalææ curatio in sene phlegmatico vel melancholico	69
Cephalææ morbi causa	61
Cerebrum male affectum qui morbi se- quantur	73
Choleram rubeam esse immodicarum vi- giliarum causam	70
Cholericis minus patientes inediæ	37
Cibus optimus quis	27
Cibus quantus esse debeat	56
Gichorea cum ligno sancto quando deco- quenda	48

INDEX.

Cichoreæ succus	155
Cinaprum an sit argentum viuum	171
Cinapri virtus	176
Coitu abstineat qui curatur per lignū san- ctum	39
Comitialis morbi causa	84
Comitialis morbi cura in infantibus	90
Comitialis morbus in muliere quomodo curatus sit	85
Conceptionem prohibens morbus	124
Contractionis curatio	96
Cordialium florum vsus	156
Coriandri præparati vis in amaris mitigan- dis	52
Cucumeris asinini vsus	129
Cupressi nucum vsus	150

D

Dolor quid sit	181
Diæta in curatione ligni sancti qualis constituenda	35
Diæta resumptiua qualis esse debeat in cu- ratione per lignum sanctum	35
Diæta varia varijs dispositionibus conue- nit	36
Diætam variandam esse	36
Diachilon emplastrum	150

INDEX.

E

E Bennis a ligno sancto quid differat.	11
Ebenus promptissime accenditur.	12
Ebeni natura, & vsus in medicina	10
Elephantia curatio	130
Empyrototonus	96
Endiuiia quando decoqueuda cum ligno sancto	48
Epilepsia quare frequenter infantes corri- piat	90
Epilepsia causa	84
Epilepsia curatio in iuvene sanguineo vel choleric 86 . in iuvene phlegmatico mel melancholico	87
Epilepsia remedia in pueris	88

F

F Ames periculosa post nimiam satieta- tem	62
Fastidii causæ	115
Fastidii curatio in iuvene choleric 16 . in phlegmatico vel san- guineo 16 . in phlegmatico vel melau- cholico	116
Fissuræ manuū & pedū vnde oriantur.	160
Fœni græci vsus	150
Frigus humores densat	31
Fumiterræ in medicina vsus	15

Gallicus

INDEX.

G

G Allicus morbus quid sit	138
Gallici morbi causa	138
Gallici morbi curatio repeti debet	57
Gallici morbi præfens medicina	3
Gallicus morbus unde ad nos peruenerit.	3
Gallicus morbus inueteratus quomodo curandus	55. & 182
Gallicus morbus recens ubi sumat initium folio	141
Gallicus morbus recens quomodo curetur folio	54
Gallici morbi pustullæ variæ pro humoris varietate	151
Gallici morbi inueterati vlcera maligna qua ratione curentur	185
Gallici morbi tumores quo pacto curentur, quæque eorum sunt causæ	184
Gallinarum carnis vsus	35
Gingiuarum imbecilitatis causa	105

H

H Aemorrhoides sæpe polypum gignunt	103
Hæticæ curatio, apostemate copiam in causa existente	112
Hætica ligno sancto curatur	29

INDEX.

Hermes Alchimista	167
Hernia intestinalis	128
Herniæ genera	128
Hestedeem esse lignum sanctum	10
Hepatis apostema quo pacto curetur	118
Hepatis calefacti remedia	164
Hordei vsus	156
Hydropicus iuuenis phlegmaticus vel melancholicus quomodo curandus	121
Hydropici ab aqua prohibendi vt etiã nec videant	122
Hydropisis curatio	120

I

Ictericus morb ⁹ quomodo curetur.	122
Iecoris affectiones	73
Iecoris morbi	117
Indicus morbus	139
Indicum lignum vnde adferatur	3
Ichiadicæ remedia	130
Iuncturarum morbi curatio	130

k

Karon apud Auic ⁹ . esse lignum sanctum	10
--	----

L

Lachrimarum fluxus cura in iuvene cholerico vel sanguineo.	100.	in phlegmatico
--	------	----------------

INDEX.

phlegmatico vel melancholico	101.
Ophthalmiæ curatio	101
Lachrymarum fluxus nimius unde proueniat 100. quomodus curandus	100
Lachrymarum fluxus præter naturam quomodo curetur in senibus	101
Lepræ curatio	130
Lignum sanctum multi nutrementi est folio	17. & 28
Lignum sanctum calidum & siccum est. folio	20
Lignum sanctum medicinam esse antidotariam	11
Lignum sanctum ubi præstantius nascatur folio	14
Lignum sanctum quandiu decoquendum folio	49
Lignum sanctum quare diuersas sortiatur operationes	58
Lignum sanctum qua ætate esse debeat.	15
Lignum sanctum temperatissimum est.	18
Lignum sanctum quos curet morbos	29
Ligni sancti amaritudo quo pacto auferatur	52
Ligni sancti natura	17
Ligni sancti decoctio quomodo præparanda	O da

INDEX.

da	45
Ligni sancti decoctio longa fit	44
Ligni sancti decoctionis varij gradus	49
Ligni sancti decoctiones quot sint	45
& 46 & 47	
Ligni sancti effectus	37
Ligni sancti electio	15
Ligni sancti materia dura	16
Ligni sancti medicina quomodo admini- stretur in morbo gallico	54
Ligni sancti medicina qua forma conficia- tur	42
Ligni sancti medicinę administrandę tem- pus	32
Ligni sancti natura & effectus	10
Ligni sancti proprietates	23
Ligni sancti quę partes optimę sint	16
Ligni sancti syrupus quando sumendus.	50
Ligni sancti varius & multiplex vñs in me- dicinis	4. & 23
Ligno sancto curandus quem locum elige- re debeat 3i. quomodo curandus fit iu- uenis cholericus vel sanguineus in mor- bo gallico inueterato	181
Linguae spasmus quomodo curandus	150
<u>Lini seminis vñs</u>	150

Lithargirii

INDEX

Lithargirii vsus in vlcerib⁹ medendis. 147

Lupuli vlu

155

M

M Aluarum vsus 149

Manus aqua frigida nō lauādr. 41

Matrix mulieris, seu ientuna, omnes humo-
res recipit 123

Matricis cancer quomodo curetur 126

Matricis fluxus propter hepatis frigidita-
tem quomodo curetur 124

Matricis morbus propter iecoris calidita-
tem 124

Medicina quæ sit optima 27

Medicina eadem quo pacto possit morbos
diuerfos curare 29

Medicina quæ secundi gradus sit 20

Medicina quomodo accommodanda di-
uersis dispositionibus 9

Medicina temperata quæ sit 19

Medicinā eadē diuersā nō posse operari. 6

Medicinam vnā non om nibus naturis con-
uenire 8

Melancholia cancerum in matrice mulierū
gignit 126

Melancholiæ memoriā & int ellectum cor-
rumpenti quomodo medetur. 77

O ii

Me-

INDEX.

Melancholiæ quo remediorũ genere curẽtur in ſene cholericò vel ſanguineo	82
in iuvene cholericò vel ſanguineo	81
Melancholię remedia in iuvene phlegmatico vel melancholico.	81
Melancholiæ morbus multiplex.	80
Melancholiam inueteratam vix aliis medicinis curari quam ligno ſancto	80
Memoria & intellectus in iuvene phlegmatico vel melancholico, quo pacto reſtituatur	75. & 77
Memoriæ amiſſæ cauſa	73
Memoriæ & intellectus cura in ſene cholericò vel ſanguineo. 79. in iuvene cholericò vel ſanguineo, phlegmate exiſtente in cauſa.	70
Memoriæ laborantis cura in ſene phlegmatico vel melancholico	76
Mercurii vnctionis vſus	55
Morbi difficiles curatu	139
Mytilorum ſucci vſus	159

N

Narium morbi	103
Narium morbi quomodo curentur in ſingulis ætatibus	104
Nauſeæ ſtomachi quõ ſubueniẽdũ	52.
Oleum	

INDEX.

O

O Leum myrtinum ad casum pilorum	
utile	159
Opisthotonus	96
Oris vlcera difficilis curationis	153
Ossis corruptio quomodo sananda	156
Ovis albuminis vsus.	153

P

P Anis qualis esse debeat in vsu ligni san-	
cti	34
Pane biscocto quare vtendum iis qui per	
lignum sanctum curantur	33
paucri nigri vsus	159
Paralysis qualis sit morbus	91
Paralysis curatio in iuvene cholerico vel	
sanguineo 93. in senibus 95. in iuvene	
phlegmatico vel melancholico	95
Perforatae herbae vsus in medicina morbi	
gallici	182
Phasianorum vsus	35
Phlebotomia utilis aliquando in pilorum	
casu	160
Phlegma causam esse aliquando amissi in-	
tellectus	74
Phlegmatici facilius ferunt inedia	73
Phthisis morbus letalis	110

O iii

INDEX.

Phthisis difficilis curatio	110
Phthisis ligno sancto curari potest	111
Pillulæ aggregatiuæ	155
Pilulæ vniuersales fumiterræ	155
Pilorum calas quibus curetur	158
Plumbi vsti vsus	147
Podagræ curatio	130
Podagra ligno sancto curatur	29
Polypus morbus nasi	103
Polypi causa	103
Potus optimus quis	27
Purgationis tempore quomodo cibandus sit æger	37
Purgationum modus illorum qui curantur ligno sancto	37
Pustularum multitudo in morbo gallico pro humoris & meatuum qualitate	140
R	
Amex herniæ species	128
Ramula morbus linguæ quomodo curandus	105
Regii morbi curatio	122
Renū morbi quomodo curêtur	122
Renum vlcera per lignum sanctum cu- rantur	122
Rheu-	

INDEX.

Rheupontici vsus in gallico morbo curando	144
Rhodomellis saccharini vtilitas	156
Rosarum rubearum vsus	145
Rosarum incompletarum vsus	157
S	
Acchari rosacei vsus	52
Saluievi ⁹ i medicia morbi gallici	182
Sanguinei toleratiores inedia quam choleric	37
Sanguinis draconis vsus	147
Scrophulae puerorum qua causa oriantur, & quibus remediis curentur	134
Serpentis pinguedo ad qua utilis	159
Sicci natura	33
Simplicium consideratio	10
Sol quo pacto regiones inferiores calefaciat	14
Spasmi cura	96
Spiritus foecidi curatio	116
Somnum que prouocent	40
Sterilitatis causae	125
Sterilitatis remedia	125
Stomachi apostematis causa	117
Styracis vsus in morbo gallico	165
Sudor quibus prouocetur	42
O iiii	Sudoris

INDEX.

Sudoris copiosioris causa	42
Sudor potionis ligni sancti elicitur	41
Sulphur in argento viuo.	172

T

T Abes morbus periculosus	110
T Talpæ pinguedo ad quæ utilis sit	159
Tamaricis fructus vsus	153
Tartari combusti utilitas	154
Tetanus	96

V

V Aricib ⁹ quæ remedia adhibenda	130
V Venerem quæ prohibean	39
Vertiginis plures causæ	82
Vertiginis cura in sene phlegmatico vel melancholico	83
Vesicæ morborum curatio	122
Vigilia immodica in iuvene phlegmatico vel melâcholico quomodo emédetur	71.
in sene cholericico vel sanguineo	72.
in sene phlegmatico vel melancholico	72
Vigiliæ immodicæ causa	70
Vini multiplices effectus	192
Vini decoctio pro morbi & membri læsi exigentia varic temperatur	194
Vinū medicamentorū vehiculum	187
Vinum canonice conficiendum	193
Vinum	

INDEX.

Vinum quod eligendum	192
Vinum neque a medicina, neque a cibo absit	188
Vinum variis modis in medicina exhiberi	189
Vinum in quibus morbis dandum	190
Vinum vetus in quibus morbis eligen- dum	193
Violarum vsus	149
Vlcerum in tibiis remedia	48
Vlcera matricis quomodo curentur	127
Vlcera oris quare sint difficilis curatio- nis	155
Vlcera virgæ quo pacto curanda	145
Vlceribus oris gargarismus utilis	157
Vniuersalia ad particularia viam osten- dunt	26
Vux passæ vsus	35. & 156
Vulvæ morborum causa	123

Y

Y Dragyros vnde dicatur	168
Y uæ athriticæ vsus in curatione morbi gallici	122

Z

Z Inzifur	171
Zirbale Arabice gen ^o herniæ est	128

INDICIS F N I S.


AD MILITES CVPIDINIS.

Sustulerat quondam Veneris solaria quæd. m
Inuisa, immanis, pernicioſa lues.
Quam vocat Hispanus Gallam, quam Gallus Iberâ,
Imperium toto quæ tamen orbe tenet.
Sensit Arabs, sensique Geta extremusque Britannus,
Hanc scabiem, sensit qui tua furta Venus.
Non puero parcens ve seni, te fœmina la sit.
Fœmina, quam minimum ledere, grande nephas.
Et iuvenile decus nullo prohibente peribat,
Cumque suo nato est pene relicta Venus.
Ante oculos cernebat amans sua gaudia, quæ vix
Audebat timida sollicitare manu.
Sic sua lugebant miseri solatia amantes
Donec quæ morbum, pharmacæ terra dedit.
En tibi iam præſens medicina, Neapolis olim
Quæ peperit morbum, nunc tibi promit opem.
Hoc sancto ligno certa, pignamque capelle,
Erectamque hastam miles in arma tene.

**HIERONYMI FRA-
CASTORII SYPHILIS,
SIVE MORBUS
GALLICVS.**

HIERONYMI FRACASTORII SYPHLLIS, SIVE
MORBVS GALLICVS.

Ad Petrum Bembum.



Vi casus rerum varii, quæ semina mor-
bum

Insuetum, nec longa vlli per secula vi-
sum

Attulerint: nostra qui tempestate per
omnem

Europam, partimque Asiæ, Lybiæque per vrbes
Sæuit: in Latium vero per tristia bella
Gallorum irrupit, nomenque a gente recepit:
Necnon & quæ cura, & opis quid comperit vsus,
Magnaque: in angustis hominum solertia rebus,
Et monstrata deum auxilia, & data munera cœli,
Hinc canere, & longe secretas quærere causas
Aera per liquidum, & vasti per sydera olympi
Incipiam, dulci quando nouitatis amore
Correptum, placidi naturæ suauibus horti
Floribus inuitant, & amantes mira Camœnæ.

Bembe decus clarum Ausoniæ, si forte vacare
Consultis Leo te a magnis paulisper, & alta
Rerum mole finit, totum qua sustinet orbem:
Et iuuat ad dulces paulum secedere Musas:
Ne nostros contemne orsus, modicumque laborem,

HIERONY. FRACASTORII

Quicquid id est, Deus hæc quōdā dignat' Apollo est:
Et paruis quoque rebus inest sua sæpe voluptas.
Scilicet hac tenui rerum sub ymagine multum
Naturę, fatique subest, & grandis origo.

Tu mihi, quæ rerum causas, quę sydera noctis
Et cœli effectus varios, atque aeris oras,

Vranie, (sic dum puro ipatiaris olympo,
Metirisque vagi lucentes ætheris ignes,
Concentu tibi diuino cita sydera plaudant)
Ipsa ades, & mecum placidas Dea lude per umbras,
Dum tennes aurę, dum myrtea sylua canenti
Aspirat, resonatque cauis Benacus ab entris.
Dic Dea, quę causę nobis post secula tanta
Insolitam peperere luem? num tempore ab illo
Vecta mari occiduo, nostrum peruenit in orbem,
Ex quo lecta manus soluens de littore Ibero
Ausu fretum tentare, vagique incognita ponti est
Aequora, & orbe alio positas perquirere terras?
Illic nanque ferunt æterna labe per omnes
Id morbi regnare vires, passimque vagari
Perpetuo cœli vitio, atque ignoscere paucis.
Commerci ne igitur causa accessisse putandum est
Delatam contagem ad nos: quę parua sub ipsis
Principiis, mox & vires & pabula sensim
Suscipiens, sese in terras diffuderit omnes?
Ut sæpe in stipulas cecidit quum forte fauilla

De

HIERONY. BRACASTORII

De face, neglectam pastor quam liquit in aruo.
 Illa quidem tenuit primum, similisque moranti
 Incedit, mox ut paulatim increuit cundo,
 Tollitur, & victrix messem populatur & egros,
 Vicinunque nemus flammæque sub æthera iactat,
 Dat sonitum longe, crepitant Iouis aia sylua
 Et cœlum late circum, campique relucet.
 At vero si rite fidem observata merentur,
 Non ita censendum, nec certe credere par est
 Esse peregrinam nobis, transque equora vectam
 Contagem: quoniam in primis ostendere multos
 Possumus, attractu qui nullius hanc tamen ipsam
 Sponte sua sensere luem, primique tulere.
 Præterea & tantum terrarum tempore paruo
 Contages non vna simul potuisset obire.
 Aspice per Latii populos, quique herbida Sagræ
 Pascua, & Ausonios saltus, & Iapygis oræ
 Arua colunt: spectata Tyberis qua labitur, & qua
 Eridanus centum fluvius comitatus in equor,
 Centum vires rigat, & placidis interfluit undis.
 Vno nunc ne vides ut tempore pestis in omnes
 Sequitur ut sortem pariter transegimus vnam?
 Quinetiam externos eadem per tempora primum
 Excepisse ferunt: nec eam cognovit Ibera
 Gens prius, ignotumque scindere puppibus æquor
 Aia fuit, quam quos determinat alta Pyrene,

atque

SYPHILIS.

Atque freta, atq; Alpes cingunt, Rhenusque bicornis:
 Quam reliqui, quos lata tenet gelida ora sub arcto.
 Tempore non alio Poeni sensistis, & omnes
 Qui letam Aegyptum meritis, foecundaque Nilo
 Arua, & palmiferę syluas tondetis Idumes
 Quę quum sic habeant sese, nempe altius isti
 Principium labi, rerumque latentior ordo
 (Ni fallor) grauiorque subest, & maior origo.

Principio quęque in terris, quęque æthere in alto
 Atque mari in magno, Natura educit in auras,
 Quacta quidem nec sorte vna, nec legibus eiusdem
 Proueniunt: sed enim quorum primordia cœstnoant
 E paucis, crebro ac passim pars magna creantur.
 Rarius ast alia apparent, & non nisi certis
 Temporibus ve, locis ve, quibus violentior ortus,
 Et longe sita principia: ac nonnulla, priusquam
 Erumpant tenebris & opaco carcere noctis,
 Mille trahunt annos, spacioſaque secula poſcunt.
 Tanta vi coeunt genitalia femina in vnum.
 Ergo & morborum quoniam non omaibus vna
 Nascendi est ratio, facilis pars maxima visu est,
 Et faciles ortus habet, & primordia præsto.
 Rarius emergunt alii, & post tempore longo
 Difficiles causas, & inextricabile fatum,
 Et fero potuere altas superare tenebras.
 Sic Elephas facer Ausonius incognitus oris,

Sic

HIERONY F. RACASTORIE

Sic Lichen latuere diu, quibus incola Nili
Gens tantum, regioque omnis vicina laborat.

De genere hoc est dira lues, quæ nuper in auras
Exiit, & tandem sese caligine ab atra
Exemit, duosque ortus, & vincula rupit.
Quam tamen (æternum quoniam dilabitur ævum)
Non semel in terris visam, sed sæpe fuisse,
Ducendum est, quanquam nobis nec nomine nota
Hactenus illa fuit: quoniam longæva vetuitas
Cuncta situ inuoluens, & res, & nomina delet:
Nec monumenta patrum feri videre nepotes.
Oceano tamen in magno sub sole cadente,
Qua misera inuentum nuper gens acolit orbem,
Passim oritur, nullisque locis non cognita vulgo est.
Usque adeo rerum causæ, atque exordia prima,
Et cælo variare, & longo tempore possunt.
Quodque illic fert sponte aer, & idonea tellus,
Huc tandem annorum nobis longa attulit ætas.
Cuius sorte suo si cunctas ordine causas
Nosse cupis, magni primum circumspecte mundi
Quantum hoc infecit vinum, quot adiuverit vrbes.
Quumque animaduertas, tam vaste semina labis
Esse nec in terræ gremio, nec in æquore posse,
Haud dubie tecum statuas, reputesque necesse est,
Principium, sedemque mali consistere in ipso
Aere, qui terras circum diffunditur omnes,

Qui

SYRHYLIS.

Qui nobis sese insinuat per corpora vbique,
Suetus & has generi viuendum immittere pestes.
Aer quippe pater rerum est, & originis autor,
Idem sepe graues morbos mortalibus affert,
Multimode natus tabescere corpore molli,
Et facile affectus capere, atque inferre receptos.
Nunc vero quonam ille modo contagia traxit,
Accipe: quid mutare queant labentia secla.

In primis tum sol rutilus, tum sydera cuncta
Tellurem, liquidasque auras, atque æquora ponti
Immutant, agitantque: vtque ipso sydera cœlo
Mutauere vicem & sedes liquere priores,
Sic elementa modis varijs se grandia vertunt.
Aspice vt hybernus rapidos vbi flexit in Austrum
Phœbus equos, nostrumque videt depressior orbem,
Bruma riget, duratque gelu, spargitque pruina
Tellurem, & gelida glacie vaga flumina sistit.
Idem vbi nos Cancro propior spectauit ab alto,
Vrit agros, arent nemora, & sitientia prata,
Siccaque puluereis æstas squallefcit in aruis.
Nec dubium, quin & noctis nitor, aurea Luna,
Qui maria alta, omnis cui rerum obtemperat humo :
Quin & Saturni graue sydus, & æquior orbi
Stella Iouis, quin pulchra Venusque & Martius ignis,
Ac reliqua astra etiam mutant elementa, trahantque
Perpetuum, & late magnos dent vnique motus,

P i

Præci-

HIERONY. PRACASTORII

Præcipue sedem si quando plurima in vnam
 Conuenere, suo vel multum deuia cursu,
 Longe, alias tenuere vias. hæc scilicet annis
 Pluribus, & rapidi post multa volumina cœli
 Eueniunt, Diis fata modis voluentibus istis,
 Vt vero euenisse datum est, numerumq; diesq;
 Ex egere suos, præfixaq; tempora fatis.
 Proh quanta acrios tractus, salsa æquora quanta,
 Telluremque manent alibi quippe omnia late
 Cogentur spatia in nubes. cœlum imbribus omne
 Soluetur, summisque voluti montibus amnes
 Præcipientes secum syluas, secum, aspera saxa,
 Secum armenta trahent: medius pater impete magno
 Aut Padus, aut Gâges super & nemora alta, domosq;
 Turbidus æquabit pelago freta lata sonante,
 Aestates alibi magnæ condentur, & ipsæ
 Flumina speluncis flebunt arentia Nymphæ,
 Aut venti cuncta inuertent, aut obice clausi
 Excutient tellurem imam, & cum turribus vrbes.
 Forsitan & tempus veniet, poscentibus olim
 Natura fatisque Deum, quum non modo tellus
 Nunc culta, aut obducta mari, aut deserta iacebit,
 Verumetiam sol ipse, nouum (quis credere possit)
 Curret iter, sua nec per tempora diffluet annus.
 Ast insueti æstus, insuetaque frigora mundo
 Insurgent, & certa dies animalia terris

Monstra-

SYPHILIS.

Monstrabit noua, nascentur pecudesque fereque
Sponte sua, primaque animas ab origine sument.
Forſitan & maiora audens producere tellus
Cœumque Enceladūq; feret, magnumq; Typhoea,
Auſuros patrio ſuperos detrudere cœlo,
Conuulſumq; Oſſam nemoroſo imponere Olympo,
Quæ quum perſpicias, nihil eſt cur tempore certo
Admirere, nouis magnum marceſcere morbis
Aera, contagēſque nouas uiuentibus ægris
Sydere ſub certo fieri, & per ſecula longa.

Bis centum fluxere anni, quum flammea Marte
Lumina Saturno triſti immiſcente, per omnes
Auroreꝝ populos, per quæ rigat æquora Ganges,
Inſolita exarſit febris, quæ pectore anhelō
Sanguineum ſputum exagitans (miſerabile viſu)
Quarta luce frequens fato perdebat acerbo.
Illa eadem Aſſyriæ gentes, & Perſidos, & quæ
Euphratem, Tigrimque bibunt, poſt tempore paruo
Corripuit, diteſque Arabas, mollemque Canopum:
Inde Phrygas, inde & miſerum trans æquora vecta
Infecit Latium, atque Europa ſæuijt omni.

Ergo age iam mecum, ſemper ſeſe æthera circum
Voluentem, ſuperumque domos, ardentiaque aſtra
Contemplant, animumque agitans per cuncta, require
Quis ſtatus illorum fuerit, quæ ſigna dedere
Sydera, quid noſtris cœlum portenderit annis:

P ii Hinc

HIERONY. FRACASTORII

Hinc etenim tibi forte nouæ contagis origo
 Omnis, & euentus tanti via prima pateſcet.
 Aspice candentes magni qua Cancer olympi
 Excubat ante fores, & brachia pandit aperta
 Hinc dirę facies, hinc ſe diuerſa malorum
 Oſtendent portenta: vna hac ſub parte videbis
 Magna coiſſe ſimul radiis ardentibus aſtra,
 Et coniuratas ſparſiſſe per æra flammæ:
 Flammæ quas longe tumulo Sirenis ab alto
 Proſpiciens ſenior vates, quem diæ per omnes
 Cœlicolumque domos duxit, docuitque futura
 Vranie: miſeras, inquit, defendite terras
 O ſuperi, inſolitam video per inania ferri
 Illuuiem, & inagnos cœli tabeſcere tractus.
 Bella etiam Europę miſerę, bella impia, & agros
 Auſoniæ paſſim currentes ſanguine cerno.
 Dixit, & illa etiam ſcriptis ventura notauit.
 Mos ſuperum eſt, vbi ſecula vagus ſol certa peregit,
 Ab Ioue decerni fata, & cuncta ordine pandi,
 Quęcunque euentura manent terrasque, polumque:
 Quod tempus quum iam noſtris venientibus annis
 Inſtaret, rerum ſummus ſator, & ſuperum rex
 Iuppiter, acciri ſocios in rebus agendis
 Saturnum, Martemque iubet, bipatentia Cancer
 Limina portarum reſerat, diſque atria pandit.
 Conueniunt ſ quibueſt fatorum cura gerenda.
 Impinger

SYPHYLIS.

Impiger ante alios flammis ferroque corrusquans
 Bellipotens Mauors, animis qui praelia & arma,
 Vndictæque manent, & ouantes sanguine cæ des.
 Post placidus curru inuectus rex Iuppiter aureo
 Insequitur (ni fata obstant) pater omnibus æquus.
 Postremus, linguaue via tardatus & annis.
 Falcifer accedit senior, qui haud immemor iræ
 In natum veteris, nato & parere recusans,
 Sæpe etiam cessit retro, & vestigia torfit,
 Multa minans, multumque animo indignatus iniquo.
 Iuppiter at solio ex alto, quo se solet vno
 Tollere, percenset fata, & ventura resoluit,
 Multum infelicis miserans incommoda terræ,
 Bellaque, fortunæque virum, casuraque rerum
 Imperia, & prædas, ad aperta limina morti,
 In primis ignota noui contagia morbi:
 Morbi, qui humanæ nulla mansuescat opis vi.
 Assensere dei reliqui, concussus Olympus
 Intremuit, tactusque nouis defluxibus æther.
 Paulatim ærii tractus, & innania lata
 Accepere luem, vacuasque insuetus in auras
 Macor iit, cœlumque tulit contagia in omne.
 Siue quod ardenti tot concurrentibus astris
 Cum sole, e pelago multos terraque vapores
 Traxerit ignea vis, qui misti tenuibus auris
 Correptique nouo vitio, contagia visu

P iii

Per-

HIERON. FRACASTORII

Perrara attulerint: aliud siue æthere ab alto
Demissum, late aerias corruperit oras.

Quãquã animi haud fallor, quid agat, quoue ordine
Dicere, & in cunctis certas perquirere causas (cœlum
Difficile esse adeo interdum per tempora longa
Effectus trahit, interdum (quod falere possit)
Miscentur fors, & varii per singula casus.
Nunc age non id te lateat, super omnia miram
Naturam, & longe variam contagibus esse.
Solis nam sæpe arboribus fit noxius aer,
Et tenerum germen, florumque infecit honorem:
Interdû segetem, & sata læta, annique labores,
Corripuit, scabraque iussit rubigine culmos,
Et vitiata parens produxit semina tellus,
Interdum pœnas animalia sola dedere,
Aut multa, aut certa ex ipsis. memini ipse malignism
Luxuriem vidisse anni, multoque madentem
Autumnum perflatum Austro, quo perditus omne
Caprigenum genus e cunctis animantibus vnum
Corruit. a stabulis lætas ad pabula pastor
Ducebat: tum forte alta securus in vmbra.
Dum caneret, tenuique gregem mulceret auena,
Ecce aliquam tussis subito irrequieta tenebat,
Nec longe mora mortis erat: nanque acta repente
Circum præcipiti lapsu, reuomensque supremam
Ore animam, socias inter moribunda cadebat.
Vere autem (dictu mirum) atque estate sequenti

In-

SYPHYLIS.

Infirmas pecudes, balantumque horrida vulgus
 Pestis febre mala miserum pene abstulit omne.
 Usque adeo varia affecti sunt semina cœli,
 Et variae rerum species, numerusque vicissim
 Inter mota subest, interque mouentia certus.
 Nonne vides, quamuis oculi sint pectore anhelò
 Expositi mollesque magis, non attamen ipsos
 Carpere tabem oculos, sed sese immergere in imum
 Pulmonem? & pomis quanquam sit mollior vva,
 Non tamen iis vitiatur, at ipsa liuet ab vna.
 Nempe alibi vires, alibi sua pabula defunt:
 Ast alibi mora certa, nec ipsa foramina multum
 Non faciunt, hinc densa nimis, nimis inde soluta.

Ergo contagum quoniam natura genusque
 Tam varium est, & multa modis sunt semina miris,
 Contemplator & hanc, cuius cœlestis origo est:
 Quæ, sicut desueta, ita mira erupit in auras.
 Illa quidem non muta maris, turbamque natantum,
 Non volucres, non bruta altis errantia sylvis,
 Non armenta bouum, pecudesue, armêtaue equorum
 Infecit, sed mente ingens ex omnibus vnum
 Humanum genus, & nostros est pasta sub artus.
 Porro homine e toto, quod in ipso sanguine crassum
 Et sordens lentore foret, fœdissima primum
 Corripuit, sese pascens vligine pingui.
 Tali se morbus ratione & sanguis habebant.

P iiii

Nunc

HIERONY. FRACASTORII

Nunc ego te affectus omnes, & signa docebo
 Contagis miserę: atque vtinam concedere tantum
 Musa queat, tantumque velit defendere Apollo,
 Tempora qui longa euoluit, cui carmina curæ,
 Hæc multas monumenta dies vt nostra supersint,
 Forte etenim nostros olim legisse nepotes
 Et signa & faciem pestis nouisse, iuuabit.
 Nanque iterum, quum fata dabunt, labentibus annis
 Tempus erit quum nocte atra sopita iacebit
 Interitu data: mox iterum post secula longa
 Illa eadem exurget, cœlumque aurasque reuerset
 Atq; iterum ventura illam mirabitur ætas.
 In primis mirum illud erat, quod labe recepta,
 Sæpe tamen quater ipsa suum complenerat orbem
 Luna prius, quam signa satis manifesta darentur.
 Scilicet extemplo non sese prodit aperte,
 Vt semel est excepta intus, sed tempore certo
 Delitet, & sensim vires per pabula captat.
 Interea tamen insolito torpore grauati,
 Sponteque languentes animis, & munera obibant
 Aegrius, & toto segnes se corpore agebant.
 Ille etiam suus ex oculis vigor, & suus ore
 Deiectus color haud læta de fronte cadebat.
 Paulatim caries fœdis enata pudendis
 Hinc atq; hinc inuicta locos, aut inguen edebat.
 Tum manifesta magis vitii se prodere signa.

Nam

s y p h y l i s,

Nam simulac puræ fugiens lux alina dici
 Cesserat, & noctis tristes induxerat umbras,
 Innatusque calor noctu petere intima fuetus.
 Liquerat extremum corpus, nec membra fouebat
 Obsita mole pigra humorum: tum vellier artus
 Brachiaque, scapulæque, graui, suræque dolore.
 Quippe vbi per cunctas ierant contagia venas
 Humoresque ipsos, & nutrimenta futura
 Polluerant, Natura malum fecernere sueta
 Infectam partem pellebat corpore ab omni
 Exterius: verum crasso quia corpore tarda
 Hæc erat, & lentore tenax, multa inter eundum
 Hærebat membris exanguibus, atque lacertis:
 Inde graues dabat articulis extenta dolores:
 Parte tamen leuiore, magisque erumpere nata,
 Summa cutis pulsa, & membrorum extrema petebat.
 Protinus informes totum per corpus achores
 Rumpebant, faciemque horrendam, & pectora fœde
 Turpabant species morbi noua, pustula summæ
 Glandis ad effigiem, & pituita marcida pingui:
 Tempore quæ multo non post ad aperta dehiscens,
 Mucosa multum sanie, taboque fluebat.
 Quinetiam erodens alte, & se funditus abdens
 Corpora pascebat misere: nam sæpius ipsi
 Carne sua exutos artus, squalentiaque ossa
 Vidimus, & fœdo rosea ora dehiscere hiatu,

Ora,

HIERONY. FRACASTORII

Ora, atque exiles reddentia guttura voces.
 Tum sæpe aut cerasis, aut Phyllidis arbore tristi,
 Vidisti pinguem ex vdis manare liquorem
 Corticibus, mox in lentum durescere gummi.
 Haud secus hac sub labe solet per corpora mucor
 Diffluere: hinc demum in turpem concreescere callum.
 Vnde aliquis ver ætatis, pulchramque iuventam
 Suspirans, & membra oculis deformia toruis
 Prospiciens, fœdosque artus, turgentiaque ora,
 Sæpe Deos, sæpe astra miser crudelia dixit.
 Interea dulces somnos, noctisque soporem
 Omnia per terras animalia fessa trahebant:
 Illis nulla quies aderat, sopor omnis in auras
 Fugerat: ijs oriens ingrata Aurora rubebat:
 Iis inimica dies, inimicaque noctis imago.
 Nulla Ceres illos, Bacchi non vlla iuuabant
 Munera: non dulces epulæ, non copia rerum,
 Non vrbis, non ruris opes, non vlla voluptas,
 Quamuis sæpe amnes nitidos, iucundaque tempe,
 Et placidas summis quæssissent montibus auras.
 Diis etiam sparsæque preces, incensæque templis
 Thura, & diuitibus decorata altaria donis,
 Diti nullas audire preces, donisve moueri.

Ipsè ego Cœnomanum memini qua pingua diues
 Pascua Sæbina præterfluit Ollius vnda,
 Vidisse insignem iuuenem, quo clarior alter

Non

SYPHILIS.

Non fuit, Ausonia nec fortunatior omni:
 Vix pubescentis florebat vere iuuentæ,
 Diuitis, proauisq; potens, & corpore pulchro:
 Cui studia, aut pernicis equi compescere cursum,
 Aut galeam induere, & pictis splendescere in armis
 Aut iuuenile graui corpus durare palæstra,
 Venatuque feras agere, & præuerrere ceruos:
 Illum omnes Ollique Deæ, Eridanique puellæ,
 Optarunt, memorumque Deæ, rurisque puellæ,
 Omnes optatos suspirauere hymenæos.
 Forsan & ultores superos neglecta vocauit
 Non nequicquam aliqua, & votis pia numina mouit
 Nam nimium fidentem animis, nec tanta timentem
 Inuasit miserum labes, qua sequior vsquam
 Nulla fuit, nulla vnquam aliis spectabitur annis.
 Paulatim ver id nitidum, flos ille iuuentæ
 Disperiit: vis illa animi: tum squallida tabes
 Artus (horrendum) miseros obduxit, & alte
 Grandia turgebant fœdis abcessibus ossa.
 Vlcera (proh diuum pietatem) informia pulchros
 Pascebant oculos, & diæ lucis, amorem,
 Pascebantque acri corrosas vulnere nares.
 Illum Alpes vicinæ, illum vaga flumina flerunt.
 Illum omnes Ollique Deæ Eridanique puellæ,
 Fleuerunt, nemorumque Deæ, rurisque puellæ,
 Sebinusque alto gemitum lacus edidit amne.
 Ergo hanc permiseras terras saturnus agebat

Post

A I F R O N Y. E R V B A S T O R I I

Pestem atrox: nec seua minus crudelis & ipse
 Miscebat Mauors, coniunctaque fata ferebat.
 Quippe lue ac nascente, putem simul omnia diras
 Eumenidas cecinisse fera & crudelia nobis.
 Tertareos etiam barathro (dira omina) ab imo
 Exciuisse lacus, Stygiaque ab sede laborem,
 Pestemq; horribilemque famē, bellūque, necemque.

Dii patrii, quorum Ausonia est sub numine, tuque
 Tu Latii Saturne pater, quid gens tua tantum
 Est merita? an quicquam superest dirique grauisque.
 Quod sit inextotum nobis? ecquod genus vsquam
 Auersum vsque adeo cœlum tulit? ipsa labores
 Parthenope dic prima tuos, dic funera regum
 Et spolia, & prædas, captiuæque colla tuorum.
 An stragem infandem memorē, spat sumque cruorem
 Gallorumque, Italumque pari discrimine, quum iam
 Sanguineum, & defuncta virum, defunctaque equorum
 Corpora voluentem, cristasque atque arma trahētem
 Eridanus pater acciperet rapido agmine Tarrum?
 Te quoque spumantem, & nostrorum cede tumētem
 Abdua, non multo post tempore, te pater idem
 Eridanus gremio infelix suscepit & altum
 Indoluit tecum, & fluuiio solatus amico est.

Ausonia infelix, en quo discordia priscam
 Virtutem, & mundi imperium perduxit autum.
 Angulus en ne tui est aliquis, qui barbara non sit
 Seruitia

SYPHYLIS.

Seruitia, & prædas, & tristia funera passus?
Dicite vos, nullos soliti sentire tumultus,
Vitiferi colles, qua flumine pulcher amœno
Erethenus fluit, & plenis lapsurus in æquor
Cornibus, Euganeis properat se iungere lymphis.

O patria, o longum fœlix, longumque quæta!
Ante alias, patria o diuum sanctissima tellus,
Diues opum, fœcunda viris, lætissima campis
Vberibus, rapidoque Athesi, & Benacide lympa,
Ærumnas memorare tuas, summamque malorum
Quis queat? & dictis nostros equare dolores,
Et turpes ignominias, & barbara iussa?
Abde caput Benace, tuo & te conde sub anne,
Vitrices neciam Deus interlabere Lauros.

En etiam, ceu nos agerent crudelia nulla,
Nec lachrymæ, planctusve forent, en dura tot inter,
Spes Latii, spes & studiorum, & Palladis illa
Occidit: ereptum Musarum e dulcibus vlnis
Te miserum ante diem crudeli funere Marce
Antoni, ætatis primo sub flore cadentem
Vidimus extrema positum Benacide ripa,
Quam media inter saxa sonans Sarca abluit vnda.
Te ripæ fleuere Athesis, te voce vocare,
Audire per noctem vmbre, manesque Catulli,
Et patrios mulcere noua dulcedine lucos.

Tempestate illa Aufoniam rex Gallus opimam

Verte-

HIERONY. FRACASTORII

Vertebat bello, & Ligurem ditione premebat.
Parte alia Caesar ferro superabat & igni
Euganeos, placidumq; Silim, Carnumq; rebellem:
Et totum luctus Latium, mœrorque tenebat.

LIBER. II.

Nunc age quæ vitæ ratio, quæ cura adhibenda
Pernitiem aduersus tantam quid tempore quoq;
Conueniat (nostri quæ pars est altera cœpti)
Expediam, & miranda hominum comperta docebo.
Quippe noua quum re attoniti, multa irrita primum
Tentassent, tamen angustis solertia maior
In rebus, crescensque vsu experientia longo
Euicere: datumque homini protendere longe
Auxilia, & certis pestem compescere vinculis,
Victorem & sese claras attollere in auras.
Credo equidem & quædam nobis diuinitus esse
Inuenta, ignaros fati ducentibus ipsis.
Nam quanquam fera tempestas, & iniqua fuerunt
Sydera, non tamen omnino præsentia diuum
Abfuit a nobis, placidi & clementia cœli.
Si morbum insolitum, si dura & tristia bella
Vidimus, & sparsos dominorum cede penates,
Oppidaque, incensasque vrbes, subuersaque regna,
Et templa, & raptis temerata altaria sacris:
Flumina deiectas si perumpentia ripas

Euertere

SYPHYLLIS.

Euertcre fata, & mediis nemora eruta in vndis,
 Et pecora, & domini, correptaque rura natarunt,
 Obseditque inimica ipsas penuria terras:
 Hęc eadem tamen hęc ætas (quod fata negarunt
 Antiquis) totum potuit sulcare carinis
 Id pelagi, immensum quod circuit Amphitrite.
 Nec visum satis, extremo ex Atlante repostos
 Hesperidum penetrare sinus, Præsumque sub Arcto
 Inspectare alia, præruptaque littora Rhapti:
 Atq; Arabo aduehere, & Carmano ex equore merces:
 Aurorę sed itum in populos Titanidis vsque est
 Supra Indum, Gangemque supra, qua terminus olim
 Catygare noti orbis erat: superata Cyambe,
 Et dites ebena, & fœlices macere syluæ.
 Denique & a nostro diuersum gentibus orbem,
 Diuersum cœlo, & clarum maioribus astris
 Remigio audaci attingimus ducentibus & diis.
 Vidimus & vatem egregium, cui pulchra canenti
 Parthenope, placidusque cauo Sebethus ab antro
 Plauserunt, vmbreque sacri manesque Maronis,
 Qui magnos stellarum orbés cantauit, & hortos
 Aëtheridum, cœlique omnes variabilis oras.
 Te vero vt taceam, atque alios quos fama futura
 Post mutos cineres, quos & venientia secla
 Antiquis conferre volent: at Bembe tacendus
 Inter dona deum nobis data non erit vnquam

Magna-

HIERONY. FRACASTORII

Magnanimus Leo, quo Latium, quo maxima Roma
Attollit caput alta, paterque ex aggere Tybris
Assurgit, Romæque fremens gratatur ouanti.
Cuius ab auspiciis iam nunc mala sydera mundo
Cessere, & læto regnat iam Iuppiter orbe,
Puraque pacatum diffundit lumina cœlum.
Vnus qui ærumnas post tot, longosque labores
Dulcia iam profugas reuocauit ad ocia Musas,
Et leges Latio antiquas, rectæque, piæque
Restituit, qui iusta animo iam concipit arma
Pro re Romana, pro religione deorum.

Vnde etiam Euphrates, etiam late ostia Nili,
Et tantum Euxini nomen tremit vnda refulsi,
Atque Aegæa suos confugit Doris in Isthmos.

Ergo alii dum tanta cauent, dumque illius acta
Inclyta component: dum forte accingeris & tu
Condere, & æternis victurum intexere charis:
Nos, quos fata vocant haud tanta ad munera, lusus
Inceptos, quantum tenuis fert Musa, sequamur.

Principio, quoniam affecti non sanguinis vna
Est ratio, tibi sit morbo spes maior in illo,
Sanguine qui infedit puro: verum quibus atra
Bile tument, spissoque resultant sanguine venæ,
Maior in iis labor est, penisque tenacius hæret.
Quare opere precium est validis atque acribus vti
Omnibus hos contra, miseris nec parcere membris.

Quin-

SYPHILIS.

Quinetiam meliora sibi promittere cuncta
 Ille potest, qui principis nouisse sub ipsis
 Serpentem tacite valuit per viscera labem.
 Nanque ubi pasta diu, vires per pabula longa
 Auxerit, & iam se vitium firmauerit intra,
 Heu quanto tibi libertas speranda labore est.
 Ergo omnem impendes operam te opponere paruis
 Principiis, memorique animo hæc præcepta reconde.

In primis ego non omni te assuescere cœlo
 Exhorter: fuge perpetuo quod flatur ab Austro,
 Quod cœno, immundæque graue est sudore paludis.
 Protenti potius campi mihi liber & agri
 Tractus, & apricis placeant in collibus auræ,
 Et molles zephyri, pulsusque Aquilonibus aer
 Hic(iubeo)tibi nulla quies, nulla otia sunt.
 Rumpe moras, agita assiduis venatibus apros
 Impiger, assiduis agita venatibus vrsos.
 Nec tibi sit labor aerii cursu ardua montis
 Vincenti, rapidum in valles deflectere ceruum,
 Et longa lustrare altos indagine saltus.
 Vidi ego sæpe malum qui iam sudoribus omne
 Finisset, syluisque luem liquisset in altis.
 Sed nec turpe puta dextram summiterræ aratro,
 Et longum trahere incuruo sub vomere sulcum:
 Neue bidente solum, & duras proscindere glebas,
 Et valida aeriam quercum exturbare bipenni,

Q i

HIERONY. FRACASTORII

Atque imis altam eruere ab radicibus ornum.
 Quinetiam, exercere domi quo te quoque possis,
 Paruam mane pilam versa mihi, veipere versa,
 Et saltu, & dura potes exudare palæstra.
 Vince malum: nec te fallat, quod desidis oci
 Assidue desiderium, lætæque sequetur.
 Tu læto ne crede, graui ne crede sopori:
 His alitur vitium, & placidæ sub imagine pacis
 Decipit, e dulci que trahit fomenta quiete.
 Necnon interea effugito quæ tristia mentem
 Sollicitant procul esse iube curasque, metumque
 Pallentem, vlticesque iras, omnemque Mineruæ
 Addictum studiis animuth: sed carmina, sed te
 Delectent iuuenumque chori, mistæque puellæ.
 Parce tamen Veneri, mollesque ante omnia vita
 Concubitus, nihil est nocuum magis: odit & ipsa
 Pulchra Venus, teneræ contagem odere puellæ.
 Quod sequitur, victus rō tibi maxima habenda est:
 Nec sit cura tibi, neue obseruantia maior.
 Principio, quoscunque amnes, quoscunque paludes,
 Quosque lacus liquidi pascunt, quosque æquora pascēs,
 Omne genus procul amoue: sunt quos tamen vsus
 Liberius, quum res cogit, concedere possit.
 Omnibus his est alba caro, non dura, tenaxque,
 Quos petra & fluminiū aduersa marisque fatigant.
 Tales nant pelago phycides, rutilæque per vndas
 Auratæ.

SYPHILIS.

Auratæ, gobique, & amantes saxea percæ.
 Talis dulciffimum flumini scarus ad ora
 Solus saxa inter depastas ruminat herbas.
 Sed neque quæ stagnis volucres, quæq; amnibus altis
 Degere amant, liquidisque cibum perquirere invndis,
 Laudarim tibi pinguis anas, tibi crudior anter
 Viterur, potiusque vigil Capitolia seruet:
 Viteturque graui coturnix tarda sugina.
 Tu teneros lactes tu pandæa obdomina porcæ,
 Porcæ heu terga fuge: & lumbis ne vescere aprimis
 Venati quamuis toties confeceris apros.
 Quin neque te crudus cucumis, non tubera caprent,
 Ne ve famen cinara, bulbis ve salacibus exple.
 Non placeat mihi lactis amor, non vsus aceti,
 Non fumosa mero spumantia procula Baccho
 Qualia Cyrnei colles, campique Falerni,
 Et pucinus ager mittunt: aut qualia nostris
 Rhetica dat paruo de collibus vua racemo.
 Nempe Sabina magis placeant, dilutaque tellus
 Quæ tulit, & multo domuerunt Naiades amne.
 At tibi si ex horto victus, mensæque deorum
 Sunt animo, atq; olerû simplex & inempta vo'uptas,
 Non mentæ virides, non læta silymbria, defunt,
 Intybaque, & toto florentes frigore sonchi,
 Et sia fontanis semper gaudentia riuis,
 Et thymbre suaves, & odoriferæ calaminthæ:

Qu

Lata

M I E R O N Y. P R A C A S T O R I I

Lata meliphyla, & riguo buglossus ab horto
 Carpentur, plenisque ferax erucula palmis,
 Atque olus, atque rumex, & falsi gramina crithmi.
 Ipsa lupum dumeta ferent: hinc collige primos
 Asparagos, albe asparagos hinc collige vitis,
 Quum nondum explicuit ramos, umbracula nōdum
 Texuit, & virides iussit pendere corymbos.
 Singula sed longum est, nec percentere necesse,
 Iamque aliud vocor ad munus. iuuat in noua Musas
 Naturæ nemoro Aoniis deducere ab umbris:
 Vnde mihi si non e lauro intexere fronti
 Serta volent, tantaque caput cinxisse coronas
 At saltem obseruata hominum tot millia, dignum
 Censuerint querna redimiri tempora fronde.

Vere nouo, si quem morbus tenet, aut & in ipso
 Autumno, si firma ætas, si sanguis abundat,
 Regalem, mediamve lacerti incidere venam
 Proderit, atque extra fœdatum haurire cruorem.
 Præterea quocunque habeat te tempore pestis,
 Corruptum humorem, & contagem educere turpem
 Ne pigeat, faciliq; luem deponere ab aluo:
 Ante tamen ducenda, para: concreta resolue,
 Et crassa attenua, & lentore tenacea frange.

Ergo Coryciumque thymum sit cura, thymumque
 Pamphilium, thymbræ similis qui durior exit,
 Prima tibi coxisse, lupique volubile gramen,
 Fœnicu-

SYPHYLIS.

Fœniculumque, apiumque & amari germina capni.
 His polyporum hirtos imitata filicula cirros
 Additur, & Nymphis tangi renuens adiantus:
 His sterile asplenum, his pictam phylitida iunge:
 Quorum vbi decoctum permultis ante diebus
 Ebiberis, crudumque humorem incoxeris omnem,
 Tum scilla medicare acri, & colocintide amara,
 Helleboroque graui, nec non quæ in littore surgens,
 Qua ludit maris vnda, ter euariata colorem,
 Ter flores mutata die rem nomine signat,
 Herba potens radice: suum cui zinziber adde:
 Adde etiã anguineum cucumin, Nabathæaque thura,
 Myrrhamque, bdelemque, hāmoniacique liquorem,
 Et lachrymam panaceam, & dulci cholchica bulbo.

His actis, si forte tibi frigentia corda,
 Et molles animi fuerint, nec acerba placebit
 In primis tentare, breuique extinguere pestem,
 Sed placidis agere & per tempora lenibus vti,
 Tum superest tibi cura animum ad fomenta relicta
 Vertere, contagisque ad tenuia semina cæcæ,
 Illa quidem consueta modis inserpere miris.
 Profuerint igitur quæque exsiccantia, quæque
 Marcori resinosa solent obfistere putri.
 Tales sunt mirrhæ lachrymæ, sunt talia thura,
 Cedrusque, aspalathusque, immortalisque cupressus,
 Et bene cum calamo spirans cedolente cyperus.

Q u i i i

Ergo

WIERO N. FRACASTORII

Ergo nec desint casia, nec desit amomum,
 Macer ue, aggalocumue tibi, nec cinn ama odora.
 Est etiam in pratis illud, iuxtaque paludes
 Scordion, omnigenis quod tantum obstare venenis,
 Contagique solet, paruo querenda labore
 Herba tibi, vires ipsa comis imitata chamædryn,
 Flore rubens, referensque alli cum voce siphorem
 Aurora nascente huius frondemque comantem
 Radicesque coque, atque haustu te proluce largo.
 Sed neque carminibus neglecta sibi libere nostris
 Hesperidum decus, & Medarum gloria citre
 Sylvarum: si forte sacris cantata poetis
 Parte quoque ac medicâ non dedignabere Musam,
 Sic tibi sit semper viridis coma, semper opaca,
 Semper flore nouo redolens: sis semper onusta
 Per viridem pomis syluam pendentibus oreis
 Ergo ubi nitendum est cæcis te opponere morbi
 Seminibus, vi mira arbor cithereia præstat.
 Quippe illam Citherea, suum dum plorat Adonim
 Munere donauit multo, & virtutibus auxit.

Quorundâ inuentû est, vitrei intra concaua vasis,
 Cui collum oblongum est, venter turgescit in orbem:
 Aut hederæ folia, aut Ida mittente manipulos
 Dictami, Illyricamue irim, thamnium nigrantem
 Radicem, aut inulas coquere: in sublime solutus
 Effertur vapor, & tenuis vacua omnia complet.

Ast

SYPHILIS.

Ast vbi frigenti occurfauit ab aere vitro
 Cogitur, & rorem liquidus densatur in vtrum,
 Decurritque vagis per aperta canalìa riuis
 Destillantis aquę cyathum sub lumina prima
 Luciferi potare iubent, stratisque parare
 Sudorem: nec certe ab re: vis vtilis olli est,
 Reliquias morbi tenues dispegere in auras.
 Interea si membra dolor conuulfa malignus
 Torqueat, æsypo propera lenire dolorem,
 Mastichinoque oleo, lentum quibus anseris vnguem,
 Emulsumque potes lini de semine mucum,
 Narcissumque, inulamque, liquetiaque addere mella,
 Coryciumque crocum, & vilem componere amurcā.
 At fauces atque ora malus si eroserit herpes,
 Tange nitro, & viridi medicata ærugine lymphā,
 Semina inure mala, & serpentem interfice pestem.

Verum ipsos ope non alia consumere achores
 Vrentum quam vi poteris: quibus addere debes
 Pingue aliquid, quod secum intus siccantia portet.
 Hæc cadem & miseros artus si qua vlcera pascunt,
 Tollere, concretosque valebunt soluere callos.

Si vero aut hæc nequicquam tentasse videbis,
 Aut vires, animique valent ad fortia quæque,
 Nec differre cupis, quin te committere acerbis
 Festines, diramque breui consummere pestem,
 Hinc alia inuenta expediam, quæ tristia quanto

Q. iiii

Sunt

HIERONY. FRACASTORII

Sunt magis, hoc tanto citius finire labores
 Aerumnasq; mali poterunt: quippe effera labes
 Inter prima tenax, & multo fomite viuax,
 Nedum se haud vinci placidis & mitibus: ac nec
 Tractari finit, & mansuescere dura repugnat.
 Sunt igitur styracem in primis qui, cinnabarinque
 Et minium, & stymmi agglomerant, & thura minuta
 Quorum suffitu pertingunt corpus acerbo,
 Absumuntque luem miseram, & contagia dira.
 At vero & partim durum est medicamen & acre,
 Partim etiam fallax, quo faucibus angit in ipsis
 Spiritus, eluctansque animam vix continet egram.
 Quo circa totum ad corpus nemo audeat vti
 Iudice me, certis fortasse erit vtile membris,
 Quæ Papulæ informes, Chironiaque vlcera pascunt.
 Argento melius persoluunt omnia viuo
 Pars maior: miranda etenim vis insita in illo est:
 Siue quod id natum est subito frigusque caloremque
 Excipere, vnde in se nostrum cito contrahit ignem:
 Quodque ad condensum, humores dissoluit, agitque
 Fortius, vt candens ferrum flamma aerius vrit:
 Siue acres, vnde id constat compagine mira,
 Particulæ, nexuque suo vinclisque solutæ
 Introrsum, vt potuere seorsum in corpora ferri,
 Colliquant concreta, & semina pestis inurunt.
 Siue aliam vim fata illi, & natura dedere:

Cuius

SYPHYLLIS

Cuius & inuentum medicamen munere diuum
 Digressus referam, quis enim admiranda deorum
 Munera prætereat? Sirix nam forte sub altis
 Vallibus, vmbrosi nemora inter glauca salicti
 Callirrhoe qua fonte sonans decurrit amœno,
 Fama est, cultorem diis sacri agrestibus horti,
 Cultorem nemorum, sectatoremque ferarum,
 Ilceæ labe grauem tota dum molle cyperum
 Et casiam, & syluam late fragrantis amomi
 Irrigat, hæc orasse deos, & talia fatum.

Dii quos ipse diu colui, tuque optima tristes
 Callirrhoe quæ sancta soles depellere morbos,
 Cui nuper ramosa ferens ego cornua cerui
 Aeria victor fixi capita horrida quercu:
 Dii mihi crudelem misero si tollere pestem
 Hanc dabitis, quæ me afflicta noctesque diesque,
 Ipse ego purpureas, ipse albas veris & horti
 Primitias, vobis violas, ego lilia vobis
 Alba legam, primasque rosas, primosque hyacinthos
 Vestraque odoratis onerabo altaria ferris.
 Gramen erat iuxta viridans. Sic fatus, vt æstu
 Fessus erat, viridi desedit graminis herba.
 Hic dea vicino quæ sese fonte lauabat,
 Callirrhoe liquido ex antro per lubrica musco
 Saxa fluens, iuueni dulci blandita susurro,
 Lethæum immisit somnum, sparsitque sopore

HIERONY. FRACASTORII.

Graminea in ripa, & salicum nemus inter opacum:
 Atque illi visa est sacro se flumine tollens
 In somnis coram esse, pia & sic voce locuta.
 Illeu in extremo diis tandem audite labore
 Cura mei, tibi nulla salus quacunque videt sol
 Speranda est terram magnam super. hoc tibi pœnæ
 Dat Triuia, & precibus Triuiæ exoratus Apollo,
 Ob sacrum iaculo percussum ad flumina ceruum,
 Et nostris affixa tibi capita horrida truncis.
 Nam postquam illa ferâ exanimē per gramina vidit
 Abscisso capite, & sacro sparsa arua cruore.
 Omnibus ingemuit syluis, dirumque precata est
 Autori, oranti Latous tanta sorori
 Affuit, & pestem misero immisere nefandam
 Durus vterque tibi: quin & quacunque videt sol,
 Interdixit opem: quare tellure sub ima,
 Si qua salus superest, circa sub nocte petenda est.
 Est specus arboribus tectum, atque horrore verēdum
 Vicina sub rupe, Iouis qua plurima sylua
 Accubat, & raucum reddit coma Cedria murmur.
 Huc ubi se primis aurora emittet ab undis
 Ire para, & nigrantem ipsis in faucibus agnam
 Mactato supplex: atque Ops tibi maxima, dic, hanc,
 Dic, ferio, nigram tum Noctem, vmbraſque ſilentes,
 Vmbrarumque deos, ignotaque numina Nymphas
 Et Thia venerare, atræ & nidore Cupressi.

Hic

SYRHYLIS.

Hic tibi narrenti causam, auxiliumque vocanti,
Haud aberit dea, quæ cæcæ in penetralia terræ
Deducat te sancta, & opem tibi sedula præstet.
Surge age, nec vani speciem tibi concipe somni,
Illa ego sum, quæ culta vago per pingua fonte
Dilabor, dea vicinis tibi cognita ab undis.
Sic ait, & se cæruleo cita condidit amne,
Ille autem ut placibus cessit sopor, omnia latus
Accipit, & nympham precibus veneratur amicam.
O sequor, o quocunque vocas pulcherrima fontis
Vicini dea Callirhoe. Tum postera primum
Exurgens aurora, suos ubi protulit ortus,
Monstratum lous in sylva sub rupibus altis
Antrum ingens petit, & nigrantem tergora primo
Vestibulo sistit pecudem, magnæque tementem
Mactat Opi tibi; inquit, ego hanc Ops maxima ma
Tum Noctem, Noctisq; deas, ignota precatur (& o.
Numina. iamque simul Thian, attramque Cupressum
Vrebat, quum vox terræ reuoluta cauernis
Longe audita sacras Nympharum perculit aures:
Nympharum, quibus æra solo sunt condita curæ.
Ex templo commotæ omnes, ac cœpta reponunt,
Sulphureos forte ut latices, & flumina viui
Argenti, mox unde nitens concreceret aurum,
Trahebant, gelidoque prementes fonte coquebant.
Centum ignis spissi radios, centum ætheris vsti

Bis

HIERONY. FRACASTORI

Biscentum concretorum terræque marisque
Miscuerant, nostros fugientia semina visus.

At Lipare, Lipare argenti cui semina & auri
Cura data, & sacrum flammis adolere bitumen:
Continuo obscuræ latebrosa per aua terræ

Ilcea adit, firmanisque animum sic incipit ipsa,
Ilceu(namque tuum nec nomen) nec mihi labes

Ignota est, nec quid venias) iam corde timorem
Exue, nec quicquam non te huc charissima mittit
Callirrhoe, tibi parta salus tellure sub ima est.

Tolle animos, & me per opaca silentia terræ
Insequere: ipsa adero, & præsentî numine ducam.

Sic ait, & se antro gradiens præmittit opaco.

Ille subit, magnos terræ miratus hiatus.

Squallentesque situ æterno, & sine lumine vastas

Speluncas, terramque meantia flumina subter

Tû Lipare: hoc quodcûq; pater quâ maxma terra est,

Hunc totum sine luce globum, loca subdita nocti,

Dii habitant: imas retinet Proserpina sedes:

Flumina supremas, quæ sacris concita ab antris

In mare per latas abeunt resonantia terras.

In medio dites Nymphæ, genera vnde metalli,

Aerisque, argentique, aurique nitentis origo:

Quarum ego nunc ad te miserâs ipsa vna sororum

Aduenio: illa ego, quæ venas per montis hiantes,

Callirrhoe haud ignota tuæ, fumantia mitto

Sulphura

SYPHYLIS.

Sulphura, sic ibant terra & caligine tecti.
 Iamque exaudiri crepitantes sulfurę flammę,
 Conclusique ignes, stridentiaque æra caminis.
 Hæc regio est late variis vbi fœta metallis,
 Virgo ait, est tellus, quorum vos tanta cupido
 Exercet, superas cœli qui cernitis auras.
 Hæc loca mille deæ cæcis habitamus in antris,
 Nocte deæ & Tellure satæ, quęis munera mille,
 Mille artes, studium est alii deducere riuos
 Scintillas alii rimari, & sparsa per omnem
 Semina tellurem flammarum, ignisque corusci.
 Materiam miscent alię, massamque coercent
 Obicibus, multa & gelidarum inspergine aquarum.
 Non procul eruptis fumantia tecta caminis
 Aetnæ Cyclopes habent, versantque coquunque
 Vulcano stridente, atque æra sonantia cudunt.
 Læua hæc abstrusa per iter via ducit ad illos.
 Dextra sed sacri fluminis te sistet ad vndam,
 Argento fluitantem vndam, viuoque metallo,
 Vnde salus speranda: & iam aurea tecta subibant,
 Rorantesque domos spodiis, fuligineque atra
 Speluncas varie obductas, & sulfure glauco.
 Iamque lacus late vndantes, liquidoque fluentes
 Argento iuxta astabant, ripasque tenebant.
 Hic tibi tantorum requies inuenta laborum.
 Subsequitur Lipare, postquam ter flumine viuo:

HIERON. FRACASTORII

Perfusus, sacra vitium omne reliqueris vnda.
 Sic fatur, simul argenti ter fonte salubri
 Perfondit, ter virginis dat flumina palinis
 Membra super, iuuenem toto ter corpore lustrat
 Mirantem exuias turpes, & labe maligna
 Exutos artus, pestemque sub anne relictam.

Ergo age, quum primum cœli te purior aer
 Accipiet, nitidemque diam, Solemque videbis:
 Sacra para, & castam supplex venerare Dianam,
 Indigenasque deos, & numina fontis amici.

Sic virgo & iuuenem tanto pro munere grates
 Soluentem e nocte æthereas educit in oras,
 Dimittitque alacrem, atque optata in lumina reddit.
 Accepit noua fama fidem, populosque per omnes
 Prodiit haud fallax medicamen: cœptaque primum
 Misceri argento fluitanti axungia porcæ.
 Mox etiam Oriciæ simul adiuncta est terebinthi,
 Et laricis resina aeris, sunt qui vnguen equinum
 Vrsinumve adhibent, bdellæ cedrique liquorem.
 Nonnulli & mirrhæ guttas, & macula thura
 Adiciunt, miniumque rubens, & sulphura vna.
 Haud vero mihi displiceat, componere si quem
 Trita melampodia, atque arentem iuuerit irim,
 Galbanaque, & lacer graue olens, oleumque salubre
 Lentissi, atque oleum haud experti siliuris ignem.

His igitur totum oblinere, atque obducere corpus

Ne

SYPHILIS.

Ne obscœnum, ne turpe puta: per talia morbus
 Tollitur, & nihil esse potest obscœnius ipso.
 Parce tamen capiti, & precordia molla vita.
 Tum super & vitas astringe, & stuppeanecte
 Vellera: dein statis tegmento imponere multo,
 Dum sudēs, fœdęque fluant per corpora guttę
 Hęc tibi bis quinīs satis est iterasse diebus.
 Durum erit: ac quicquid tulerit res ipsa, ferendum est
 Aude animis, tibi certa salus stans limine in ipso
 Signa dabit: liquefacta mali excrementa videbis
 Assidue sputo immundo fluitare per ora,
 Et largum ante pedes tibi mirabere flumen.
 Ora tamen fœda erodent vlcuscula: sed tu
 Lacte fove, & cocto cytini, viridisque lignis tri.
 Tempore non alio generosi pocula bachi
 Annuerim sumenda tibi, purūque Falernum,
 Et Chia, & pateris spumantia Rhetica largis.
 Sed iam age vicinæ victor gratare saluti,
 Ultima adest tibi cura, eadem & placidissima: corpus
 Abluere, & lustrare artus, ac membra piare
 Stœchade, amaricinisque comis, & rore marino
 Verbenaque sacra, & bene olentibus heracleis.

LIBER III.

S Ed iam me nemora alterius scœlicia mundi,
 Externique vocāt saltus: lōge affonat equos
 Herculeas vltra metas, & littora longe

Ap-

HIERON. FRASCATORII

Applaudunt semota. mihi nunc magna deorum
Munera, & ignota deneſta ex orbe canenda
Sancta arbor, quę ſola mundum, requiemque dolori
Et finem dedit ærumnis. age diua beatum
Vranie venerare nemus, crinesque reiunctam
Fronde noua, iuuet in medica procedere palla
Per latium, & ſanctos populis oftendere ramos
Et iuuet haud vnquam noſtrorum ætate parentum
Viſa prius, nullive vnquam memorata referre.

Vnde aliquis forſan nouitatis imagine mira
Captus, & heroas, & grandia dicere facta
Aſſuetus, canat auſpiciis maioribus auſas
Oceani intacti tentare pericula puppes.
Necnon & terras varias, & flumina & vrbes,
Et varias memoret gentes, & monſtra reperta:
Dimenſasque plagas, altoque orientia cœlo
Sydera, & inſignem ſtellis maioribus Arcton.
Nec taceat noua bella, omnemque illata per orbem
Signa nouum, & poſitas leges, & nomina noſtra
Et canat (auditum quod vix venientia credant
Secula) quodcunque Oceani complectitur æquor
Ingens, omne, vna obitum menſumque carina
Felix qui tantum dederit deus, at mihi vires
Arboris vnus ſatis eſt, vſumque referre:
Et quo inuenta modo fuerit, noſtrasque ſub auras
Aduena per tantum pelagi peruenerit æquor.

SYPHYLIS.

Oceano in magno, ardenti sub sydere Cancri,
 Sol vbi se nobis media iam nocte recondit,
 Hac ignota tenuis, tractu iacet insula longo:
 Hispanam gens inuentrix cognomine dixit
 Auri terra ferax: sed longe ditior vna
 Arbore, voce vocant patrij sermonis Hyacum.
 Ipsa teres, ingensque, ingentem vertice ab alto
 Diffundit semper viridem, semperque comantem
 Arbuteis syluam folijs, nux parua, sed acris,
 Dependet ramis, & plurima frondibus hæret,
 Materia indomita est, duro & pene æmula ferro
 Robora, quæ resinam sudant incensa tenacem:
 Dissectæ color haud simplex. in cortice lauri
 Extérieure viret leuor: pars altera pallet
 Buxea: ad interior nigro suffusca colore est,
 Iuglandemque, ebumq; inter. quod si inde ruberet,
 Iam poterat variis æquare coloribus irim.
 Hanc gens illa colit, studioque educere multo
 Nititur: hac late colles campique patentes,
 Hac omnis vestitur ager: nec sanctius illis
 Est quicquam, aut potiore vsu: quippe omnis in illa
 Spes iacet hanc contra pestem, quæ cœlitus illic
 Perpetua est. validos abiecto cortice ramos
 Multa vi tundunt, aut in segmenta minuta
 Elimant, puroque scobes in fonte reponunt,
 Dum bibulas noctemque diemque emaceret humor.

R Inde

HIERONY. FRACASTORI

Inde coquunt: necnon illos ea cura fatigar,
 Vulcano ne forte furens erumpat aque vis,
 Et superundantem spumam proiectet in ignes.
 Spuma quippe linunt, si quicquam e corpore toto
 Abscedit, si quicquam ægros depascitur artus.
 Dimidia absumpta, superest quodcunque reponunt
 Diuini laticis, quin & segmenta relictæ,
 Rursus, vt ante, coquunt, addentes suaue liquens mel.
 Scilicet hunc vnum mensis accedere potum,
 Et lex ipsa iubet gentis, mendatque sacerdos.
 Seruatum ad laticem, & decocti pocula primi
 Bina die quaque assumunt, quum surgit ab ortu
 Lucifer, & sero egreditur quum Vesper olympo,
 Nec prius absistunt potu quam menstrua cursum
 Luna suum, & totum peragrans perfecit orbem,
 Fraternasque iterum conuenerit æmula bigas.
 Interea cæcis sese penetralibus abdunt,
 Quo neque vis venti, non halitus aeris vllus
 Intinuet sese, & gelidis afflatibus oblit.
 Quid mirandum æque memorem super omnia victum
 Quam tenuem, quam magna sibi ieiunia poscant?
 Quippe solet iatis esse, ipsum dum corpus alatur:
 Dum superet vita, & tantum ne membra fatiscant,
 Ne tamen ah ne tanta time, sacer illicet haustrus
 Ille modo ambrosiæ, vires reficitque fouetque,
 Inque occulta gerit ieiunio pabula membris.

Nectare

SYPHYLIS.

Nectare ab epoto binas, non amplius horas
Imponunt sese stratis, medicamen vt intro
Large eat, & calido sudorem e corpore ducat.
Interea vacuas pestis vanescit in auras:
Et (dictu mirum) apparet iam pustula nulla:
Iamque nomē cessere omnes, iam fortia liquit
Membra dolor, primoque redit cum flore iuuentas
Et iam Luna suum remeans noua circuit orbem.

Quis deus hos illis populis monstrauerit vsus:
Qui demum & nobis casus, aut fata tulere
Hos ipsos: vnde & sacræ data copia syluæ,
Nunc referam, Misse quæsitum abscondita Nerei
Aequora in occasum Solisque cubilia pinus,
Littoribus longe patriis, Calpeque relictis,
Ibant oceano in magno, pontumque secabant
Ignaræque viæ, & longis erroribus actæ.
Quas circum innumere properantes gurgite ab omni
Ignoti noua monstra maris Nereides vde
Adnabant, celsas mirate currere puppes,
Salsa super pictis volitantes æquora velis.

Nox erat, & puro fulgebat ab æthere Luna,
Lumina diffundans tremuli per marmora ponti,
Magnanimus quum tanta heros ad munera fatis
Delectus, dux errantis per cœrula classis,
Luna, ait, o pellagi cui regna hæc humida parent,
Quæ bis ab aurata curuasti cornua fronte,

R ii

HIERONY. FRACASTORII

Curuabis explesti, nobis errantibus ex quo
 Non vlla apparet tellus: da littora tandem
 Aspicere, & dudum speratos tangere portus,
 Noctis honos, coeli que decus Latonia virgo.
 Audit orantem Phœbe, de lapsaque ab alto
 Aethere, se in faciam mutat, Nercia quali
 Cymothoe, Clotho que natant, iuxtaque carinam
 Astitit, & summo pariter nans æquore faur:
 Ne nostræ dubitate rates, lux crastina terras
 Ostendet, fidoque dabit succedere portu.
 Sed vos littoribus primis ne insistite dudum:
 Ultra fata vocant, medio magna insula ponto
 Est Ophyre, huc iter est vobis, hic debita sedes
 Imperii que caput, simul hæc effata, carinam
 Impulit: illa leui cita dissecat æquora cursu.
 Aspirant faciles auræ, & iam clarus ab undis
 Surgebat Titan, humiles quum surgere colles
 Umbrosi procul, & proprior iam terra videri
 Incipit, acclamant nautæ, terramque salutant,
 Terram exoptatam, tum portu & littore amico
 Excepti, diis vota piis in littore solvunt:
 Quassatasque rates, defessaque corpora curant
 Inde vbi quarta dies pelago, crepitansque vocavit
 Vela Notus, remis insurgitur, altaque rursus
 Corripiunt maria, & lati freta cæcula sulcant.
 Linqvitur incerto fluitans Anthylla ponto,

Atq;

SYPHYLIS.

Atque Hagia, atque alta Ammerie, execrataque tellus
 Cannibalum, & ripa Gyane nemorosa virenti.
 Protinus innumeræ panduntur turribus altis
 Insulæ oceano in vasto, quas inter opacis
 Vndantem syluis vnam, cursuque sonantem
 Fluminis aspiciunt, magno qui spumens aluco
 In mare fulgentes auro subuectat arenas.
 Huius in ora placet pronas appellere puppes.
 Inuitant nemora, & dulces e flumine lymphæ.
 Iamque solo viridante alacres, ripaque potiti,
 In primis terram ignotam, Nymphasque salutant
 Indigenas, Geniumque loci, teque aurifer amnis,
 Quisquis in ora maris nitida perlaberis vnda,
 Tum duram Cererem, & patrii Carchesia Bacchi
 Aggere in herbofo expediunt: dein quærere si qui
 Mortales habitent: pars fuluam fluminis vndam
 Mirari, mistamque auro disquirere arenam.
 Forte per vmbrosos sylvarum plurima ramos
 Assidue volitabat auis, quæ picta nitentes
 Cæruleo pennas, rostro variata rubenti,
 Ibat natiuo secura per auia luco.
 Hæc; manus iuuenum vt syluas videre per altas,
 Continuo caua terrificis horrentia bombis
 æra, & flammiferum tormenta imitantia fulmen
 Corripiunt: Vulcane tuum, dum Theutonas armas,
 Inuentum: dum tela Iouis mortalibus affers.

R iii

Ncc

HIERONY. FRACASTORII

Nec mora, signantes certam sibi quisque volucrem;
Inclusam, salicum cineres, sulfurque, nitrumque,
Materiam, accendunt seruata in reſte fauilla.
Fomite correpto diſfuſa repente furit vis
Ignea circumſepta: ſimulque cita obice rupto
Intruſam impellit glandem: volat illa per auras
Stridula, & exanimes paſſim per prata iacebant
Deiectæ volucres: magno micat ignibus aer
Cum tonitru, quo ſylua omnis, ripæ que recurue
Et percuffa imo ſonuerunt æquora fundo.
Pars auium nemus in denſum conterrita, & altos
Se recipit ſcopulos: quorum de vertice ſummo
Horrendum vna canit (diſtu mirabile) & aures
Terrificis implet dictis, ac talibus inſit.

Quis Solis violatis aues, ſacraſque volantes,
Hesperii, nunc vos, quæ magnus cantat Apollo
Accipite, & noſtro vobis quæ nunciat ore.
Vos quanquam ignari, longum quæſita, ſecundis
Tandem parta Ophyre tetigiftis littora ventis.
Sed non ante novas dabitur ſummitere terras,
Et longa populos in libertate quietos,
Molirique vrbes, ritusque ac ſacra nouare,
Quam vos infandos pelagi terreque labores
Perpeſſi, diuerſa hominum poſt prælia, multi
Mortua in externa tamuletis corpora terra.
Nauibus amiſſis pauci patria arua petetis.

Fruſtra

SYPHILIS.

Frustra alii socios queretis magna remensi
 Aquora: nec nostro deerunt Cyclopes in orbe.
 Ipsa inter sese vestras discordia puppes
 In rabiem ferrumque trahet: nec sera manet vos
 Illa dies, fœdi ignoto quum corpora morbo
 Auxilium sylua miseri poscetis ab ista,
 Donec pœniteat scelerum: nec plura loquuta
 Horrendum stridens densis sese abdidit vmbriis.
 Ollis ossa rigor subitus percurrit, & omnis
 Palluit, ac gelida fugit formidine sanguis.
 Tum vero iâcras volucres, diuosque præcati,
 In primis Solem, & sanctum seruantia lucum
 Numina supplicibus venerantur agrestia votis:
 Pacem orant, rursusque Ophyren, flumiñq; salutant.
 Interea e syluis nigrum genus ora comasque,
 Ad naues noua turba virum concurrat inermis,
 Pectora nudi omnes, euincti frondibus omnes
 Paciferis, tanta qui celsas mole carinas
 Mirati, vestesque virum, fulgentiaque arma,
 Vix satis expleri possunt: & ab æthere missi
 Siue homines, siue heroes sint, siue deorum
 Numina, adorandum ritu, precibusque salutant:
 Ante alios ipsum regem, cui munera læta
 E ripis collectum aurum, & cere alia dona,
 Et patrios fructus, & mella liquentia portant.
 Vellibus ipsi etiam nostris, & munere multo

R. iiii

Do-

HIERONY. FRACASTORII

Donati, exceptique mero noua gaudia miscent.
Non aliter, quam si mensis, dapibusque deorum
Mortalis quisquam adscitus, felixque futurus,
Hauriat æternum, cœlestia pocula, nectar.

Ergo vbi amicitie securos fœdere vrrinque
Firmauere animos; habita & commercia gentis,
Ipsi inter sese reges in littore læti
Complexu iungunt dextras, & fœdera firmant.
Alter gossipio tenui pectusque femurque
Præcinctus, viridi limbum pingente smaragdo,
Ora niger, iaculo armatur cui dextera acuto,
Squamosi spoliū sustentat læua draconis.
Alter at intexto lænam circumdatus auro,
Quam subter rutila arma micant, capiti ærea cassis
Insidet, & pictæ volitant in vertice cristæ.
Fulgenti ex auro torques cui candida colla
Cingunt, atque ensis lateri dependet Iberus.
Et iam commixti populi, hospitioque recepti,
Hi tectis domibusque, altis in nauibus illi,
Lætitia ludisque dies per pocula ducunt.

Forte loco lux festa aderat, Solique parabant
Vltori facere vmbroso sacra annua luco.
Hesperique, Ophiræque manus conuenerat omnis.
Hic conualle caua, ripæ viridentis in herba,
Selectorum ingens numerus, matresque virique
Confusi, plebs atque patres, puerique senesque,
Astabant

SYPHYLIS.

Astabant, animis tristes, & corpora fœdi,
 Squalentes crustis omnes, taboque fluentes.
 Quos circumfusus albenti in veste sacerdos
 Pura lustrat aqua, & ramo frondentis Hyaci.
 Tum niueum ante aras cedit de more iuuentum.
 Et iuxta positum pastorem sanguine cæsi
 Respergit, pateraue rigat: Solique potenti
 Ad numeros pæana canit: nec cætera turba
 Non sequitur, mactantque sues, mactantque bidentes,
 Visceribusque veru tostis epulantur in herba.
 Obstupuit gens Europæ ritusque sacrorum,
 Contagemque alio non vsquam tempore visam.
 At dux multa animo tacitus secum ipse volutans,
 Hic erat ille, inquit, morbus, (Dii auertite casum)
 Ignotum interpres Phæbi quem dira canebat.
 Tum regem indigenam, (vt sermo fandique facultas
 Iam communis erat) cui sint solemnia diuum?
 Scitatur: quid tanta astet conualle sub alta
 Languentum miseranda manus? quid pastor ad aras
 Sacra inter, cæsi respersus sanguine tauri?
 Quem contra, Hesperie o heros fortissime pubis,
 Rex ait, hi gentis ritus, hæc sacra quotannis
 Vltori de more Deo celebramus: origo
 Antiqua est, veteresque patrum fecere parentes.
 Quod si externorum mores, hominumque labores
 Audiuisse iuuat, primæua ab origine causam

Sacrorum

HIERON. FRACASTORII

Sacrorum, & pestis miserę primordia pandam.
 Forsitan Atlantis vestras peruenit ad aures
 Nomen, & ex illo generis longo ordine ducti.
 Hac & nos longa serie, de stirpe profecti
 Dicimur: heu quondam felix & chara Deum gens,
 Dum cœlum colere, & superis accepta referre
 Maiores sucuere boni sed numina postquam
 Contempni cœptum est, luxu fastuque nepotum,
 Ex illo quæ sint miteros, quantęque secutæ
 Aerumne, vix fando vnquam comprehendere possem.
 Insula tum prisce regis de nomine dicta
 Ingenti terrę concussa Atlantia motu
 Corruit, absorpta oceano, quem mille carinis
 Sulcauit toties, terrę regina marisque,
 Ex illo & pecudes, & grandia quadrupedantum
 Corpora, non vllis vnquam reparata diebus
 Aeternum periere, externaque victima sacris
 Cœditur, externus nostras cruor imbuat aras.
 Tum quoq; & hæc infanda lues, quam nostra videtis
 Corpora depasci, quam nulli, aut denique pauci
 Vitamus, diuum offensis, & appollinis ira
 De cœlo demissa, omnes grassatur in vrbes.
 Vnde hæc sacra nouo primum solennia ritu
 Institueret patres, quorum hæc perhibetur origo.
 Syphilus (vt fama est) ipsa hæc ad flumina pastor
 Mille boues, niueas mille hæc per pabula regi

Al-

SYPHYLI3.

Alcithoo pascebat oues:& forte sub ipsum
 Solstitium, vrebat sitientes Syrius agros:
 Vrebat nemora, & nullas pastoribus umbras
 Præbebant sylvæ: nullum dabat aura leuamen.
 Ille gregem miseratus, & acri concitus æstu,
 Sublimem in solem vultus & lumina tollens,
 Nam quid Sol te, inquit, rerum patremque Deumque
 Dicimus? & sacras vulgus rude ponimus aras?
 Mæstatoque boue, & pingui veneramur acerra?
 Si nostri nec cura tibi est, nec regia tangunt
 Armenta? an potius superos vos arbitrer vri
 Inuidia? mihi mille niuis candore iuence,
 Mille mihi pascuntur oues, vix est tibi Taurus
 Vnus, vix Aries cœlo (si vera feruntur)
 Vnus, & armenti custos Canis arida tanti.
 Demens quin potius Regi diuina faceffo?
 Cui tot agri, tot sunt populi, cui lata ministrant
 Aequora, & est superis, ac Sole potentia maior,
 Ille dabit facilesque auras, frigisque virentum.
 Dulce feret nemorum armentis, æstumque leuabit.
 Sic fatus, mora nulla, sacras in montibus aras
 Instituit regi Alcithoo, & diuina faceffit.
 Hoc minus agrestum, hoc pastorum cætera turba
 Exequitur: dant thura focis incensa, litantque
 Sanguine taurorum, & fumantia viscera torrent.
 Quæ postquam rex, in folio dum forte sederet,

Sub

HIERONY. FRACASTORII

Subiectos inter populos, turbamque frequentem,
 Agnouit, diuum exhibito gaudius honore,
 Non vllum tellure coli, se vindice numen
 Imperat, esse nihil terra se maius in ipsa,
 Cœlo habitare deos, nec eorū hoc esse quod infra est.
 Viderat hæc, qui cuncta videt, qui singula lustrat,
 Sol pater, atque animo secum indignatus, iniquos
 Intorsit radios, & lumine fulsit acerbo,
 Aspectu quo Terra parens, correptaque ponti
 Aequora quoque viro tactus subcanduit aer.
 Protinus illuies terris ignota profanis
 Exoritur. primus, regi qui sanguine fuso
 Instituit diuina, sacrasque in montibus aras,
 Syphilus, ostendit turpes per corpus achores.
 Insomnes primus noctes, conuulsaque inembra
 Sensit, & a primo traxit cognomina morbus:
 Syphilidemque ab eo labem dixere coloni.
 Et maia iam vulgo cunctas diffusa per vrbes
 Pestis erat, regi nec sæua pepercerat ipsi.
 Itur ad ammericen sylua in Cartheside Nympham,
 Cultricem nemorum Ammericen, quæ maxima luco
 Interpres diuum responsa canebat ab alto.
 Scitantur, quæ causa mali, quæ cura supersit.
 Illa refert: spreti vos, o vos numina Solis
 Exercent: nulli fas est se æquare deorum
 Mortalem: date thura deo, & sua ducite sacra,

Et

SYPHILIS.

Et numen placate, iras non proferet ultra.
 Quam tulit, æterna est, nec iam reuocabilis vnquam
 Pestis erit: quicunque solo nascetur in isto,
 Sentiet: ille lacus Stigios fatumque seuerum
 Iurauit. sed enim si iam medicamina certa
 Expetitis, niueam magnæ mactate iuencam
 Iunoni, magnæ nigrantem occidite vaccam
 Telluri, illa dabit foelicia semina ab alto:
 Hæc viridem educet foelicie semine syluam:
 Vnde salus. simul obticuit: specus intus, & omne
 Excussum nemus, & circumstetit horror vbique.
 Illi obeunt mandata: sua ipsi altaria Soli
 Instituunt, niueam Iuno tibi magna iuencam,
 Nigrantem Tellus mactant tibi maxima vaccam.
 Mira eadem. (at diuos iuro, & monumenta parentum)
 Hæc sacra, quam nemore hoc toto vos cernitis arbor
 Ante solo nunquam fuerat quæ cognita in isto
 Protinus e terra virides emittere frondes
 Incipit, & magna campis pubescere sylua.
 Annua confestim Soli facienda sacerdos
 Vltori noua sacra canit. deducitur ipse
 Sorte data, qui pro cunctis cadat vnus ad aram
 Syphilus: & iam farre sacro, vittisque paratis
 Purpureo stabat tincturus sanguine cultros.
 Tatatrix vetuit Iuno, & iam mitis Apollo,
 Qui meliorem animam miseri pro morte, iuencum
 Supposuere

HIERONY. FRACASTORII

Supposuere, feroque solum lauere cruore.
 Ergo eius facti æternum vt monumenta manerent,
 Hunc morem antiqui primum statuere quotannis
 Sacrorum, ille tuum testatur Syphile crimen,
 Victima vana, sacras deductus pastor ad aras.
 Illa omnis quam cernis, inops miserandaque turba
 Tacta deo est, veterumque luit commissa parentum,
 Cui votis precibusque pijs numerisque sacerdos
 Conciliat vates diuos, & Apollinis iras.
 Lustrati ingentes ramos, & robora sanctæ
 Arboris aduectant rectis libamine cuius
 Vi mira infandæ labris contagia pellunt.

Talibus, atque alijs tempus per multa trahebant
 Diuersis populi committi e partibus orbis.
 Interea Europæ fuerant quæ ad chara remissæ
 Litora, iam rursus puppes freta lata remen-
 Mira ferunt: late (proh fata occulta deorum)
 Contagem Europæ cælo crebrescere eandem,
 Attonitasque vrbes nullis agitare medelis.
 Quinetiam grauior naues it rumor in omnes,
 Illo eodem classem morbo, iuuenumque teneri
 Haud numerum exiguum, & totis tabescere membris
 Ergo haud immemores, diras cecinisse volucres,
 Affore, quum sylua auxilium poscatur ab illa:
 Continuo faciles Nymphas, Solemque precati,
 Intacti nemoris ramos, & robora ab alto,

Connecta-

SYPHILIS.

Conectare parent luco, medicataque sumunt
 Pocula, pro ritu gentis: quo munere tandem
 Contagem pepulere feram, quin dona deorum,
 Haud patriæ oblitus, & fœlicem ad littora syluam
 Nostra iubent ferri, cœlo si forsitan isto
 Assimilem pellant labem: nec fata sequundos
 Ipsa negant Zephyros, facilisque spirat Apollo.
 Et a vos diuum primi accepistis Iberi,
 Præsens mirati auxilium: nunc cognita Gallis,
 Germanique, Scythisque, orbe & gausa Latino
 Iam nunc Europam vincta est Huyacus in omnem.
 Salue magna deum manibus fata semine sacro,
 Pulchra comis, spectata nouis virginitatibus arbor:
 Spes hominum, externi decus, & noua gloria mundi,
 Fortunata nimis, natam si nomina tantum
 Orbe sub hoc, homines inter gentemque Deorum
 Perpetua sacram voluissent crescere sylua.
 Ipsa tamen, si qua nostro te carmine Musæ
 Ferre per ora virum poterunt, hac tu quoque parte
 Nosceris, cœloque etiam cantabere nostro.
 Si non te Bactra, & tellus extrema sub arcto,
 Non Meroe, Libicisque Ammon combustus arenis,
 At Latium, at viridis Benaci ad flumina ripa
 Audiet, & molles Athesi, labente recessus.
 Et fat erit, si te Tiberini ad fluminis vadam
 Interdum leget, & referet tua nomina Bembus.

F I N I S.

